

MISY LEHILAHY IRAY ETO IZAY

AFAKA MANDREHITRA NY JIRO

 Misaotra anao rahalahy. (Avelao izy hihira.) Ndao isika hanondrika ny lohantsika ankehitriny. Ry Rainay any An-danitra, misaotra Anao izahay izao maraina izao ny amin'ny Fahatsaranao sy ny famindramponao, ny amin'ny nanomezana anay ny tombontsoa hivory miaraka eto indray, andro iray amin'ity ilan'ny Mandrakizay lehibe ity, mba hanompo an'ilay Anankiray maha-te-ho tia, Jesosy Kristy Tompo. Misaotra Anao izahay satria tonga teto an-tany Izy mba—mba hanavotra anay avy amin'ny—ny fiainam-pahotana, ka hanome anay an'ity lova lehibe izay anananay amin'ny alàlan'ny Fahamarinany ity. Ary satria izahay, izao maraina izao, dia eto amin'ny maha-Ambasadaorony, mba—mba hamaky an'ity Mofon'Aina ity amin'ity fiangonana miandry ity, dia enga anie ny Fanahy Masina hanindry mandry ny Teny tsirairay ka hametraka an'izany ao am-pon'ny olona, arak'izay ilainay mihtisy. Mangataka an'izany amin'ny Anaran'i Jesosy izahay. Amena.

Mahazoa toerana.

² Mihevitra an'izao tokoa aho, ary tombontsoa iray lehibe, izao maraina izao indray, ny mitsangana eto miaraka aminareo. Miala tsiny fa tsy manana efitra mihoatra noho izay anananay izahay, mba hikarakarana ny olona. Tsy dia lehibe loatra ny tabernaklanay. Ary tena mankasitraka izahay ny tonga eto, mandritr'ity fialan-tsasatra ity, avy any—avy any an-tranonay any...any Tucson. Ary somary ratsy ny toetr'andro, saingy sambatra isika ny tonga eto sy hanana ny favoriana.

Ankehitriny, tiako ny hilaza fa hisy asam-panasitranana iray rahaariva, na vavaka ho an'ny marary. Ary niteny tamin'i Billy aho vao izao. Hoy izy hoe, “Eny, inona no hataonao?”

³ Hoy aho hoe, “Eny, angamba tsaratsara kokoa aminao ny mizara karatra vitsivitsy rahaariva, eo amin'ny enina sy sasany eo, mba tsy hahatongan’ny olona...”

Ary, hitanareo, tena hipoka ato, afaka mahafantatra izahay hoe ahoana fotsiny no hitondrana azy ireo, tsirairay, noho izany dia afaka hantsoina araka ny nomeraon'ny karatrareeo ianareo, ary amin'izay fotoana izay dia tsy hisy fitohanana intsony. Afaka miantsio azy ireo fotsiny izahay, tsirairay, hamela azy ireo handeha eo amin'ilay laharana raha mivavaka ho azy ireo izahay.

⁴ Noho izany, ianareo, raha marary ianareo, na manana malala izay marary, ka te-hitondra azy ireo, dia tongava eo amin'ny enina sy sasany, zavatra tahaka an'izany, amin'ny fito ora, ka makà karatra fangataham-bavaka iray. Ho eo am-baravarana izy, na toy ny ahoana no hizarany azy ireo, arakaraky ny ahatongavanareo.

⁵ Ary, avy eo, mety ho ity angamba no fotoana farany tsy maintsy hiverenako, mandritry ny fotoana vitsivitsy, satria manana fandaharam-potoana iray tena feno aho ankehitriny. Eto, ary mbola eto Etazonia foana hatramin'ny lohataona, farany. Noho izany, izahay, hiverina indray izahay angamba tara kely amin'ity fahavaratra ity.

Raha sitraky ny Tompo, ho tiako ny, raha vitanay ilay-ilay toerana eto raha misy rivotra fampangatsiahana izy. Hanontany an'i Billy aho. Tiako ny hiresaka eo amin'ireo Trompetra Fito, hanana fi... favoriana iray eto ho an'ireo Trompetra Fito, raha—raha sitraky ny Tompo. Satria, izany, ireo—ireo Taom-Piagonganana Fito, sy ireo Tombokase Fito, ary ankehitriny ireo Trompetra Fito. Ary afaka maka fotoana iray ohatra amin'ny Jona izay ananan'ireo olona ny fakan-drivony, hanome fotoana azy ireo mba ahafahany ho tonga.

⁶ Ary faly aho mahita an-dRahalahy Shepherd eto izao maraina izao, avy any amin'ny hopitaly. Nandeha njery azy aho indray andro. Ary Ranabavy Shepherd, tsy afaka niantso anao aho omaly. Ilay nofy izay nalefanao tamiko dia tena, tena nahafinaritra. Ianao dia nahita, araka an'ilay izy, an'i Kristy tao amin'ny—teo amin'ny... tao—teny amin'ny lanitra, teo ambonin'io soavalys fotsy io, kanefa mbola voafatotra, hitanao. Fa, kanefa, talohan'ny nanjavonan'ilay izy, dia hitan'ny fianakavianareo rehetra ilay izy. Izany, ny fandikana an'ilay nofy, dia hoe ny fianakavianao dia nahita ny Fihetsiny amin'izao andro farany izao alohan'ny nahalasan'an'ilay izy, inona Izany. Noho izany, ilay izy dia, tena ara-panahy izany, ary tena fitahiana tsara iray ho anao, ianareo mianakavy. Nandalo fahoriambe lehibe io fianakaviana io, mba ho tonga eo amin'izay misy azy ireo androany.

⁷ Ary ankehitriny dia manana zavatra iray isika, eo amin'ny lafiny mampalahelo kely, izao maraina izao. Hatramin'ny nihaonako teto... Ny anankiray amin'ireo sakaizantsika sarobidy, ary—ary mpanketo amin'ity tabernakla ity, ny fianakaviana Coats; fa, tiantsika rehetra izy ireo. Tonga avy any atsinanana izy ireo, ary, na avy any Chicago, manodidina. Ary Ranabavy Billie Habib, sy—sy ny rahavaviny, Armstrong, ary ireo zazavavy rehetra. Izy ireo... Heveriko fa Nazareana izy ireo tany aloha, ka nanatona ny Tompo, ary tena sakaizantsika sarobidy mihtisy izy ireo.

Ary Rahalahy sy Ranabavy Coats, ny ray sy renin'izy ireo, dia teny an-dàlana hody indray andro, avy any Andrefana, ary nalama teo amin'ny lèlana ny olona iray ka—ka namono andRanabavy Coats, teo no ho eo. Ary—ary raha mbola niantso ahy izy ireo, tany—tany Tucson, ka reko ny mikasika an'ilay izy, dia nipetraka teo mihitsy aho tamin'izany niaraka tamin'ny vatomamy iray boaty vao avy namboariny ho ahy, nipetraka teo ambonin'ny—teo ambonin'ny latabatra. Ary tsy fantatrareo hoe toy ny ahoana no nanaovan'izany ahy hahatsapa. Fa izaho—mihevitra aho fa, misaotra ny Tompo izao maraina izao, tsy nila nijaly izy. Efa azon-taona izy, ka tsy nila nijaly. Ary lasa nankany an-Trano izy hiaraka amin'ny Tompo.

⁸ Nieritreritra fotsiny aho, ary niresaka tamin'ireo zananivavy anankiroa, vao izao, tao amin'ny efitra tao. Eto Rahalahy Coats izao maraina izao; manana taolan-tehezana vitsivitsy tapaka izy. Ary niantso azy aho tany amin'ny hopitaly ary niditira hopitaly izy, tany Missouri, ary tapaka ireo taolan-tehezany sy ny sisa, saingy nanana tena herim-po iray izy, tena Kristiana iray; nahafantatra fa tsy maty io mpanjakavavy kely io, velona mandrakizay izy, miaraka amin'i Kristy, ary hisy fotoan'ny firaisansana iray.

⁹ Hoy i Joba, indray mandeha hoe, “Oh, enga anie Ianao hanafina ahy ao am-pasana, ka hitahiry ahy ao anatin'ny toerana miafina, mandra-pandalon'ny Fahatezeranao.”

¹⁰ Efa mba voamarikareo ve fa Andriamanitra, ao amin'ny natiora, dia manao an'ilay zavatra iray ihany? Tahaka an'ilay tsiron-kazo izay ao anatin'ireo hazo eto, mihazona an'ireo ravina; ary alohan'ny ahatongavan'ny andro ririnina, ilay fahatezerana izay miraraka eto ambonin'ny tany... Hitanareo, tsy nanana ririnina ny tany indray mandeha. Ary ao amin'ny Arivo taona dia tsy hisy ririnina intsony, hitanareo. Noho izany dia izany ilay fahatezerana eto ambonin'ny tany. Noho izany rehefa nitranga io... Hitanareo, alohan'ny ahatongavan'ny fahatezerana, Andriamanitra ao amin'ny Famindrampony dia mandefa an'io tsiron-kazo io avy hatrany midina mankao amin'ny... ao ambanin'ny tany, ao anatin'ireo fakan'io hazo io, ary mitahiry azy ao mandra-pandalon'ny fahatezeran'ny ririnina, avy eo dia mampakatra azy miverina indray, hitanareo, amin'ny lohataona.

“Oh, enga anie Ianao hanafina ahy ao am-pasana, sy hitahiry ahy ao amin'ny toerana miafina, mandra-pandalon'ny Fahatezeranao.” Izany no Nataony ho an'ny anabavintsika. Izany no Ataony ho an'ny Kristiana rehetra.

¹¹ Rahalahy Coats, Andriamanitra hitahy anao. Tena faly aho ny mahafantatra fa, fa ny Tombokasen'Andriamanitra no mihazona anao ao amin'ny oran'ny fahoriana. Fantatro izay andalovany, satria efa nandalo zavatra nitovy tamin'izany aho,

taona maro lasa izay. Fa izaho dia... Tsirairay no tsy maintsy hiampitantsika an'io renirano lehibe io; ary, izaho, ary hisy ny fotoako, indray andro any; ary ny fotoanareo, indray andro any. Fa araka ny nolazain'i Davida hoe, "Tsy hatahotra ny loza aho; fa Ianao no amiko. Ny Tsorakazonao sy ny Tehinao no mampionona ahy."

¹² Ankehitriny ho fahatsiarovana an-dRanabavy Coats, ny anabavintsika sarobidy izay lasa nankany amin'Andriamanitra. Izaho... Ho fahatsiarovana azy kely, izao maraina izao, dia tiako ny fiangonana hitsangana vetivety fotsiny.

Ndao isika hanondrika ny lohantsika ka hieritreritra anankiray izay fahiny, andro vitsy lasa izay, nandeha tato—tato amin'ity tabernakla ity, niditra sy nivoaka teto anivontsika, nandray ny tànantsika, Kristiana iray maha-te-ho tia, ankehitriny dia ao amin'ilay toerana izay navelan'ny Tompo ho hitako vao tsy ela akory izay, vehivavy iray tanora indray, miandry ny fahatongavan'ny fianakaviany.

¹³ Ry Rainay any An-danitra, misaotra Anao izahay noho ireo fahatsiarovana an-dRanabavy Coats. Anabavy iray sarobidy, malala toy ny inona! Ary ankehitriny dia tonga ny fotoana izay iainanay ny androm-piainanay, izay efa notsinjaraina ho anay, tsy maintsy miampita an'ilay renirano izahay. Misaotra Anao izahay satria tsy nila njaly izy. Tsy tokony ho nisy na inona na inona iray hanohitra azy teto, izay tsy maintsy niaretany. Nandeha avy hatrany nankeo an-tsandrini'Andriamanitra fotsiny izy, vetivety fotsiny.

¹⁴ Ny vadiny, ireo zanany, dia eto izao maraina izao, Tompo, miverina avy hatrany eo amin'ny laharan'andraikitra. Toy ny ahoana no isaoranay Anao ny amin'izany finoana mahery fo izany! "Ny Finoan'ireo raintsika dia mbola velona foana, na dia eo aza ny lavaka, lelan'afy, ary sabatra." Misaotra Anao izahay ny amin'ireo zavatra rehetra ireo.

¹⁵ Ampitsaharo ny fanahiny sarobidy, Tompo. Anabavinay izy. Ny alahelo, ranomaso no milatsaka ao am-ponay, nohon'ny tsy maha-eo azy, saingy fifaliana kosa no miposaka avy ao amin'ireo teten-dranomaso, mampahafantatra anay miaraka amin'ny antoka avy amin'Ny Teninao fa mitohy velona ao amin'ny fiaianana tsy mety maty iray izay tsy mety maty intsony izy. Ary tsy hisy lozam-piarakodia intsony any amin'izay misy azy ankehitriny, miandry fotsiny an'ireo izay tonga aty aorianana hikambana aminy.

¹⁶ Tahio Rahalahy Coats, ary tahio ireo zazavavy sy ny fianakaviany, Tompo, ary ireo malala, sy ny rehetra izay tia azy. Ary indray andro any, Ray, dia matoky izahay fa hihaona aminy any ambony any ao amin'ilay Ankoatra lehibe, izay tsy misy aretina, alahelo, na fahafatesana. Mandra-pahatongan'izany fotoana izany, dia tehirizo ho salama tsara sy salama izahay

rehetra, manompo Anao, ary miandrandra an'izany andro izany. Amin'ny Anaran'i Jesosy Kristy no angatahanay an'izany. Amena.

¹⁷ Enga anie ilay Fanahy Masina lehibe izay miara-miasa amintsika eto amin'ny tabernakla, amin'ny fanambarana Ny Teniny, enga anie Izy hampitsahatra ny fanahiny sarobidy ampiadanana mandra-pihaonantsika aminy.

¹⁸ Ankehitriny dia mafana ato izao maraina izao, satria ireo vatana izany, fantatrareo, misy betsaka ny hafanan'ny vatan'olombelona.

¹⁹ Ankehitriny, te-hanao filazana izahay ankehitriny. Matetika ny favoriantsika eto, dia lava, amin'ny—amin'ny maraina, ny anton'izany dia . . . Tsy tsara marina tokoa ny mihazona favoriana iray lava tahaka an'izany, satria, ora, ora iray sy sasany, na indraindray ora roa. Fa ny ataoko, manao horonam-peo aho ato aoriana ato, hitanareo, ary mandeha manerana an'izao tontolo rehetra izao izany horonam-peo izany. Ary izany no . . . mivory isika, tena ela, amin'ny maraina, dia—dia satria tonga eto aho hanao an'ireo horonam-peo ireo. Izany dia mba . . . Izaho . . . izy ireo dia . . . Hitanareo, afaka mahita ianareo ao amin'ny efitra ao, ireo—ireo horonam-peo izay efa—efa vita. Ankehitriny . . . Ary mandeha hatraiza hatraiza manerana an'izao tontolo izao izy ireo.

²⁰ Ankehitriny, tsy ho ela, raha sitraky ny Tompo, amin'ity ho avy ity, vantany vao miainga eto aho . . . Hiainga aho, raha sitraky ny Tompo, rahampitso maraina, indray andro any, hiverina any Arizona, satria manana favoriana iray ho avy aho. Ary avy eo dia manerana ny Atsimo rehetra fotsiny izany. Ary ianareo olona tatsimo avy any Georgia, sy Mississippi, sy Texas, ary Alabama, ho avy any mihitsy izahay, any Florida rehetra any, avy hatrany.

²¹ Handeha avy eto mankany Phoenix, avy eo mankany California, ary miverina avy hatrany mankany Dallas, ary—ary angamba hidina any San Antonio, heveriko fa izay ilay izy, ary miverina any Alabama, sy Florida, ary manerana any. Noho izany dia hahita anareo olona any izahay, raha sitraky ny Tompo, avy hatrany.

²² Ary noho izany dia manohiza mivavaka ho anay, ary izahay dia hampahfantatra anareo hoe rahoviana, raha izahay . . . ny Tompo no mametraka ao am-ponay ankehitriny mba hihazona a—andro vitsy eto, amin'ity fahavaratra ho avy ity.

²³ Nanana andiam-pivorianea efa voalahatra aho. Ary maro aminareo any New York no mahafantatra rehefa tonga ilay fahitana, izay nilaza fa ireo favoriana any amin'ny firenena Scandinave . . . Tsaroanareo ve izy ireo fa voalahatra tany? Ary avy eo, raha mbola tany New York aho, dia tonga ilay fahitana, hoe ho foana ny tsirairay avy tamin'ireo favoriana ireo, nohon'ny

antony iray. Ary tsaroako aho niteny tamin'ny sasany taminareo teto, rehefa tany New York izahay. Izany marina tokoa no nitranga, satria izy rehetra dia samy nila an'ilay andro iray ihany ka tsy afaka nahazo an'ilay tranobe.

Koa, noho izany, mety hamela toerana kely iray izany any amin'ny Jona. Mety ho izany no sitrapon'ny Tompo, nieritreritra aho, angamba hiverina ho an'ireo Trompetra ireo eto mihitsy, alohan'ny haha-tara loatra an'ilay izy. Hitanareo? Noho izany dia fantatsika fa ny zavatra rehetra dia miasa tsara mihitsy. Noho izany dia izany no tao am-poko, koa mety ho izany no Tiany ataontsika.

²⁴ Ankehitriny dia hitako fa mifanolo sezaz ianareo, ary—ary ao ivelany ao amin'ireo lâlantsara, sy ny sisa. Maniry izahay ny hananantsika toerana hipetrahana mihitsy.

Ary ankehitriny rehefa manana an'ireo Trompetra ireo isika, izany dia... tianay ny hahazo an'ilay kianjamitafon'ny sekoly ambony. Heveriko fa izany dia mametraka dimanjato sy dimy arivo, ary amin'izay fotoana izay isika dia hanana anjara, ihany koa, hananan'ny olona rehetra sezaz iray, sy hipetraka ary hihaino milamina tsara raha mbola izahay—raha mbola mitory teny izahay.

²⁵ Na, ity, ireo Trompetra, izy ireo dia tena, tena mahafinaritra. Nijery an'izany aho indray andro. Hitanareo, teo amin'ny Tombokase Fahlenina, dia naneno teo mihitsy ireo Trompetra Fito teo amin'io Tombokase Fahlenina io, hitanareo, alohan'ny anokafan'ny Tombokase Fahafito mihitsy ny Fihavian'i Kristy.

²⁶ Ary, rahariva, dia manana Hafatra iray tena lehibe aho izay tiako ho resahaha alohan'ny—ny—ny asam-panasitraranana mihitsy. Ary raha eto ianareo, ka hijanona, eny, dia hiezaka izahay, raha azo atao ny hanomboka aloha kely fotsiny, satria hisy laharam-bavaka iray. Tsy hitory teny ela loatra aho, fa misy zavatra izay tiako nolazaina tamin'ny fiangonana, nandrity ny fotoana vitsy, ary hametraka kely anareo eo amin'ny—ny—ny... ahoana no fandehanan'ireo zavatra amin'izao andro izao, sy hoe aiza fotsiny no ijoroantsika, ary amin'ny tsara indrindra amin'ny fahalalako amin'ny alalan'ny Soratra.

²⁷ Ankehitriny, dia tiako ianareo hamadika miaraka amiko izao maraina izao, raha tianareo ny handray naoty na hitahiry ny avy amin'izay vakiantsika, ny Bokin'ny Isaia. Ary maniry aho ny hamaky avy ao amin'ny Isaia, ny toko faha-42-n'ny Isaia.

²⁸ Tena faly isika izao maraina izao, ihany koa, ny manana an-dRahalahy Dauch mipetraka miaraka amintsika eto. Raha mbola mamadika ianareo... Fantatrareo, nihevitra izy ireo fa tsy ho velona intsony izy, teto tany Shreveport indray andro. Ary manam-pinoana marina tokoa izy. Eny, tompoko, tafavoaka avy tamin'izany mihitsy izy; mitahy azy hatrany mihitsy ny Tompo, hia. Hitanareo, iraika amby sivifolo taona Rahalahy

Dauch, ary tratry ny fahavoazan'ny fo tanteraka; sy aretim-po, teo an-tampon'izany. Ary ilay tena dokotera mihitsy no nilaza fa tsy hitan'izy ireo mihitsy hoe misy fomba iray hahavelomany. Rahalahy Dauch no velona, fa ilay dokotera no maty. Hitanareo? Satria, izy... Hitanareo, mipetraka eto Rahalahy Dauch.

²⁹ Ary noho izany, ny—ny lehilahy iray iraika amby sivifolo taona, niaraka tamin'ny fahavoazan'ny fo sy aretim-po. Ary tany, rehefa nandeha tany aho, dia nahita azy nandeha teny amin'ny lâlambe iray aho; nahita azy tao am-piagonana aho. Dia nandeha aho ary niteny taminy, teo ambanin'ny tranolain'ny oxygène, “Amin’ny Anaran’ny Tompo, raisiko ny tânanao amin’ny... Hahita anao ao am-piagonana indray aho, ary handray ny tânanao eny an-dâlambe.”

Tamin'ilay fivoriana manaraka mihitsy, dia teo izy, nipayraka tery aoriana tery tato am-piagonana. Ary nandeha nankany Louisville aho, izay nihinanay tao amin'ny Blue Boar any, mba hihinana, ary vantany vao nivoaka ny fiarako aho, nanomboka nandeha teo amin'ilay lâlambe, dia indro tonga nandeha teo amin'ny lâlambe Rahalahy Dauch. Teo ilay izy, tanteraka mihitsy. Ary toy ny ahoana no nitahian'ny Tompo azy!

³⁰ Ankehitriny dia hiresaka mikasika ny fanasitranana isika, rahariva, sy ny sisa, ary hanana zavatra tena miavaka mihitsy ho tenenina aminareo rahariva.

³¹ Fa ankehitriny, mba ahafahako manana an'ireo horonam-peo ankehitriny, noho izany dia mivonona handefa azy ireo, Tehanomboka hamaky avy ao amin'ny Isaia ny toko faha-42 aho, ary ny andininy faha-1 hatramin'ny faha-7. Ary Matio ny toko faha-4, manomboka, mino aho, 15 ary ny andininy faha-16.

³² Ankehitriny, ao—ao amin'ny toko faha-42-n'ny—ny Isaia, hamaky isika.

Indro ny mpanompoko, izay tantanako; ilay voafidiko, izay sitrak ny foko; napetrako teo aminy ny fanahiko: hamoaka fitsarana ho an'ny Jentilisa izy.

Tsy hiantsoantso izy, na nanandram-peo, na hanao izay handrenesana ny feony eny an-dâlambe.

Tsy hotapahina ny volotara torotoro, ary tsy hovonoina ny lahin-jiro manentona: hamoaka fitsarana ho amin'ny fahamarinana izy.

Tsy ho reraka izy na ho kivy, mandra-pahatonga azy ho... hametraka fitsarana amin'ny tany: ary ireo nosy hiandry ny lalàny.

Izao no nolazain'ny... ny TOMPO, izay nahary ny lanitra, sy nanenjana azy; izay namelatra ny tany, sy izay mivoaka avy ao aminy; izay manome fofon'aina ny olona eo aminy, sy ny fanahy ho an'ireo izay mandeha eo aminy:

Izaho TOMPO noefa niantso anao tamin'ny fahamarinana, ary nitantana ny tñananao, ary hiaro anao, ka hanome anao ho fanekena iray ho an'ny olona, ho fahazavana ny Jentilisa;

Mba hanokatra an'ireo maso jamba, hamoaka an'ireo mpifatotra hiala ao an-tranomaizina, ary ireo izay mitoetra ao amin'ny maizina hiala ao an-tranon'ny tranomaizina.

³³ Ankehitriny ao amin'ny Filazantsaran'ny Matio, ny toko faha-4, maniry aho ny hamaky ny fahatanterahan'io faminaniana nomen'i Isaia io. Ao amin'ny toko faha-4-n'ny Matio, izaho—hanomboka hamaky aho. Raha azo atao, dia ndao isika hamaky eo amin'ny andininy faha-12 raha tokony ho ny faha-15.

Ary rehefa ren'i Jesosy fa natao tao an-tranomaizina i Jaona, dia lasa nankany Galilia izy;

...niala tany Nazareta, dia tonga izy ka nonina tao Kapernaomy, izay eo amoron-dranomasina, ao amin'ny zara-tanin'i Zebolona sy Naftaly:

Mba hahatanteraka an'izay nampitenenina an'i Isaia mpaminany, nanao hoe,

Indro, ny tanin'i Zebolona, sy ny tanin'i Naftaly, ao amoron-dranomasina, any an-dafin'i Jordana, Galilian'ny Jentilisa;

Ny olona....nitoetra tao amin'ny maizina dia nahita hazavana lehibe; ary ireo izay nitoetra tao amin'ny faritry ny aloky ny fahafatesana no niposahan'ny fahazavana.

Ary tamin'izany fotoana izany dia nanomboka nitory teny Jesosy, ka nanao hoe, Mibebaha: fa antomotra ny fanjakan'ny lanitra.

³⁴ Enga anie ny Tompo hanampy ny Fitahiany amin'ny famakiana Ny Teniny! Ary ankehitriny, lahateny kely hafahafa izay reko notenenin'ny olona iray, nilaza an'izao, saingy tiako ny haka an'izany ho lahateny iray hoe: *Misy Lehilahy Iray Eto Izay Afaka Mandrehitra Ny Jiro*. Ary ankehitriny dia hiresaka eo amin'ny lohahevitra mikasika ny hazavana isika.

³⁵ Ity dia manaraka an'ireo lohahevitra telo izay vao avy noresahantsika.

Ny iray amin'izy ireo, tany Tucson, na tany Phoenix, teo amin'ny hoe nahoana Jesosy no tonga avy tao Betlehema. Izany, tsy mantsy izany Izy, satria Izy no Betlehema. Betlehema! *B-e-t-h* dia “trano”; *e-l*, “Andriamanitra”; *e-h-e-m* dia “mofo,” mofo. “Tranon’ny Mofon’Andriamanitra.” Ary ny Kristiana tsirairay izay teraka tao amin’i Kristy dia teraka tao Betlehema, tranon’ny mofon’Andriamanitra.

³⁶ Noho izany, tao amin'izany, nanao tandindona iray an'i Davida, izay mpandositra tamin'ny fotoana nandroahana azy niala tamin'ny vahoakany. Noroahina izy. Ary natao fahirano i Betlehema, ary nasian'ny Filistiana miaramila nanodidina an'i Betlehema. Ary Davida, mpandositra iray, tandindon'ny fiangonana amin'izao andro izao, an'i Kristy. Hitanareo, Kristy dia Mpandositra iray ho an'ny Fianganany Manokana amin'izao andro izao. Izy ireo dia manana . . . Ny *mpandositra* dia "zavatra iray izay nolavina." Ary nolavina i Davida, kanefa efa voahosotra ho mpanjaka; fa ilay mpaminany no nanosotra azy.

³⁷ Ary nandritr'iо fotoana io, satria mpa—mpandositra iray niala tamin'ny vahoakany, dia nitondra Jentilisa mahery fo maro izy. Ny iray tamin'izy ireo dia namono lehilahy valonjato, indray andro, tamin'ny lefona iray, na sabatra. Ary ny iray hafa nitsambikina tao anaty lavaka ka namono liona iray, tamin'ny andro nisy oram-panala. Ary—ary nanangona voatsororoka izy ireo, izay tsaramaso na pitipoa, na zavatra iray, ary—ary nandositra izy rehetra, fa izy nitsangana ka namono lehilahy mandra-pahatongan'ny sandriny ho reraka. Novonoin'izy ireo koa ireo olombe rahalahin'i Goliata.

Lehilahy mahery fo, nifikitra tamin'i Davida, satria fantatr'izy ireo fa izy no ho tonga eo amin'ny fahefana. Nahafantatra izy ireo, tsy mampaninona izay nolazain'ny olona rehetra. Andriamanitra no nanao an'ilay hosotra teo amin'i Davida, ary fantatr'izy ireo izany. Jentilisa izy ireo. Tsy mampaninona na impiry no nandàvan'izy ireo azy, mbola fantatr'izy ireo foana fa izy no ho tonga eo amin'ny fahefana. Ary indray andro dia nisy . . .

³⁸ Tandindona iray toy ny inona izany amin'izao andro izao, an'i—an'i Kristy, Mpandositra iray! Hoy ianareo hoe, "Kristy, Mpandositra iray ve?" Araka ny Baiboly, izay isika . . . Nitondra antsika tamim-pahatsaram-panahy nanerana an'ireo Taom-Pianganana Fito ireo Andriamanitra. Ity fianganan'i Laodikia ity, Kristy dia Mpandositra iray any ivelan'ny Fianganany, nolavina, miezaka ny hiverina hiditra indray. Hitanareo? Mpandositra iray Izzy, ho an'ny Fianganany Manokana. Ary ny antony hoe Mpandositra iray Izzy, dia satria Izzy no Teny, nefy tsy hamela ny Teny hiditra izy ireo. Nanaiky fanekem-pinoana izy ireo, ho solony.

³⁹ Ary hitantsika, arak'izany, fa tao amin'io tolona lehibe io, ireo lehilahy mahery fo nanodidina—nanodidina an'i Davida, dia Jentilisa.

⁴⁰ Raha voamarikareo hoe ahoana no nanorenana an'i Betlehema. Tsy te-hiditra eo amin'izany lohahevitra izany aho, fa ahoana i Betlehema . . . Izany tokoa, Rahaba, ilay mpijangajanga, ny zananilahy no anankiray izay nanorina an'i Betlehema. Foiben'ny vary izy, sy rano tsara betsaka

tany. Ary izy no nanorina an'ilay tanàna kely. Ary izy no kely indrindra amin'ny tanàna rehetra, satria hoy ny mpaminany hoe, "Ao... Betlehema an'i Jodia, tsy ianao ve no kely indrindra eo anivon'ireo andrian'ny tanàna rehetra an'i Jerosalema... na Jodia? Fa avy aminao no ivoahan'ny Governora izay hanapaka ny Oloko." Avy ao amin'ilay anankiray kely.

⁴¹ Davida, rehefa voafantina izy tany. Ireo rahalahy lehibe, tsara, rehefa tonga i Samoela mpaminany, mba hanosotra, dia nitsangana teo izy rehetra. Lehilahy lehibe, mahery fo, toy ny hoe mety ho, toy ny, ho toy ny mpanjaka tsara. Saingy ilay anankiray tena nolavina mihitsy no anankiray, Davida, izay nanana ny diloilo nararaka teo aminy. Ilay tanàna nolavina no ilay anankiray izay Kristy...

Ilay nolavina no alain'i Kristy, hitanareo, ireo izay nolavina.

⁴² Noho izany dia hitantsika, avy eo dia tonga i Obeda. Ary avy eo dia tonga i Boaza. Ary teo no niditra ny Jentilisa iray hafa, izay niditra tamin'ny alàlan'i Rota. Ary avy teo no tonga i Jese. Ary avy tamin'i Jese no tonga i Davida. Ary avy tao amin'ny tranon'omby kely iray teny amin'ny sisin'ny havoana no nivoaka ny Mpanjakan'ny mpanjaka, Jesosy Kristy, ilay Zanak'i Davida, ny Zanany ara-panahy.

⁴³ Ankehitriny arak'izany, izy dia, Davida izy tenany dia teraka tao amin'io tanàna io, tsy maintsy tonga teo amin'io toerana kely io izy. Ary izany dia nantsoina hoe Betlehema, izay midika hoe, "ny—ny tranon'ny mofon'Andriamanitra." Ary Izy no Tranon'ny Mofon'Andriamanitra.

⁴⁴ Davida, nandry teo amin'ilay havoana tamin'io andro io, ary njery ambany izy ka nahita an'ireo Filistina nametraka miaramila nanodidina tahaka an'izany, tsy maintsy nahamay sy nangetaheta. Hoy izy hoe, "Oh, raha afaka hahazo rano avy amin'io fantsakana io fotsiny, indray mandeha indray aho!" Nahoana, ny kely indrindra amin'ny eritreriny dia baiko iray ho azy, ireo izay tia azy.

⁴⁵ Tahaka an'izany koa ilay izy amin'izao andro izao, ny kely indrindra amin'ny eritreritr'i Jesosy, na ahoana ny amin'Ny Teniny, dia tokony ho baiko iray ho antsika Jentilisa izay tia Azy. Satria fantatsika fa ho tonga eo amin'ny fahefana Izy, tsy mampaninona na impiry lavina Izy. Ny lanitra sy ny tany ho levona, fa Ity dia mbola hanjaka foana hatrany rehefa lasa ny lanitra sy ny tany rehetra. Ary fantatsika fa ho tonga eo amin'ny fahefana Izy, satria tsy misy na inona na inona hisakana an'izany tsy hitranga. [Mikapokapoka ny Baiboliny Rahalahy Branham—Mpand.] Ity no Kristy, ny fanambaranay Amisy, ary izany dia hitranga araka ny lazain'ny Teny fa hitrangany mihitsy, satria Izy no Teny. Ary ny kely indrindra amin'ny Baikony ao, tsy mampaninona na kely toy ny ahoana aza izany, raha izany no

“hatao batisa indray,” na inona ilay izy, dia hataontsika izany, na ahoana na ahoana. Izany no Baikony.

⁴⁶ Ary ny kely indrindra tamin’ny eritreritr’i Davida dia baiko iray ho an’ireo Jentilisa ireo, satria, izy ireo, dia tandindon’ilay Fianganana Jentilisa amin’izao andro izao. Lehilahy mahery fo! Hitanareo, ireo lehilahy izay nitsangana teo akaikin’i Davida ireo dia Jentilisa, saingy, lehilahy mahery fo. Tsy natahotra izy ireo. Tsy fantatr’izy ireo akory aza hoe inona ny tahotra.

⁴⁷ Nitondra sabatra iray ny lehilahy anankiray ka namono lehilahy valonjato, ary nanodidina azy izy rehetra ireo. Lehilahy iray toy ny inona izany! Ny anankiray tamin’izy ireo, ny . . .

Lehilahy anankiray hafa. Nisy mpiady Egyptiana iray nihazakazaka, niaraka tamin’ny lefona lava iray. Izy nanana tsorakazo iray fotsiny teny an-tanany. Nalainy ilay tsorakazo ka nokapohiny hilatsaka avy teo an-tanany ilay lefona; nalainy ilay lefona ka novonoiny izy, izy irery. Hitanareo?

⁴⁸ Ny anankiray tamin’ireo olombe ireo dia nanana rantsan-tanana efatra ambin’ny folo inch, tahaka an’izao. Ankehitriny, efatra ambin’ny folo inches, ny rantsan-tananareo dia lava tahaka ny tananareo fotsiny, mikatona; sokafy izany, ho tanana valo amby roapoloo inch izany. Ary miaraka amin’ny lefona iray! Ary nitsambikina tao anatin’izany mihitsy ka namono azy. Hitanareo? Nahoana? Lehilahy mahery fo iray izy, Jentilisa iray njery teo amin’ny anankiray voahosotra izay fantany fa ho tonga eo amin’ny fahefana.

⁴⁹ Efa voamarikareo ve, satria tena mahery fo tamin’i Davida izy ireo, rehefa tonga teo amin’ny fahefana i Davida tamin’ny farany, dia nataony mpanapaka ny tanana izy ireo? Tsy nampanantena an’ilay zavatra iray ihany ve Jesosy? Ilay zavatra iray ihany, manao azy ireo ho mpanapaka.

⁵⁰ Noho izany, tao amin’izany, rehefa ny hahazo rano madio ny fanirian’i Davida. Efa nanao rano iray ratsy, mafana miandrona angamba izy teo ambony teo, izay nosotroiny. Fa sendra nieritreritra an’io rano madio teo ambany teo tao Betlehema io izy, ilay tranon’ny mofon’Andriamanitra. Dia hoy izy hoe, “Raha nahazo rano avy amin’io fantsakana io fotsiny mantsy aho!” Dia namoaka ny sabany ireo lehilahy ireo ka niady tamin’ny Filistina dimy ambin’ny folo maily, tsy hoe satria izy no nangataka azy ireo hanao, fa satria izy ireo no tehanao an’izany. Ary notapatapahany ireo Filistina ireo, hatrany amin’ilay fantsakana. Raha mbola niady ny roa tamin’izy ireo, ilay anankiray hafa naka ny—ny sinin-dranony; ary niady tamin’ny lalany niverina, hatrany amin’ny farany, ka nanolotra an’izany ho an’i Davida. Miresaka ny amin’ny mahery fo!

⁵¹ Davida, io lehilahy masina io, dia nanao hoe, “Andriamanitra anie handrara ahy tsy hisotro an’izany avy amin’ireto sakaiza izay nanao ny ainy ho tandindonin-doza

ireto.” Dia nanao fanatitra araraka iray izy; nandraraka an’izany teo amin’ny tany, ho an’ny Tompo. “Omeo ho an’ny Tompo izany. Izy no Anankiray mendrika an’izany, fa tsy izaho.” Napetrak’izy ireo . . .

⁵² Ilay tena tandindon’i Kristy Izy tenany mihitsy, miaraka amin’Ny Fiainany Mandrakizay Manokana tao Anatiny; ilay Vatolampy nokapohina, nandraraka Ny Ainy teo amin’ny tany, ho fanatitra rà iray ho antsika, mba ahafahan’ity Teny ity ho velona.

⁵³ Oh, ry Jentilisa, araka ny efa nolazaiko, iza no hisintona an’ity sabatra ity miaraka amiko? Mila rano madio iray Izy, izao maraina izao, fa tsy io fanekem-pinoam-piangonana miandrona ratsy io sy ny sisa izay iadaladalantsika. Mila finoana tena izy an’Ny Teniny Izy, izay hino ny Teny tsirairay an’Izany. Ndao isika handeha hankeo amin’ilay fantsakana ka hitondra rano hiverina, fampangatsiatsiahana iray; fanompoana iray izay tsy miorina eo ambonin’ny fanekem-pinoana sy anaram-piangonana. Fa fanompoam-Panahy iray tena izy, miaraka amin’i Kristy eo anivontsika, miaina Ny Fiainany arak’izay Tiany, eo anivontsika, izany—tsy miaraka amin’ny fanekem-pinoana sy ireo zavatra hafa izany. Ndao fotsiny isika—handray Azy tahaka an’izany fotsiny.

⁵⁴ Ankehitriny, ny manaraka dia hoe ahoana no ifanarahan’Andriamanitra amin’ny olona amin’ny alàlan’nynofy iray, tamin’ny andron’i—i Josefa. Efa voamarikareo ve? Nynofy iray dia laharana faharoa. Fomba iray laharana faharoa an’ny fiasan’Andriamanitra izany. Afaka mahazonofy ny olona sasany, tsy midika na inona na inona. Afaka mihinana be loatra ianareo dia mahazonofy ratsy. Ary nynofy dia fomba iray laharana faharoa. Hitanareo? Fa nahoana Andriamanitra no niaro Ny Zanany Manokana tamin’ny alàlan’ny fomba laharana faharoa iray? Niseho tamin’i Josefa Izy. Ny hahasoa Ny Zanany Manokana, dia Nalefany tao amin’ny fomba laharana faharoa iray. Efa mba nieritreritra an’izany ve ianareo? Satria, tsy nisy mpaminany teo amin’ilay firenena. Tsy maintsy niasa tamin’ny alàlan’nynofy Izy. Ary tsynofy iray izay tsy maintsy nadika izany. Hoy ilay Anjelin’ny Tompo hoe, “Josefa, aza matahotra ny haka ho anao an’i Maria vadinao, fa izay ao an-kibony dia avy amin’ny Fanahy Masina.”

⁵⁵ Zavatra iray tsy nahazatra ny hitrangan’izany. Josefa satria lehilahy marina iray, izy . . . Tsy nahazatra izany. Tsy mahazatra Andriamanitra. Ary sarotra azo ny tsy mahazatra. Izany no antony hoe tena sarotra ny mahazo ny Fahamarinana amin’izao andro izao; tena tsy mahazatra Izany. Ny vehivavy iray hahazo zazakely tsy mahalala lehilahy iray, tena tsy nahazatra izany.

Fa raha mahitsy fo sy tso-po ianareo, dia mbola afaka miseho aminareo ao anatin’nynofy iray foana Andriamanitra.

Izany no maneho fa ny zavatra rehetra izay ananananareo, na ny fisainanareo ilay izy, na afaka misioka ianareo, mihira, mijoro vavolombelona, na inona na inona azonareo atao, raha voatolotra an'Andriamanitra ny tenanareo manontolo, dia afaka mampiasa an'izany Andriamanitra raha hamela Azy hanao an'izany fotsiny ianareo.

⁵⁶ Avy eo, ny hariva manaraka teto, Rahalahy Neville dia nitory teo amin'ny lohahevitra hoe "mandositra," ahoana no—no nandosiran'ilay lehilahy. Dia nieritreritra aho fa somary niavaka izany.

Ary izao maraina izao dia toa mila ahy hiresaka eo ambonin'ny lohahevitra mikasika ny hazavana ny Fanahy Masina, ilay manaraka mihitsy. Nanohy avy hatrany, tany amin'ny voalohany, ahoana fa nanomboka tao amin'ny fihinanam-bilona ny fiainan'i Kristy, mandeha miverina eo amin'izany mihitsy indray isika ao amin'ny lahatenintsika. Ary tsy nahafantatra an'izany izy; tsy nahafantatra an'izany aho; ary indro ilay izy eo amin'ilay zavatra iray ihany mihitsy. Hitanareo, manohy hatrany, ny zavatra manaraka dia teo amin'izay Ampidirany ny Asam-panompoany. Ary rahariva isika dia manana zavatra izay mifangaro amin'izany mihitsy, mandeha manohy hatrany, rahariva, raha sitraky ny Tompo.

⁵⁷ Ankehitriny, Hazavana lehibe! "Ireo Jentilisa izay nitoetra tao amin'ny faritry ny aloky ny fahafatesana, dia Hazavana lehibe no nipoitra teo anivon'izy ireo. Tany Zebolona, sy Naftaly, tao amin'ny... amoron'i Galilian'ny Jentilisa, Hazavana lehibe, nahita Hazavana lehibe iray izy ireo."

⁵⁸ Ankehitriny hazavana, ny fotoana voalohan'ny hazavana, hitantsika ao amin'ny Baiboly izany, dia hita ao amin'ny Genesisy 1:3. Izany dia, ny Tenin'Andriamanitra voambara no nanao an'ilay hazavana. Hoy Andriamanitra hoe, "Aoka hisy mazava," Genesisy 1:3, dia nisy mazava.

⁵⁹ Tsarovy ankehitriny, arak'izany, ny hazavana dia tonga amin'ny alàlan'ny Tenin'Andriamanitra voambara. Ary ny hazavana dia ny fanamarinana, na ilay lohahevitra izay Noteneniny, dia ny hazavana, rehefa mandositra ny hazavana, dia maneho fa (Andriamanitra no nanao hoe, "Aoka hisy mazava." Tsy nisy mazava, dia hoy Izy hoe, "Aoka hisy mazava," dia nisy mazava. Porofo iray izany.) ny hazavana dia fanamarinana iray an'Ny Teniny voambara, mitovy amin'izao andro izao, fanamarinana iray an'Ny Teniny voambara.

⁶⁰ Ankehitriny rehefa mahita Ny Teniny voamarina ianareo, na, ireo teny, nampahafantarina, voaporofa, dia izany no—no Hazavan'Ny Teniny voambara. Ary, raha tsy misy hazavana, tsy misy na inona na inona afaka ho velona raha tsy misy hazavana. Tsy misy fiaianana eto ambonin'ny tany androany ka tsy tonga avy amin'ny—ny hazavan'ny masoandro, ao amin'ny

fiainan-java-boahary iray, sy ny sisa. Ary tsy misy Fiaianana Mandrakizay ankoatry ny Zanak'Andriamanitra. Hitanareo? Izy no Hazavana.

⁶¹ Hitantsika ankehitriny, mino aho, raha mianatra isika ankehitriny, ary ity hazavana ity...“Ny tany dia tsy nisy endrika.”

⁶² Ankehitriny, ny olona sasany dia miady hevitra amin'izao andro izao ao amin'ireo sekolintsika, sy ny sisa, mikasika ny an'izao tontolo izao hoe an-tapitrisany taona maro, ary miezaka manameloka ny Baiboly ka milaza fa diso Izy. Izy ireo fotsiny dia tsy, tsy namaky ny Baiboly mihitsy. Izay ihany. Satria, ny Baiboly dia tsy miteny amintsika hoe firy taona izao tontolo izao. Hoy ny Baiboly hoe, “Tamin’ny voalohany Andriamanitra namorona ny lanitra sy ny tany.” Teboka! Oviana, ahoana, izany dia, tsy fantatsika izany. Ankehitriny, izany no voalohany. Ary, teboka iray izany, izany no faran’io fehezan-teny io.

⁶³ “Tamin’ny voalohany Andriamanitra namorona ny lanitra sy ny tany.” Mety efa zato tapitrisa izany, na lavitrisa, na mety ho inona ilay izy. Ary ahoana no Nanaovany azy, miankina Aminy ny mahafantatra, hitanareo, tsy amiko.

Fa izao tontolo izao, eny, “Ny tany dia tsy nisy endrika, ary foana; ary ny rano no teo ambonin’ny—ny tany. Ary Andriamanitra,” voalaza, “nanomba teo ambonin’ny rano.” Ary nanao hoe, “Aoka hisy mazava.”

⁶⁴ Ankehitriny, mino aho fa ny masoandro, sy ny sisa, dia efa tao amin’ny fisiana, mino aho, ny volana. Araka ny anohizany, Genesisy 3, mba hanazava an’izany...Fa mino aho, izay nisy teto, hoe izao tontolo izao, nampiasa azy isika, ary noho izany... Ary nandroso izy; nisy zavona sy fanala nanerana ny tany rehetra, nanao azy ho maizina. Dia hoy Andriamanitra hoe, “Aoka hisy mazava,” dia nanjavona ny aizina, ka nisy lanitra iray tsy nisy rahona.

⁶⁵ Ary mino aho fa izany no fomba fanaovan’Andriamanitra zavatra. Izy...ao amin’ny Baiboly, ny andininny manaraka dia milaza, ny andininny faha-4 dia milaza hoe, “Ary Izy nanasaraka ny mazava tamin’ny aizina. Ary ny mazava dia Nantsoiny hoe ‘andro,’ ary ny aizina dia Nantsoiny hoe ‘alina.’” Ary ny Tenir’Andriamanitra dia manasaraka ny Hazavana amin’ny aizina foana. Hitanareo? Ny Teny no manao ny fampisarahana, hitanareo, ny Hazavana amin’ny aizina.

⁶⁶ Manao an’ilay zavatra iray hatrany foana Andriamanitra, rehefa vonona hampiasa zavatra Izy. Ohatra hoe vonona ny hampiasa an’io kintana tranainity io Izy, na mety ho inona ilay izy, ity izao tontolo izao ity, dia tsy maintsy nanasaraka ny hazavana tamin’ny aizina Izy. Rehefa vonona ny hiala Izy, hampiasa vo-vondron’olona iray, dia tsy maintsy manasaraka ny Hazavana amin’ny aizina Izy. Rehefa vonona hampiasa isam-batan’olona

iray Izy, dia manasaraka ny Hazavana amin'ny aizina Izy. Hitanareo?

⁶⁷ Avy amin'Andriamanitra ny Hazavana. Ary ny... Tsarovy, avy amin'Ny Teniny voambara ny hazavana. Hoy ny Tenin'Andriamanitra hoe, "Aoka hisy mazava," rehefa tsy nisy mazava, ary nandefa ny mazava hanasaraka ny aizina amin'ny hazavana Izy.

⁶⁸ Io Teny baiko io no nanazava ny lanitra mba ahafahan'ny masoandro hamiratra. Ary Ny Teniny amin'izao andro izao no manusika ny rivotry ny tsi-finoana rehetra.

⁶⁹ Niresaka aho, nanana—nanana, neveriko, fifampiresahana iraika ambin'ny folo nialoha indrindra ny niakarako ny polipitra izao maraina izao, tao. Tena ratsy...

⁷⁰ Indray andro ny sakaizako kely iray, Jim Poole, ny zananilahy kely, nihevitra izy ireo fa tratry ny aretim-po iray izy, nitondra azy haingana nankany amin'ny hopitaly. Aretina sohika iray ilay izy, nanipy an'ilay zazalahy kely... Izy tsy afaka... Nidoboka ny fo keliny, sy nifoka rivotra, ary—ary niantsoantso izy ka tsy afaka nahazo ny fofon'ainy, ary toy ny hoe teo am-pahafatesana ilay zazalahy kely, rehefa nentin'izy ireo teto izy. Ary saika handeha hankany amin'ny hopitaly aho; nentin'izy ireo teto izy. Dia nohazoniko ny tànany kely; hoy aho hoe, "Ny nanao an'ilay izy, dia kitrotro no namely an'ilay zazalahy. Ary, ny kitrotro, ny tazo no namely an'ilay zazalahy kely. Diniho izy. Afaka andro vitsy dia te-hahita azy indray aho. Ho feno kitrotro izy." Ary indro izy feno kitrotro, hitanareo. Hitanareo?

⁷¹ Ankehitriny, inona? Manasaraka ny aizina amin'ny hazavana Andriamanitra, na ny hazavana amin'ny aizina. Ary manasaraka ny fahafatesana amin'ny Fiainana Izy, ary Ataony amin'ny alàlan'Ny Teniny izany. Ny Teniny foana no mamokatra an'izany.

⁷² Ankehitriny, hazavana! Eny, ankehitriny, efa teto ambonin'ny tany ilay voa. Mino aho fa Andriamanitra no namboly an'ilay voa. Ary raha mbola afaka tonga foana eo amin'io voa io fotsiny ny masoandro, dia manomboka maniry izy. Ary izany no antony nilàn'izany andro fotsiny hamokatra an'ireo zavatra ireo, satria efa tao anatin'ny tany ilay voa. Ny nilainy fotsiny dia hazavana.

⁷³ Ary tahaka an'izany no ananan'Andriamanitra amin'izao andro izao. Efa eto Ny Voany, Ny Teniny. Ny zavatra tokana Ilainy dia Hazavana eo Amboniny. Ary Izy izany Hazavana izany, satria Izy no Teny. Ny Teny sy ny Hazavana dia zavatra iray ihany. Ilay Aina ao anatin'ny aozao Hazavan'ny Teny, hitanareo, dia ilay Aina. Ny tsimok'aina dia mipetraka ao anatin'ny voa, ary ny voa...ny aina no mivoaka sy mamoaka an'ilay aina avy ao amin'ilay voa. Tahaka an'izany no

ampanaovan'i Kristy, ao amin'ny Teny, ny Teny an'izay nasaina Nataony. Tahaka an'ilay aina ao anatin'ny voam-bary fotsiny, na mety ho inona ilay izy; izany no manao an'ilay vary hanao an'izay nasaina nataony, satria izany ilay aina izay ao anatiny. Ny aina rehetra!

⁷⁴ Noho izany, ny Aina dia avy amin'ny Tenin'Andriamanitra tonga voaseho fotsiny ihany. Tonga amin'ny alàlan'ny Tenin'Andriamanitra tonga voaseho fotsiny ihany ny Aina. Raha mbola ao anatin'ny Boky fotsiny foana izany, tahaka an'izao, dia mbola azo ametrahana fanontaniana foana izany. Fa rehefa tonga voaseho izany, amin'izay fotoana izay dia mahita an'ilay vokatr'izay Noresahany ianareo, tonga voaseho, amin'izay fotoana izay dia izany no Hazavana eo amin'ny—eo amin'ny Teny. Hitanareo? Izany no mitondra... Ny Teny no miteny an'izany, ary, avy eo, rehefa miseho ilay izy, dia izany no Aina ao anatin'ny Hazavana, ny Hazavana no mitondra Aina. Ny Hazavana no mitondra Aina.

⁷⁵ Amboleo eo ny vary, izany dia... ary apetraho ao ambany rihana izy, sarony tanteraka, fa izy dia—tsy hamokatra na inona na inona mihitsy izy, satria tsy afaka izy. Tsy misy hazavana eo. Fa vantany vao mandôna azy ny hazavana, amin'izay fotoana izay dia hamokatra aina izy raha voa lonaka.

Izany ilay zavatra iray ihany amin'ny Teny. Hitanareo, ny Teny dia Andriamanitra, ary rehefa mandôna an'Izany ilay Aina, dia izany no mitondra Azy... Mandôna Azy ny Hazavana, izany no mitondra ny Teny ho amin'ny fiainana indray. Efa izany foana ny taona tsirairay. Oh, toy ny ahoana no ankasitrarahantsika an'ireo zavatra lehibe ireo, ahoana fa ny Teny izay voamarina no Hazavan'ny Teny voambara. Hitanareo?

Hoy Andriamanitra hoe, "Aoka hisy mazava."

⁷⁶ Ankehitriny, ahoana moa raha nilaza an'izany fotsiny Izy nefo tsy nisy mazava tonga? Amin'izay fotoana izay tsy fantatsika na marina ilay izy na tsia. Tsy fantatsika raha marina tanteraka ny Azy. Tsy fantatsika na Andriamanitra Izy na tsia, satria nilaza fotsiny Izy hoe, "Aoka hisy mazava," nefo tsy nisy. Hitanareo?

Koa noho izany rehefa miteny Andriamanitra ka mahita isika fa misy ilay izy, amin'izay fotoana izay dia izany no Hazavana izay mamiratra, ny Fahamarinan'ny Teny. Hitanareo? Izany no Hazavana sy Fiainana.

⁷⁷ Ny fiainana ara-boajanahary rehetra dia avy amin'Ny Teniny voambara. Ary ny masoandro dia Ny Teniny voambara. Izy no nilaza fa Izy no namorona hazavana lehibe iray tany an-danitra, ho an'ny andro, ary hazavana kely kokoa iray ho an'ny alina. Hitanareo? Ary ny fiainana ara-boajanahary rehetra dia tsy maintsy tonga avy amin'ny Tenin'Andriamanitra voambara. Tsy afaka maniry ny voninkazo iray raha tsy

misy ny hazavan'ny Tenin'Andriamanitra voambara mamiratra eo aminy, satria ny masoandro, ny m-a-s-o-a-n-d-r-o, no Tenin'Andriamanitra voambara, rehefa hoy Izy hoe, "Aoka hisy mazava." Hitanareo? Izany no ain'Andriamanitra voambara. Ary tsy mampaninona na firy no olona miezaka ny—ny hilaza an'ity, itsy, na ny *hafa*, dia mbola mijanona tsy miova foana izany. Tsy maintsy manana an'io masoandro io ianareo, noho izany ny fiainana, ara-boajanahary, dia afaka tonga amin'ny alàlan'ny Tenin'Andriamanitra voambara irery ihany.

⁷⁸ Ary ny Fiainana ara-panahy, Fiainana Mandrakizay, dia afaka ho tonga amin'ny alàlan'ny Tenin'ny Fiainan'Andriamanitra voambara irery ihany. Ny Fiainana dia ny Z-a-n-a-k-a amin'izao fotoana izao. Ao Aminy no misy Hazavana, ary tsy misy aizina ao Aminy; ary Izy no Hazavan'Andriamanitra voambara. Marina ve izany? [Hoy ny fiangonana hoe, "Amena."—Mpand.] Tenin'Andriamanitra voambara, satria, "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra." Ary Izany no Andriamanitra mandrakizay. Hitanareo?

Ary mila ny Hazavan'Andriamanitra hamely ny Teny, mba hanao Azy ho velona. *Ity* no Noteneniny [Mikapokapoka ny Baiboliny Rahalahy Branham—Mpand.], ankehitriny dia aoka hamiratra ny Hazavana! Amen! Aoka hamiratra ny Hazavana, ary ny Hazavana no hitondra ny Teny tsirairay ho eo amin'ny Toerany marina, amin'ny vanim-potoany. Amen! Oh! Hitanareo, rehefa tonga ny fotoana!

⁷⁹ Matetika dia mandry ao anatin'ny tany io voa io, matory, mandritry ny—ny ririnina manontolo, ohatra ny voa, vary voafafy ao anatin'ny tany amin'ny ririnina. Fa rehefa lasa mety tsara mihitsy io masoandro io, oh, dia tsy maintsy velona izy. Hitanareo? Ary tsy afaka ho velona tsy misy masoandro izy.

Ary Andriamanitra dia nanao an'ireo teny fikasana ho an'ny taona tsirairay sy andro tsirairay. Ary rehefa mety tsara ilay Hazavana, ka mamiratra eo ambonin'izany, dia hamokatra marina tokoa an'izay nolazain'ny Teny izany, satria Izy no Hazavana sy ny Fiainana.

⁸⁰ Tonga amin'ny alàlan'ny Baiboly irery ihany ny Tenin'Andriamanitra. Ny Baibolin'Andriamanitra no—no endriky ny Zanak'Andriamanitra amin'ny endrika printy, satria ny Baiboly dia nilaza fa Izany no fanambaran'i Jesosy Kristy. Izany no Andriamanitra manambara ny Tenany amin'ny alàlan'i Kristy, ary Kristy no Teny. Ary mila ny Hazavan'Andriamanitra hamiratra eo amin'io Teny io izany, mba hanamarina Azy, mba hanaporofa fa mbola miresaka Fiainana foana Andriamanitra, Fiainana Mandrakizay. Miresaka hazavana ara-boajanahary Izy, izay mitondra ny fiainana. Ny Fiainana dia tonga amin'ny alàlan'ny Hazavana irery ihany, ny Teny tonga voaseho, na tonga

nofo. Rehefa ireo teny fikasana rehetra no lasa, ao amin'ny Baiboly, no lasa voaseho, dia rehefa Jesosy Kristy, ny Teny, no tonga nofo teo anivontsika. Miasa amin'ny alàlan'ny olona foana Andriamanitra. Ny olona no mpiasan'Andriamanitra.

⁸¹ Ankehitriny, raha lasa mafana kely aminareo ato, dia afaka misintona an'ireo varavarankely hidina ianareo, na inona na inona irianareo, hampidina ny hafanana. Angamba ilay mpiambina no hampidina kely an'ilay hafanana. Hitako fa maro no mafana. Ary mafana ny mitsangana eto, ihany koa, koa—koa tsarovy izany. Faly aho fa mafana ny andro raha tokony hangatsiaka, satria izaho—tiako ny mafana. Izaho... Ny mafana dia mitondra hazavana foana, fiainana, mila afo.

⁸² Mariho ankehitriny, "tonga nofo." Rehefa tonga nofo ny Teny, dia lasa voaseho Izy. Ohatra, raiso ny Teny ka apetraho eo amin'ilay toerana tsara Izy sy ilay karazana tany tsara, hamokatra Izy. Ny—ny voa dia hamoaka ny karazany. Ary ny Teny, nentina nankao amin'ny karazana fo tsara iray, dia haneho ny Tenany izany. Izany no hamokatra an'ilay hazavana. Izany no hanjelatra eo amboniny. Eny àry.

⁸³ Tsy misy na inona na inona ara-boajanahary, tsy misy na inona na inona ara-boajanahary na ara-panahy, afaka ho velona tsy misy ny Hazavan'Andriamanitra. Tonga amin'ny alàlan'ny Hazavana irery ihany arak'izany ny Fiainana. Tsy misy na inona na inona ara-boajanahary na tsy misy na inona na inona ara-panahy afaka ho velona tsy misy ny Hazavan'Andriamanitra. Eritrereto izany. Eny àry. Fa rehefa mandefa ny Hazavana ho antsika Izy, hitanareo, ary manao an'ireo zavatra rehetra ireo, nefy avy eo isika dia mandà an'Izany; ankehitriny dia izany ilay ampahany mampalahelo, dia rehefa lavina ny Hazavana rehefa nalefa ho antsika izany.

⁸⁴ Ankehitriny azonareo eritreretina ve ny olona iray milaza androany hoe, "Mandà fotsiny aho ny hilaza fa misy izany karazana masoandro izany. Tsy mino aho fa misy masoandro iray"? Ary mihazakazaka mankao ambany rihana izy, ary—ary manakatona ny varavarana rehetra, ka mipetraka ao anatin'ny aizina, ary manao hoe, "Tsy misy izany karazana masoandro izany. Tsy misy izany karazana hazavana izany." Ho fantatrareo, eo no ho eo, fa nisy zavatra tsy nety aratsaina amin'io olona io. Hitanareo? Misy zavatra tsy mety ao, rehefa mihazakazaka mankao ambany rihana maizina iray izy ka mandà tsy hanaiky ny tombontsoan'ny hazavana nomen'Andriamanitra. Misy zavatra tsy mety aminy. Tsy mila ny tarany mafana izy. Tsy mila ny heriny manome fahasalamana izy. Tsy mila ny hazavany izy, handehanana. Aleony mipetraka ao anatin'ny aizina. Izany no maneho, ara-tsaina, fa misy zavatra tsy mety, ara-boajanahary, amin'ilay olona.

⁸⁵ Ary milaza an'izao amin'ny fitiavana sy fanajana tanteraka aho. Noho izany dia misy zavatra tsy mety ara-panahy amin'ny olona iray izay hiverina hihazakazaka hankao amin'ireo anaram-piangonan'ny fanekem-pinoany ka mandà ny hahita ny Hazavan'ny Baiboly rehefa mamiratra eo anatrehany izany. Misy zavatra tsy mety aminy. Hitanareo, mandeha miverina mankao amin'ireo fanekem-pinoany sy fombany, ka manakatona ny varavarana ary manao hoe, “Tsy misy ny karazan-javatra tahaka an’Izany. Efa lasa ireo andron’ny fahagagana. Tsy misy izany karazana fanasitrana avy amin’Andriamanitra izany, tsy misy ny anankiray amin’ireo zavatra ireo. Ho an’ny apostoly iray izany.” Adala ara-panahy ilay olona. Hitanareo? Misy zavatra tsy mety aminy. Izy—izy—nampidina an’ireo lamban’efitra izy ka nandà ny Fanahy Masina izay afaka ho tonga eo aminy. Raha afaka izy . . .

“Raha mitoetra ao Amiko ianareo, ka Ny Teniko ao aminareo, amin’izay fotoana izay, mamiratra eo ambonin’io Teny io ny Hazavana, dia angataho izay tianareo.” Hitanareo? Hitanareo?

⁸⁶ Misy zavatra tsy mety ao, hoe nolaviny ireo loharano nomen’Andriamanitra izay nomen’Andriamanitra antsika hivelomana, Ny Teniny. “Ny marina ho velona amin’ny finoana.”

“Ary tsy ny mofo ihany no hiveloman’ny olona, fa ny Teny rehetra,” tsy ampanhan’ny Teny, “ny Teny rehetra izay aloaky ny vavan’Andriamanitra.” Ary rehefa handà an’Izany fotsiny ny olona iray, dia misy zavatra tsy mety amin’io olona io; misy zavatra tsy mety amin’ny fahatsapany, ka milaza izy fa tia an’Andriamanitra nefo avy eo dia mandà an’Andriamanitra. Misy zavatra tsy mety amin’ilay olona. Fantatsika izany, tsy misy aloky ny fisalasalana. Mandà an’Izany izy, mihazakazaka mankao amin’io toerana io, ka manao hoe, “Ankehitriny izaho fotsiny . . . Tsy te-hahafantatra na inona na inona mikasika an’Izany aho. Aza miteny na inona na inona amiko mikasika an’ireo Zavatra ireo. Izaho, tsy mino na inona na inona mikasika an’Izany aho. Ianareo, tsy mampaninona izay lazainareo!”

⁸⁷ Nilaza ny olona iray, vao tsy ela akory izay. Efa noteneniko taminareo ny mikasika an’izany. Hoy izy hoe, “Tsy raharahako raha nitondra homamiadana dimampolo ianao, na nitondra dokotera dimampolo hijoro vavolombelona ny amin’izy ireny, tsy mino aho. Tsy raharahako raha nanangana ny maty ianao, eto anatrehako mihitsy, tsy hino an’izany aho.” Hitanareo, misy zavatra tsy mety amin’io olona io. Misy—misy—misy izany. Ary—ary, kanefa, mpitoriteny iray ilay lehilahy, hitanareo, hitanareo, natao ho mpitoriteny iray.

Saingy satria fotsiny io rafi-pandaminana io dia tsy mino ny—ny herin’Andriamanitra, tsy mino fa (ny Teny) Izany dia nidika marina an’izay Nolazainy, dia mihazakazaka mankao

amin'io ambany rihana io ilay lehilahy, ambany rihana ratsy mamofona, maloto, feno loto an'ny rafi-pandaminana iray, ka mandà ny hafanana sy ireo taratra manome Aina an'ny Fanahy Masina, Jesosy Kristy, izay tsy miova omaly, anio, ary mandrakizay. Noho izany dia misy zavatra tsy mety amin'io olona io. Hitanareo?

Aleony miaina ao anatin'io mamofona io, aizina, sy ny sisa, toy izay hiaina ao anatin'ny Hazavan'Andriamanitra sy ny Baiboly izay nilaza, hoe, "Jesosy Kristy no tsy miova omaly, anio, ary mandrakizay. Ireo asa izay Ataoko no hataonareo koa. Lehibe kokoa noho izany aza no hataonareo, satria mandeha mankany amin'Ny Raiko Aho." Misy zavatra tsy mety amin'io olona io. Tsy misy fanontaniana iray, mihitsy, misy zavatra tsy mety ao.

⁸⁸ Ary ho anareo olona izay mihaino an'izao, manerana an'izao tontolo izao, na aiza na aiza no mety misy anareo. Misy zavatra tsy mety amin'ny fahatsapanareo, rehefa milaza ianareo fa tia an'Andriamanitra nefà mandà Ny Teniny. Misy zavatra ao. Ianareo dia mandà an'ilay tena... Tsy mahagaga raha tsy mety ireo zavatra, ao anatin'ny toerany ny fiangonana, ka tsy mety vita arak'izay nampanantenain'Andriamanitra ireo zavatra, dia satria tsy handray ny Teny akory mihitsy aza ianareo na handeha ao amin'ny Hazavana. Hoy ny Baiboly hoe, "Ndaô isika handeha ao amin'ny Hazavana, tahaka Azy ao amin'ny Hazavana, amin'izay fotoana izay dia ny Ràn'i Jesosy Kristy, Zanak'Andriamanitra, no manadio antsika amin'ny fahotana rehetra." Ny fahotana dia "tsi-finoana."

⁸⁹ Noho izany raha mandeha ao amin'ny Hazavan'ny ora nomen'Andriamanitra isika, amin'izay fotoana izay Andriamanitra dia mandray an'io Teny izay nomena ho an'ny ora io ka manamarina an'Izany.

Tahaka ny Nataony ao amin'ny Genesisy 1:3 fotsiny, nanao hoe, "Aoka hisy mazava," dia nivoaka ny mazava. Nivoaka Ny Teniny, ary nanaraka an'Izany ny hazavana, ka nanadio an'ilay zavona hiala. Ary lasa nankeo amin'ny zorony anankiray ny aizina, ka ny hazavana no namiratra teo amin'ilay ilany hafa.

⁹⁰ Tahaka an'izany no ataon'Andriamanitra amin'izao andro izao. Mandefa Ny Teniny ho an'ity ora ity Izzy, ary tonga ny Fanahy Masina ka manao an'io Teny io ho velona. Ary ny aizina dia mandeha mankany amin'ny fanekem-pinoan'izy ireo sy ny anaram-pianganany, saingy mamiratra ny Hazavana satria izany no Tenin'Andriamanitra voamarina hoe marina Ny Teniny. Ankehitriny, tsy misy na inona na inona foronina mikasika an'izany, ara-tSoratra marina tokoa izany. Eny àry.

⁹¹ Ankehitriny, mahita isika fa ireo—ireo olon-kendry, ireo olon-kendry Fahiny, dia nanaraka an'ilay porofo nomen'Andriamanitra. Nanaraka ny Tenin'Andriamanitra izy

ireo, nankany amin'ilay Hazavana, satria izany ilay Teny izay nitondra Fiainana. Hoy ianareo ankehitriny hoe, "Ahoana no nanarahan'izy ireo?" Eny, izy ireo dia, karazan'ny, magy, azontsika.

⁹² Ary avy eo mahita isika fa i Balama, ilay mpaminany, any amin'ny Nomery 24:17, i Balama dia karazana magy iray ny tenany. Mpaminany iray izy, marina tokoa, ary naminany izy teto ka nilaza fa Kintana iray no hipoitra avy amin'i Jakoba.

Ary rehefa hitan'ireo olon-kendry ireo fa ny Tenin'Andriamanitra dia nilaza hoe Kintana iray no hipoitra avy amin'i Jakoba, dia nanaraka an'ilay famantarana kely nomen'Andriamanitra izy ireo hankany amin'ilay loharanon'ny Hazavana Mandrakizay.

Toy izany koa no hataon'ireo olon-kendry amin'izao andro izao, izay tsy nohajambainy fanekem-pinoana, hanaraka an'ilay Teny nomen'Andriamanitra, voambara mandra-pahitan'izy ireo ny fahafenoan'ny Herin'Andriamanitra mamony ao amin'ity ora ity. Izy ireo, hitan'izy ireo izany, ary fantatr'izy ireo fa ato amin'ny Soratra izany. Andriamanitra no nampanantena an'izany ho an'izao andro izao.

⁹³ Tsy mampaninona na trano fandinihana firy, na zavatra hafa firy, no niteny tamin'ireo olon-kendry hoe, "Nahoana, any ivelan'ny sainareo ianareo!" Tao amin'ny dia izy ireo nandritry ny roa taona. Nandalo firenena maro izy ireo, ka hoy izy ireo hoe, "Ho aiza ianareo?"

⁹⁴ "Oh, nahita ny Kintany tany Atsinanana izahay, ka tonga mba hanompo Azy."

Ary rehefa tonga tao Jerosalema izy ireo, ireo foibe ara-anaram-pianganana, dia tsy nanana ny valiny. Nandeha nandroso sy niverina teny an-dàlambe izy ireo, niantsoantsio hoe, "Aiza Izy, teraka ho Mpanjakan'ny Jiosy?" Tsy nahafantatra na inona na inona mikasika an'izany izy ireo.

Noho izany, nandeha nankeo amin'ny Teny izy ireo, mba hahita. Nanaraka izy ireo, nahafantatra fa io Kintana io no nitarika azy ireo nankeo amin'ilay Hazavana Mandrakizay. "Tariho lâlana mankany amin'Ny Hazavanao tanteraka izahay." Ary ny Teny no mitari-dàlana anareo mankany amin'ny Hazavana, ary ny Hazavana no manao ny Teny ho voamarina. Mariho, olon-kendry izy ireo.

⁹⁵ Ary ireo olon-kendry amin'izao andro izao, tsy fa-... "Ny fahendren'ity izao tontolo izao ity dia fahadalana amin'Andriamanitra." Ireo siantifikanareo rehetra, ary ianareo olona izay miankina amin'ny fampianarana malaza, na zavatra hafa, izay miteny aminareo hoe ahoana no hamakiana atoma iray; tsy afaka manome Fiainana ho anareo izany. Tsy misy na inona na inona afaka manome Fiainana ho anareo afa-tsy

ny Tenin'Andriamanitra voambara. Izany irery ihany no afaka ihavian'ny Fiainana, dia amin'ny alàlan'Ny Teniny voambara.

⁹⁶ Ary mety tsara izany, ny mahafantatra hoe ahoana no hamakiana atoma iray. Maniry aho ny tsy hahitan'izy ireo an'izany mihitsy. Fa raha izy ireo... Tsy maintsy ataon'izy ireo izany, satria ity izao tontolo izao ity dia mihantona androany... Tsy maintsy nitranga izany, mba hanapoaka an'ireo lavaka goavana ao anatin'ny tany, mba hamela an'io ranoka volokano io hivoaka ka hamelona an'ity izao tontolo izao ity indray, mba hanao tany vaovao iray; izay handehanan'ny marina eo ambonin'ny vovoky ny ratsy fanahy, izay hanadinoana ny fahotana. Ny zavatra rehetra dia manana fomba iray hanavaozana ny tenany. Ary ny olona, izay nomena mba hiaina eto amin'ity tany ity, amin'ny alàlan'ny fahendreny manokana, nandray an'ilay hazon'ny fahalalana raha tokony ho ilay Hazon'Aina, dia izy no handrava ny tany izay nomen'Andriamanitra azy mba hiainana. Fa ireo izay mbola eo amin'ny Hazon'Aina foana, no ho tonga eo amin'ny lanitra vaovao iray sy tany vaovao iray, izay tsy misy aretina na fahafatesana. Hazavana! Hazavana, Tompo, andefaso Hazavana izahay.

⁹⁷ Ireo Anjelin'Andriamanitra no naneho hazavana teo ambonin'ilay havoana, mba hitari-dàlana an'ireo mpiandry ondry hankany amin'ilay Hazavana Mandrakizay. Hitanareo, tonga amin'ny alàlan'ny Hazavana irery ihany no ahafahan'ny Fiainana ho tonga. Ireo mpiandry ondry, niandry mba hahafantatra. Fantatrareo, rehefa teraka ny mpanjaka iray, dia nihira izy ireo, misy tabataba lehibe, rehefa teraka ilay mpanjaka. Ankehitriny, Izy dia teraka tena nangingina, ary teraka tao anatin'ny tranon'omby iray, tao anatin'ny—ny fihinanam-bilona izay nihinan'an'ny biby fiompy sy soavalys, kanefa dia Mpanjaka iray Izy. Ary ireo—nidina ireo Anjely ka nihira an'ireo hira fiderana ho an'ireo mpiandry ondry, tao anatin'ilay Hazavana.

Ireo Anjely, ny tenany, dia hazavana izay naneho tamin'ny Tenin'Andriamanitra. Nanana ny Tenin'Andriamanitra Izy ireo, ka niteny tamin'izy ireo hoe, "Androany, ao an-tanànan'i Davida, ao Betlehema, no teraka Kristy ilay Mpamonjy." Ireo Anjely no nanana ny Teny, ary ny Teny dia tonga tamin'ny alàlan'ny Hazavana, mba hitari-dàlana. Ary nanaraka ny Tenin'ireo Anjely izy ireo, nankany amin'ilay Hazavana Mandrakizay. Hitan'izy ireo teo ilay Zazakely, voafono tao anatin'ny lamban-jaza, araka ny nolazain'Izy ireo. Satria, hitanareo, amin'ny alàlan'ny Hazavana irery ihany no ahatongavan'ny Fiainana.

⁹⁸ Mariho, Izy no Teny tonga Hazavana, na lasa Hazavana. Ny Teny tao amin'io taranaka io, Izy no Hazavan'ny Teny an'io taranaka io, satria niresaka ny Aminy ireo mpaminany

fahiny, ary indro Izy tonga sy voamarina fa Izy no Hazavan'ny Tenin'Andriamanitra voambara. Hitanareo? Ireo mpaminany rehetra dia—dia nilaza, tanteraka tao Aminy, hitanareo, ireo mpaminany tany aoriana eto niaraka tamin'ny Teny.

Tahaka an'Andriamanitra tany amin'ny voalohany, rehefa hoy Izy hoe, "Aoka hisy mazava," dia tonga ny mazava.

Ankehitriny dia hoy ilay mpaminany hoe, "Hanan-anaka ny virijiny, hiteraka Zazalahy iray. Izy ireo dia hiantso Ny Anarany hoe Imanoela, satria Izany no ho Andriamanitra miaraka amintsika." Ankehitriny, izy ireo no niteny an'izany, nivoaka ny Teny; saingy Izy no Hazavana. Inona Izy? Ny fahatanterahana. Haleloia! Izy no fahatanterahan'io Teny io. Izy no fanehoana an'io Teny io.

⁹⁹ Toy izany koa ilay izy amin'izao andro izao, efa tanteraka ara-potoana ny Tenin'Andriamanitra! Izany no Hazavana. Izany no Andriamanitra maneho ny Tenany. Izy no Hazavan'izao tontolo izao.

¹⁰⁰ Ary rehefa ireo mpaminany, voatsindrimandrin'ny Fanahy Masina, no nanao hoe, "Zaza no teraka ho antsika, ho antsika no—no nomena ny Zazalahy iray, na Zaza iray no nomena; ary Ny Anarany dia hantsoina hoe 'Mpanolo-tsaina, Andrian'ny Fiadanana, Andriamanitra Mahery, Ray Mandrakizay,'" io ilay izy. Inona Izy? Ny Hazavana izay nanatanteraka an'io Teny io, amena, ny Hazavana izay nanatanteraka an'io Teny io.

¹⁰¹ Ao amin'ny Matio, ao amin'ny Masindahy Matio ny toko faha-28, dia mahita isika. Ary rehefa nitsangana tamin'ny maty Jesosy, Izy koa no Hazavan'ny Tenin'i Davida voambara, izay nanao hoe, "Tsy hamela ny Ainy ao anatin'ny helo Aho; sady tsy hahafoy Ny Iray Masiko hahita ny lò Aho." Tao anatin'ny aizina ny fahafatesana. Saingy Izy no namaha an'ireo tombokasen'ny fahafatesana, ka niditra tao anatin'izany, ary niverina nivoaka indray. Izy no Hazavana, ny Teny voamarina, ka afaka ho velona ny maty aorian'ny ahafatesan'izy ireo. Izany Izy.

¹⁰² Tamin'ny Andron'ny Pentekosta, izany no Hazavana izay maneho rehefa tonga ny Fanahy Masina.

Nilaza Isaia, ao amin'ny toko faha-28-n'ny Isaia, nilaza Isaia hoe, miaraka, "Didy hanampy didy; fitsipika hanampy fitsipika; kely eto, ary kely etsy." "Hazony mafy izay tsara." "Fa amin'ny molotra miambakambaka sy amin'ny fiteny hafa no Hitenenako amin'ity vahoaka ity. Ary ity no fitsaharana, ity no Sabata izay Homeko ho... Fa tsy nety nihaino an'izany rehetra izany izy ireo; lasa nandeha, nanififikika ny lohany."

Ary rehefa tamin'ny Andron'ny Pentekosta, rehefa nilatsaka teo amin'ireo olona ireo ny Fanahy Masina, dia nihetsika tahaka ny lehilahy sy vehivavy mamo izy ireo, nivembena teo ambanin'ny fiantraikan'ny Fanahy Masina. Dia lasa nandeha izy ireo ary nanififikika ny lohany, ka nanao hoe, "Mamo io

vahoaka io, feno divay vaovao,” sy ny sisa. Izany tanteraka tokoa no Hazavana, ny Teny izay efa naminaniana, tonga voaseho.

¹⁰³ Toy izany koa ilay izy ao amin’ny taona tsirairay, ny Teny tonga voaseho, tonga amin’ny Fiainana, dia ny Hazavan’io taona io, eo no tonga voaseho ny Teny. Tahaka ny tao amin’ny Genesisy 1 fotsiny, rehefa hoy Andriamanitra hoe, “Aoka hisy mazava,” dia nisy mazava. Rehefa nilaza Andriamanitra fa hisy Zanakalahy iray; dia nisy Zanakalahy iray.

¹⁰⁴ Rehefa nilaza Andriamanitra, ao amin’ny Joela 2:28 hoe, “Izao no hiseho amin’ny andro farany, handatsaka Ny Fanahiko amin’ny nofo rehetra Aho; ny zanakalahinareo sy ny zanakavavinareo haminany; eo amin’ireo Mpanompolahiko sy mpanompovaviko no Handatsahako Ny Fanahiko; ny zatovolahinareo hahita fahitana; ny lahiantitrareo hahitanofy.” Ary ireo zavatra rehetra izay Nampanantenainy ireo, rehefa Izany, nilatsaka ny Fanahy Masina, no Hazavana teo amin’io Teny io. Rehefa tonga voaseho ny Teny, amin’izay fotoana izay dia lasa Hazavana Izzy.

Izy no Hazavana. Izy no Hazavana izay tokony harahintsika. Izy no Hazavana tokana. Nahita Hazavana ireo Anjely, ka nanaraka an’Izany hatreо Aminy.

¹⁰⁵ Ankehitriny, tao amin’ny taona rehetra, dia nametraka betsaka avy tamin’Ny Teniny Andriamanitra ho an’ny taona tsirairay. Mandefa olona iray foana Andriamanitra izay ahafahan’io Teny io hiditra ka haneho ny Hazavan’Izany. Izany, ny taona tsirairay, manao an’ilay zavatra iray ihany izany, manao an’izany foana.

¹⁰⁶ Izy no fahatanterahana, araka ny nolazaiko, an’ny maha-Andriamanitra rehetra, ny fahefana masina an’ireo mpaminany. Andriamanitra kely izy ireo. Rehefa tonga amin’ny lehilahy iray ny Tenin’ny Tompo, dia Jesosy no nilaza, Izy tenany, fa andriamanitra iray izy. Fantatrareo izany. Hoy Izy hoe, “Raha nilaza ny lalànareo, ary ny razanareo tany aoriana tany, no niantso azy ireo, izay nahatongavan’ny Tenin’Andriamanitra, niantso azy ireo hoe ‘andriamanitra,’ dia ahoana no ahafahanareo manameloka Ahy, milaza, rehefa hoy Aho hoe, ‘Izaho no Zanak’io Andriamanitra io?’” Hitanareo?

Rehefa, ilay tena Andriamanitra Izy tenany, Izay niteny ny Teny tamin’ny alàlan’ireo mpaminany, Izy no fanehoana an’io Teny voambara io. Ary raha ny mpaminany no nantsoina hoe andriamanitra iray, satria izy no fanehoana ny Tenin’ny mpaminany hafa iray, dia ahoana no ahafahanareo manameloka Azy nefo Izy no ilay zavatra iray ihany? Izy no Zanak’Andriamanitra, satria Izy dia hantsoina hoe ny Zanak’Andriamanitra.

¹⁰⁷ Izy no Mesia nampanantenaina ela izay efa nandrasan’izao tontolo izao. Izy no teny fikasan’ny Mesia tonga voaseho.

¹⁰⁸ Jereo Izy rehefa nitsangana teo Izy. Hoy Izy hoe, “Raha tsy manao an’ireo asan’Ny Raiko Aho, amin’izay fotoana izay dia melohy Aho.” Hitanareo? “Fa raha tsy mety mino Ahy ianareo, dia minoa an’ireo asa izay Ataoko. Izy ireo no manambara hoe Iza Aho. Izy ireo no miteny aminareo hoe Iza Aho.”

Hitanareo, io ora jamba, nohamainina izay niainan’izy ireo io, tsy afaka nahita an’Izany izy ireo. Tsy afaka nahazo fotsiny izy ireo. “Ahoana no haha-izy Azy an’Izany? Ahoana no Ahafahany ho Zanak’Andriamanitra iray, nefà Izy dia teraka teto Betlehema mihitsy?” Raha mba nahafantatra fotsiny mantsy izy ireo, ny Teny no nilaza fa ho tonga tahaka an’io Izany. “Nahoana, ny Rainy, Josefa, dia mpandrafitra iray. Ny Reniny, nahoana, ilay izy dia inoana tokoa eo anivon’ireo rahalahintsika fa Izy dia teraka tsy ara-dàlana.” Hitanareo? Kanefa dia ny Tenin’Andriamanitra no nilaza an’izany.

¹⁰⁹ Hoy Izy hoe, “Zahao ny Soratra, satria ao amin’Izy ireo no neverinareo fa anananareo Fiainana Mandrakizay, ary Izy ireo no Hany tena manambara hoe Iza Aho. Izy ireo no Hany izay manambara ny Amiko, ity Soratra Masina ity.” Noho izany dia inona Izy? Ny Hazavan’Andriamanitra. Tsy mahagaga raha hoy Izy hoe, “Izaho no Hazavan’izao tontolo izao.”

¹¹⁰ Tsy nilaza fotsiny Izy hoe, “Izaho no Hazavana,” fa hoy Izy hoe, “Izanareo no Hazavana.” Raha Ny Teniny no ao anatinareo, manambara ny Tenany, amin’izay fotoana izay dia ianareo no Hazavan’izao tontolo izao. Mariho, hitantsika, ny Hazavan’ny taona tsirairay dia tonga voaseho mitovy ihany.

¹¹¹ Noho izany dia te-hametraka an’ilay fanontaniana aho, raha...alohan’ny ahataperan’ny fotoantsika. Nahoana, nahoana arak’izany izy ireo no...no nandà an’izany izy ireo? Ahoana no nahafahan’izy ireo nanao an’izany, nefà ny... Ny tena Baiboliny mihitsy, izay novakian’izy ireo, dia tonga voaseho teo anatrehan’izy ireo. Ankehitriny diniho mafy tsara ankehitriny.

¹¹² Tsarovy ankehitriny, miresaka amin’ny olona maro aho amin’ity fotoana ity, hitanareo. Tsy efatra na dimanjato eto fotsiny, fa izaho dia—miresaka amin’ny an’arivony maro aho.

¹¹³ Mijanòna iray minitra fotsiny. Ajanòny ny milina fandraisam-peonareo ka apetraho ilay fanontaniana. Nahoana ny lehilahy mpivavaka, lehilahy tsara...Nahoana no nanontany i Josefa? Nahoana? Nahoana i Jo...? Satria tsy nizaha ny Soratra mihitsy izy.

Nahoana no nanontany ireo mpisorona? Antony anankiray izay tsy...tsy nahafantar’izy ireo an’izany. Naneho tsara an’izany i Nikodemosy. Hoy izy hoe, “Raby, fantatray fa mpampianatra iray avy amin’Andriamanitra Ianao. Tsy misy olona afaka hanao an’izay Ataonao raha tsy Andriamanitra no

momba azy. Fantatray tsara izany.” Saingy inona ilay izy? Ireo fombafombany no nanakana azy ireo tsy hanao an’izany.

¹¹⁴ Noho izany dia nahoana izy ireo no, nandà ny Mesia? Izany dia sa-... Nahoana izy ireo no nandà an’io Hazavana io? Teo ny Teny izay fantatr’izy ireo fa niseho, nefà rehefa tonga voaseho ny Teny mba haneho fa efa tanteraka ny Tenin’Andriamanitra (Ampitahao amin’izao andro izao izany. Hitanareo?) nefà teo, voasoratra tao amin’ny Teny, fa hiseho izany, nahoana àry no nandà an’izany ireo lehilahy ireo? Mpampianatra. Satria niaina tao anatin’ny famirapiratan’ny hazavana iray hafa izy ireo. Izay ilay izy. Niaina tao anatin’ny famirapiratana iray izy ireo.

Izany ilay zavatra izay ataon’izy ireo amin’izao andro izao. Izy ireo dia miaina...

Ny antony nandàvan’izy ireo an’izany dia satria miaina ao anatin’ny famirapiratan’ny hazavana iray hafa izy ireo. Hitanareo? Ankehitriny, niaina tao anatin’ny famirapiratan’izay nolazain’i Mosesy izy ireo, izy ireo no nilaza. Niaina tao anatin’ny famirapiratan’izay (taona hafa iray) efa lasa izy ireo.

Ary izany ilay tena antony mihitsy amin’izao andro izao hoe ity Hafatra ity, hoe, “Jesosy Kristy no ilay mbola tsy miova foana,” dia nolavina, satria miaina ao anatin’ireo famirapiratan’ny taona hafa ny olona. Ilay antony iray ihany, izay handàvan’izy ireo an’Izany. Mahamarika isika ankehitriny.

¹¹⁵ Ary milaza ny Webster, fa, “Ny famirapiratana iray dia karazana hazavana sandoka iray. Ny famirapiratana iray dia hazavana sandoka iray; zavatra iray izay mamirapiratra izany.”

Tahaka—tahaka ny rendrirerendry iray eny amin’ny lâlana. Mandeha eny an-dàlana ianareo, maro aminareo no mamily fiara, ka mijery eo alohanareo. Rehefa mahita an’io masoandro io eo amin’ny tany ianareo, dia mampitaratra hazavana iray izy, ary tahaka ny rendrirerendry iray, toy ny hoe misy rano manerana an’ilay lâlana rehetra. Fa, rehefa tonga eo ianareo, dia tsy misy na inona na inona eo. Sandoka iray fotsiny izany, rendrirerendry, ilay famirapiratan’ny hazavana marina iray.

Izany no ataon’ny devoly amin’izao andro izao, dia ny maneho rendrirerendry iray amin’ny olona, Fiombonamben’ny Fiangonana iray, vondron’ny anaram-piangonana, izay hivadika ho sandoka. Satria, izany dia satria misy ny tena Hazavana iray mamiratra. Raha tsy namiratra io tena Hazavana io, dia tsy afaka ny ho eo ny rendrirerendry iray. Mamiratra ny tena Hazavana. Ary izany dia... Miaina ao anatin’ny famirapiratan’ny taona hafa iray izy ireo, zavatra hafa iray, satria tanteraka izany ary nandroso.

Ankehitriny, ny famirapiratana iray, sandoka io rendrirerendry io. Famirapiratana iray an’ny masoandro izany.

¹¹⁶ Ary tahaka an'izany ilay izy, nanao an'ilay zavatra iray ihany izy ireo, famirapiratana sandoka an'ilay Hazavana marina.

¹¹⁷ Ankehitriny, izany no nanaporofa fa Izy no Hazavana marina. Izy no Hazavana. Nahoana izy ireo no tsy nahafantatra fa Izy no Hazavana? Ahoana no ahafahanareo mahafantatra fa Izy no Hazavana? Satria ny Teny izay nampanantenaina dia tonga voasaho tamin'ny Alàlany, noho izany dia Izy no Hazavan'io Teny voambara io. Amena! Oh, izany dia saiky manao ahy, Batista pentekotista iray, hikiakiaka. Mariho, eritrereto izany!

¹¹⁸ Famirapiratana iray, hitanareo, miaina ao anatin'ny famirapiratana iray! Fa rehefa velona ilay Teny marina, dia izany no Hazavana, izay nolazain'Andriamanitra.

Ankehitriny, ahoana moa raha nilaza Andriamanitra, tany amin'ny voalohany hoe, "Aoka hisy mazava," hah, eny, ary nisy zavatra hafa niseho teo, hitanareo, rendrirendry iray fotsiny? Hitanareo, tsy ho nisy izany, na izany aza, izay nolazain'Andriamanitra. Tsia, tsy ho nisy izany. Ahoana moa raha hoy Andriamanitra hoe, "Aoka hisy mazava," ka zavona betsaka no tonga? Hitanareo, tsy ho hazavana izany. Fa, ny antony nahatongavan'ny hazavana, izany dia Ny Teniny voasaho.

Ary amin'izao andro izao, rehefa nilaza Andriamanitra fa zavatra tahaka an'izao no hiseho amin'ity fotoana ity, ka hitanareo ilay izy manao an'izany, (inona izany?) izany no Hazavana eo amin'ny Tenin'Andriamanitra. Izany no Teny lasa Hazavana, maneho ny Tenany.

¹¹⁹ Ankehitriny, hoy izy ireo hoe, "Ataonao ho iza moa izahay? Nahoana," hoy izy, "Ianao miezaka ny...Fantatray fa adala Ianao. Nahoana, Samaritana iray Ianao; tsy manana ny Sainao tsara Ianao. Eny, Ianao dia hiezaka ny...Iza no afaka hiteny... Fantatray fa teraka tao amin'ny fahotana Ianao. Tsy fantatray hoe avy aiza Ianao. Tsy manana firaketana mikasika ny fanondroana Anao izahay ao amin'ireo vondronay. Nahoana, adala Ianao. Manana devoly Ianao." Hitanareo? Hoy izy ireo, "Nahoana, any ivelan'ny Sainao Ianao." Saingy Izy tokoa no Hazavan'Andriamanitra tena izy, marina, mamiratra.

Fa ny famirapiratana no nanao, ny mason'izy ireo tsy hahita. "Manana an'i Mosesy ho mpitari-dàlanay izahay!"

¹²⁰ Hoy Izy hoe, "Raha nino an'i Mosesy ianareo, dia ho nahafantatra Ahy."

¹²¹ Ary raha nino an'i Jesosy sy ny Baiboly ianareo, dia ho nahafantatra an'ity ora izay iainanareo ity. Hoy izy ireo hoe, "Eny, Kristiana izahay. Izahay..." Raha izany ianareo, dia ho nahafantatra an'ireo hetsik'i Kristy ho an'ity andro ity. Hitanareo, ho nahafantatra an'izany ianareo.

¹²² Hoy Jesosy hoe, “Ireo mpaminany rehetra dia niresaka ny Amiko. Ary raha mino an’ireo mpaminany ireo ianareo, nahoana, dia ho nahafantatra Ahy. Ireo Asako no manondro. Satria, izay nolazain’izy ireo fa Hataoko, dia Ataoko izany. Ary iza no afaka manameloka Ahy amin’ny tsi-finoana ankehitriny?”

¹²³ Nefa mbola tsy nahita an’izany foana izy ireo. Nahoana? Nohajambaina ny mason’izy ireo, tamin’ny famirapiratana iray; hitanareo, ilay famirapiratan’ny zavatra hafa izay noraisin’izy ireo ho ny Teny voambara marina. Eritrereto izany ankehitriny. Eritrereto izany. Nihambo izy ireo fa nino an’ity Teny ity. Saingy ireo fombafombany no nanodina ny tavan’izy ireo hiala amin’ny Teny marina, nankany amin’ny famirapiratana iray, noho izany dia tsy afaka nahita an’ilay tena zavatra izy ireo.

Toa izany koa ilay izy amin’izao andro izao. Efa toy izany koa ilay izy tao amin’ny taona tsirairay. Hitanareo, ny—mamiratra ny Teny marina, saingy efa tena nanara-pomba loatra izy ireo, ka, tsy afaka mahita an’ity Teny ity. Mijery famirapiratana iray izy ireo, ka jamba. Hanajamba anareo ny famirapiratana iray. Misy herim-baratra mitselattra avy ao aminy. Hanajamba anareo izany. Ary, izany dia, rehefa . . .

¹²⁴ Hoy Jesosy hoe, “Jamba ianareo, mitarika ny jamba.” Tokony ho afaka nahita an’izany izy ireo, mahita hoe Iza Izzy. Saingy tsy afaka izy ireo, satria niaina tao anatin’io famirapiratana io.

¹²⁵ Ankehitriny, ny famirapiratana iray, araka ny nolazaiko, dia hazavana sandoka iray, rendrarendry iray, fiheverana diso ny amin’ny Hazavana marina. Fiheverana diso; izany dia zavatra iray izay—izay natao hitovy amin’Izany, saingy tsy Izany ilay izy.

¹²⁶ Ankehitriny ny fomba tokana nahafahan’izy ireo niteny ny fahasamihafana, satria ireo tena zavatra izay nanaporofoin’i Jesosy hoe Iza Izzy, dia hoe Izzy no Hazavana. Nihevitra izy ireo fa tao amin’ny Hazavana. Saingy raha hijanona iray minitra fotsiny ianareo ankehitriny ka hihevitra hoe iza no ao amin’ilay Hazavana, arak’izany.

¹²⁷ Ankehitriny, amin’izao andro izao! Raha fahadisoana lehibe iray tahaka an’izany no vitan’ny mpitondra fiangonana tamin’izany andro izany, zavatra lehibe tahaka an’izany no natao, rahalahy, dia tsy mihevitra ve ianareo fa izao no fotoana hijanonantsika sy hiheverantsika hoe inona no Hazavana? Aoka isika tsy hanao fahadisoana iray lehibe tahaka an’izany. Saingy ataonareo ilay izy. Efa nataonareo ilay izy, hitanareo, nefo tsy fantatrareo izany, tahaka azy ireo tamin’izany. Mijanôna iray minitra fotsiny ankehitriny ka jereo izay lazain’ny Teny ho an’izao andro izao.

¹²⁸ Raha nijanona izy ireo ka nieritreritra hoe, “Indro Izzy manatanteraka, amin’ny antsipiriany rehetra, marina tokoa an’izay nolazain’ny Teny fa Hataony.”

Ary nihaika azy ireo Izy, tahaka ny ihaikako anareo! Hitanareo? Hitanareo? Mihaika anareo aho hijery ao amin'ny Teny, zahao ny Soratra, jereo raha tsy izao no ora. Hitanareo? “Zahao ny Soratra, fa ao amin’Izy ireny no heverinareo fa anananareo Fiainana Mandrakizay, ary Izy ireo no Hany manambara Ahy.” Izy ireo no Hany manambara an’ity asa amin’izao andro izao ity. Ireo asa izy tenany no manambara fa vita ilay izy, ary ny Soratra no milaza fa ho vita ilay izy, noho izany dia izany ilay Hazavan’ny ora. Ny Tenin’Andriamanitra no niteny an’izany.

¹²⁹ Ireo fombafombanareo sy ny sisa no izay nolazain’ny Baiboly marina tokoa, tahaka an’ireo izay nanifikifika ny lohany ka lasa nandeha. “Feno lò ny latabatra rehetra,” hoy ny Baiboly. Ary teo no nisy azy ireo. Tsy te-hino an’izany izy ireo. Nanifikifika ny lohany izy ireo. Ary, tompokolahy, fantatrareo ve? Ary, rahalahy, fantatrareo ve izao, hoe, rehefa mandà an’ilay tena zavatra izay amarinin’Andriamanitra eo anatrehanareo ianareo, dia manao an’ilay zavatra iray ihany izay nataon’izy ireo, miverina mankany amin’ny lôanareo ara-pomba?

¹³⁰ “Tahaka ny alika mankeo amin’ny lôany.” Raha nanao azy harary izany tamin’ny voalohany, dia hanao azy harary izany amin’ny fanindroany. Raha ny fiangonana Katolika, efa voarafitra ka nanao an’ilay rafi-pandaminana voalohany, no nitondra aretina ho an’ilay fiangonana; dia ho toy izany koa ny Loterana, Metodista, ary ny sisa rehetra amin’izy ireo, Batista, Presbyterana, ary Pentekotista. “Aliko iray miverina amin’ny lôany, sy kisoavavy iray miverina amin’ny fotany.” Hitanareo? Ho tonga eo amin’izany isika afaka minitra vitsy, raha sitraky ny Tompo.

¹³¹ Famirapiratana, mandeha ao anatin’ny famirapiratana iray, hitanareo, rendrirerendry iray, fiheverana diso ny amin’ny Hazavana marina. Noporofoiny fa Izy no Hazavana.

Satria, Izy, satria tao amin’ny . . . tao amin’ny havitsiana, oh, oadray, dia an-tapitrisany no nanohitira Azy! Tsy nisy iray ampahenin’ny olona, iray ampahasivifolon’ny olona, teto an-tany, no mba nahafantatra fa teto Izy. Tsy nisy, heveriko, iray—iray ampahazaton’ny Jiosy, na zara raha iray am-pahadimapolon’izy ireo, na ampahefapolon’izy ireo, no ho lazaiko, angamba latsak’izany, avy tamin’ny Fireneny Manokana, no mba hany nahafantatra fa teo Izy. Ary ireo izay tsy nahafantatra fa teo Izy, dia nihevitra Azy ho zavatra sandoka, satria ilay anaram-piangonana no niteny tamin’izy ireo fa izany Izy. Hitanareo?

Kanefa dia Izy no Hazavana marina izay efa notenenina hatrany amin’ny Genesisy, tany amin’ny voalohany, ka nangataka azy ireo mba hizaha ny Soratra sy hahita raha tsy niaina tao amin’io fotoana io mihtisy Izy; raha Izy, ireo

asa izay Nataony, no tsy nanatanteraka marina tokoa an'izay nampanantenaina ho an'io fotoana io. Amena. Oh!

¹³² Zavatra iray hentitra toy ny inona izany, rahalahy! Miaina ao anatin'ny fotoana iray lehibe isika.

¹³³ Nanaporofa ho ilay marina Izzy. Izzy no tena Hazavana izay nihamboan'izy ireo fa notompoiny. Nihambo izy ireo fa manompo an'io Hazavana io.

Ary toy izany koa ilay izy amin'izao andro izao. Mihambo izy ireo fa manompo an'Izany. Mihambo an'izany ireo Pentekotista. Mihambo izy ireo fa manompo, nefo tena jamba ka tsy afaka mahita an'izany. Nahoana? Mandrafitra izy ireo, ary, saingy famirapiratana iray no eo amin'ny tavan'izy ireo. Hitanareo? Ny fombafomba iray no iarahan'ny olona sasany, ka nanao hoe, "Handeha isika ka hanao an'ity sy ity, ary ity sy itsy." Ankehitriny isika dia ho tonga eo amin'ny hoe nahoana no tsy maintsy mitranga izany, raha sitraky ny Tompo.

¹³⁴ Mariho, ireo Asany no Teny velona Izzy tenany. Izay Nataony no Teny velona Izzy tenany, naneho fa Izzy io Hazavana izay nampanantenaina hatrany amin'ny fiandohan'izao tontolo izao io. Izzy io Hazavana io. Ny Hazavany teo amin'ny Teny nampanantenaina an'ilay taona no nanao an'Izany ho velona arak'izay nolazain'ny teny fikasana marina tokoa fa Hataony, saingy tena navadik'izy ireo Izany hany ka tsy afaka nahita an'Izany izy ireo. Hitanareo? Fa Izzy no Hazavan'io taona io.

¹³⁵ Izzy no Hazavana izay nihamboan'izy ireo fa notompoina. Nihevitra izy ireo fa nanompo an'ilay tena Andriamaniry ny famororonana mihitsy. Niaina sy nanompo famirapiratana iray izy ireo, ka hoy Jesosy hoe, "Foana ny ivavahanareo Amiko, mampianatra fombafomban'olona ho Foto-pampianarana, fa tsy ny Teny." Izzy no Teny, ary Izzy no Teny tonga voaseho. Tokony ho fantatr'izy ireo izany.

¹³⁶ Manantena aho fa afaka miditra tsara izany, na aiza na aiza andrenesana azy, hitanareo, hoe izany no Teny tonga voaseho. "Oh," hoy izy ireo, "oh, manana ny Teny izahay." Nahoana, ny Teny, ny olona rehetra dia mitondra Baiboly iray, izay tehitondra. Saingy, rehefa voamarina ny Teny, tonga voaseho!

Nahoana, hoy izy ireo, "Eny, mino izahay!"

¹³⁷ Eny, tompoko, nino izy ireo, teny rehetra teny. Toy izany koa i Satana. Ireo Fariseo, iza no afaka nanameloka azy ireo, hoe tsy nino? Saingy tsy nino ny Teny ho an'ilay ora izy ireo. Nanompo an'ilay famirapiratan'ny zavatra hafa izy ireo.

Izany ilay zavatra iray ihany izay ataon'izy ireo amin'izao andro izao. Hitanareo? Izzy ireo dia mitandrina ny an'i Luther ny filaza-...fombafomba, na-na fombafomban'i Wesley, sy ny sisa amin'izy ireo, ny fombafomba Pentekotista. Fa inona ny amin'ilay ora?

Nitandrina an'ireo fombafombany ireo Fariseo. Saingy tao ambadik'ireo fombafombany no nisy an'ilay Tenin'Andriamanitra marina tonga mba hamiratra, ka, rehefa namiratra Izany, dia nanajamba ny mason'izy ireo Izany. Tsy afaka nahita an'Izany izy ireo satria nandinika zavatra hafa.

Toy izany koa ilay izy amin'izao andro izao! Enga anie Andriamanitra hamela an'izany hilentika, mandrapahatongan'izany ao an-tranon'ny olona izay tokony hino an'izany. Efa tara noho izay eritreretinareo izao.

¹³⁸ Ny zanakolahy, Billy Paul, miresaka izy ao anatin'ny torimasonry, saingy tsy manananofy matetika loatra izy. Nanana anankiray izy indray alina izay nanozongozona azy. Nilaza izy fa nanonofy hoe tao amin'ny fiangonana iray izy, ary—ary izy ireo... Tsy mbola tonga aho.

Nilaza izy, rehefa niditra aho, dia nanidina nivoaka avy teo amin'ny maso ny afo, ka hoy aho hoe, "Tonga ny fotoana. Tapitra ilay izy."

Dia nanomboka niantsoantso ny olona rehetra hoe, "Tsy vitako! Ireo zanako!"

¹³⁹ Ary na dia ny vadiko aza dia nanao hoe, "Tsy afaka manao an'i Sarah hangataka ny tso-drano eo amin'ny latabatra aho," sy ny sisà. Dia hoy aho hoe...

Hoy izy hoe, "Tsy maintsy mandeha maka an'i Loyce aho sy—sy ilay zazakely."

¹⁴⁰ Hoy aho hoe, "Tsy afaka ho tonga i Loyce ankehitriny. Tanora loatra ilay zazakely mba hahafantatra. Billy, eto ny ora. Tsy maintsy mandeha isika." Hoy aho hoe, "Misasak'alina izao. Alohan'ny misandratr'andro, dia ho eto Jesosy. Raha tsy izany, amin'izay fotoana izay dia vavolombelona sandok'i Kristy aho."

Dia niteny mafy ny olona iray, nanao hoe, "Tsy misy olona mahafantatra ny minitra na ny ora."

¹⁴¹ "Tsy nilaza minitra na ora mihitsy aho. Hoy aho hoe, 'Indray andro any eo anelanelan'izao sy ny misandratr'andro.'" Dia hoy aho hoe, "Ndao isika—ndao isika handeha."... Hoy aho hoe, "Saingy ao amin'ilay fotoana no misy antsika. Ndao isika handeha."

Dia niditra tao anatin'ny fiara izahay, ary nanomboka, ary nanomboka niakatra ny tendrombohitra. Ary rehefa niakatra izahay, dia toy ny hoe tonga teny amin'ny lanitra ny hazavana, fa aizina no tetra ambonin'ny tany. Nilaza izy fa niala nankeo amin'ny sisin-dàlana aho, ary nihazona ny tânako ambony tahaka an'izao, mbola nanidina avy teo amin'ny maso foana ny afo. Ary nilaza izy fa hoy aho hoe, "Tompo, nanao an'izao araka ny Didinao aho. Nanao an'izao fotsiny aho satria Ianao no niteny tamiko hanao azy tahaka an'izao. Nanao an'ireto zavatra ireto aho arak'izay Noteneninao tamiko."

Ary nanao fihetsika tamin'ny tendrombohitra granita goavana iray aho; ary ny—ny Hazavana iray, tsy niaraka tamin'ny tànana, no nanendaka Vato iray avy teo amin'ilay tendrombohitra, nilanja an-jatony taonina, ary indro Izy tonga. Hoy aho hoe, “Ahodino ny lohanao; aza mijery. Hifarana izany rehetra izany afaka minitira vitsy.” Nilaza, avy eo dia tonga hatraiza hatraiza ny fahanginana masina iray lehibe, raha tonga naka toerana io Vato io.

¹⁴² Mety efa tara noho izay heverintsika izao. Eo, hitanareo, aratSoratra marina tokoa izany, hitanareo, “ilay Vato, tsy niaraka tamin'ny tànana, niendaka avy tamin'ilay tendrombohitra.”

Ary noho izany indray andro any dia ho tahaka an'izany ilay izy, rehefa hiantsoantso zavatra iray ianareo. Nilaza tamin'izy ireo aho hoe, “Efa nanana an'izany fotoana izany ianareo. Efa nampitandrina anareo tsy ankitsahatra Andriamanitra, isaky ny fotoana. Hia.” Hoy aho hoe, “Na dia ny zanako manokana aza izany, na iza na iza izany, dia eto ilay ora. Izay Noteneniny tamiko mba ho lazaina ihany no azoko lazaina, ary ho eo izany,” ary nisy izany.

Ary—ary tamin'izay fotoana izay, tampoka teo [Mitehaka ny tànany indray mandeha Rahalahy Branham—Mpand.], indro tonga Izy, “ilay Vato niendaka avy teo amin'ny tendrombohitra, tsy niaraka tamin'ny tànana.” Nahita an'izany i Daniela, fantatrareo, tany aorianan tany taona maro lasa izay. Tsy nahafantatra na inona na inona mikasika an'izany i Billy, fa ilay izy dia—dia nofy iray nalefa ho azy avy tamin'ny Tompo.

¹⁴³ Ankehitriny, hitanareo, nihambo izy ireo fa nanompo an'io tena Andriamanitra izay nesoin'izy ireo io. Ary niverina indray ilay zavatra iray ihany amin'izao andro izao, nohon'ny antony iray ihany, miaina ao anatin'ny famirapiratana iray raha tokony ho ny Hazavana. Mamiratra ireo Hazavana lehibe. Eny àry.

¹⁴⁴ Jereo hoe aizina toy ny inona no misy antsika amin'izao andro izao! Jereo izay miseho amin'izao andro izao! Jereo ny vono olona, fanolanana, fifandirana! Nahoana, izany no miseho. Mino aho fa i Billy Graham no nilaza, tao amin'ny favoriany farany hoe, “Afaka folo taona manomboka izao, ny teratanin'i California rehetra dia tsy maintsy hitondra basy iray hiarovana ny tenany. Tsy afaka mametraka fampiharana lalàna ampy ianareo.” Lasa marary saina fotosny ny olona; fitifirana, vono olona, ary fanolanana, ny zavatra rehetra, hitanareo. Lasa tsy misy dikany fotosny izany, hitanareo, eny amin'ireo lâlambe. Hitanareo, izany no a—izany no andro iray izay iainantsika, andro Sodomita iray. Hitanareo?

Saingy misy Hazavana iray mamiratra! Raha mba njery fotosny mantsy izy ireo, raha mba nahita fotosny mantsy izy ireo, njery ny Teny ka nahita an'izay natao hisy amin'izao ora izao, dia ho nahafantatra an'izay ezahana ho vita izy ireo.

¹⁴⁵ Ankehitriny, mihambo izy ireo fa manompo an'io Hazavana io, toy izany koa no nihamboan'izy ireo fa nanompo an'io Hazavana io, saingy nanompo tao amin'ny famirapiratan'ny hazavana iray hafa izy ireo raha tokony ho ilay tena izy. Hitanareo? Izy no Hazavana.

¹⁴⁶ Fanekek-pinoana sy fombafomba, tao amin'ny toeran'izy ireo jamba, no nanodina azy ireo hiala tamin'ilay Hazavana marina an'ny Teny nampanantenaina. Ny Teny izay nohamarinin'Andriamanitra, tamin'ny alàlan'i Jesosy, ilay Hazavan'izao tontolo izao, no tonga ka nanao an'io Teny io ho velona marina tokoa nandritry ny Androny, arak'ireo andro marina tokoa. "Ho esorina Izy eo afovoan'ireo fitopolo herinandro, marina izany, izany hoe telo taona sy tapany an'ny Faminianiany. Ho tonga ny Mesia, ilay Andriana, ka haminany, ary telo andro sy tapany amin'io, avy eo dia ho esorina hiala amin'ny velona Izy, ka hanao fanaovam-panavotana." Ary marina tokoa izany. Nitory teny telo taona sy tapany Izy. Ary ireo...

¹⁴⁷ Ary ilay tena Salamo izay nolazain'i Davida mihitsy hoe, "Ry Andriamanitro, Ry Andriamanitro, nahoana no nahafoy Ahy Ianao?" Ny Salamo faha-22, "Ny Taolako rehetra, mibanjina Ahy izy ireo. Manifikifika ny lohany izy ireo. Mandalo Ahy fotsiny izy ireo." Dimampolo sy valonjato taona, tany aloha, rehefa nihira an'io hira io tao amin'ny Fanahy i Davida, dia noraisina ho faminaniana izany, ary nomena. Nihira an'ireo hira ireo izy ireo tao an-tempoly nefä ilay Fanatitra iray ihany dia nihantona teo amin'ny hazo fijaliana, niaraka tamin'ireo Tànany, ary notsindronina. "Ary notsindronin'izy ireo ny Tànako sy ny Tongotro." Hitanareo? Hitanareo ve eo? Noho izany, nahoana? Niaina tao anatin'ny famirapiratana iray izy ireo. Tsy hitan'izy ireo ilay Hazavana.

¹⁴⁸ Azonareo eritreretina ve ny olona manan-tsaina iray hanao an'izany? Tahaka ny tsy ahafahako mieritreritra ihany koa olona manan-tsaina iray hihazakazaka hidina any ambany rihana ka hipetraka ao anaty bobongolo, ary misintona ny varavarany miaraka, ka manao hoe, "Mandà ny hahita aho hoe misy hazavana." Fahadalana izany.

Ary nisolifatra ny ara-panahiny, tany ho any, rehefa mahita ny olona iray fa ny Baiboly no nampanantena an'izany, ary mahita an'izany velona eo anatrehany mihitsy ka tonga voaseho, nefä avy eo dia mijanona tsy ankitsahatra ao anatin'ireo fanekek-pinoana sy ny sisa eo ireo izay mandà an'Izany. Fahadisoana ara-panahy iray izany. Marina tokoa izany.

¹⁴⁹ Indro teo Izy ankehitriny. "Izy no—Izy no Hazavan'izao tontolo izao, ary izao tontolo izao dia nahafantatra... Tonga tamin'ny Azy Manokana Izy; ny Azy Manokana tsy nahafantatra Azy. Tonga teto amin'izao tontolo izao Izy, ary Izy no nanaovana

an'izao tontolo izao, nefà izao tontolo izao tsy nahafantatra Azy." Hitanareo? "Fa izay rehetra nahafantatra Azy, dia izy ireo no Nomeny hery ho tonga zanak'Andriamanitra, ho an'ireo izay nino Azy."

¹⁵⁰ Tsarovy, tsy afaka miaina amin'ny hazavan'ny omaly isika. Efa lasa ny hazavan'ny omaly. Tsy misy intsony izany. Izany, ny hazavan'ny omaly, dia fahatsiarovana iray fotsiny ihany. Ny hazavan'ny masoandro omaly dia fahatsiarovana iray fotsiny ihany, na, tantara izany. Tsy afaka miaina ao anatin'ny hazavan'ny omaly isika, intsony. Ary ilay iray ihany, na dia ilay masoandro iray ihany aza ilay izy, ilay masoandro iray ihany, saingy isan'andro dia mamaoaka ny heriny mahery kely kokoa izy, mba hanamasaka an'ilay voa ho an'ny fijinjana. Hitanareo?

¹⁵¹ Tonga ny masoandro androany, lasa mahery kely kokoa. Isan'andro ankehitriny dia ho lasa mahery kely kokoa izy, mahery kely kokoa, ary hany ka amin'ny farany ilay vary, izay mandry ao, izany dia—handray fiainana izany. Afaka kelikely, ilay—hiakatra ilay aina, avy eo dia mahery kely kokoa, mahery kely kokoa. Marsa, Aprily, May, Jona, Jolay, ao amin'ny fijinjana izy arak'izany, hitanareo. Ilay masoandro iray ihany izay mamiratra androany, amin'ny—amin'ny Janoary na Desambra, izay ao ambony ao manondraka an'io oram-panala io ka mampitsonika azy eo ambonin'io voa io, manome rano azy; izany dia ilay masoandro iray ihany, saingy io vary io dia tsy afaka miaina ao anatin'io hazavan'ny masoandro iray io ihany amin'ny Jona. Hitanareo, tsy afaka manao an'izany izy. Hitanareo, lasa mahery kely kokoa isan'andro ny masoandro, ary tokony ho masaka kely kokoa handray an'ilay hazavan'ny masoandro ilay voa.

¹⁵² Izany ilay olana amin'izao andro izao. Ilay voa izay nafafy tamin'ireo ray voalohany, tany aoriana tany tao—tao amin'i Luther sy Wesley ary izy ireo, nihena izy; tsy afaka nandray an'ilay Zanaka izy. Mamono azy ilay Zanaka. Nandà ny hitombo izy. Hitanareo? Nanapaka azy izany, nanasaraka ny tenany tamin'ilay taho izy, tahaka an'izany, ary tonga *teto* ka nanao ny tenany ho zavatra kely iray manokana. Lasa akofa iray izy, noho izany, ary tsy misy Aina ao aminy. Tokony ho masaka ilay voa ary lasa mahery kokoa, arakaraky ny mahalasa mahery kokoa an'ilay Zanaka isan'andro.

¹⁵³ Ndaò isika handinika iray minitra ankehitriny. Handinika an'ireo taom-piagonana isika. Misy taom-piagonana fito. Ary tahaka an'ireo taom-piagonana ireo, ny tsirairay avy, diniho hoe ahoana no Niresahany tamin'izy ireo an'izay hatao, ahoana no hahamasaka an'ilay voa ka ho tonga ao amin'ity ora farany eto ity, ity ora izay iainantsika ity. Noho izany dia tsy maintsy manao an'ilay zavatra iray ihany ireo fiagonana, hitanareo, ireo fiagonana.

¹⁵⁴ Jereo ankehitriny, namafy voa iray i Luther, ary voa iray i Luther ka nafafiny izany. Eny àry. Toy izany koa i Wesley; ary, koa, toy izany koa ny Pentekotista; toy izany koa ireo Batista, ireo Nazareana. Saingy, hitanareo, tsy hiverina i Luther ankehitriny ka hiaina ao amin'ny hazavan'ilay anaram-pianganana voalohany, Katolika. Tsia, tompoko; hazavana iray hafa izy. Andriamanitra manamasaka zavatra iray izany. Ankehitriny dia nivoaka avy tao amin'io ny havitsiana kely iray, io fifohazana Loterana io.

¹⁵⁵ Avy eo dia tonga ny fifohazan'i Wesley, ary avy eo, tao amin'izany, nahoana, tsy afaka niverina izy ireo ka nanao tahaka an'ireo Loterana. Hitanareo?

Ary avy eo dia tonga ireo Pentekotista. Ary avy eo dia nandrafitra ireo Pentekotista ka nanao an'ilay zavatra iray ihany, nandray an'ilay akofa. Mariho.

¹⁵⁶ Fa manohy mandeha avy hatrany ilay voa. Ankehitriny dia ao amin'ny taona iray hafa isika. Nahoana izy ireo no tsy handray an'Izany? Nahoana izy ireo no tsy hahita fa masaka ilay voa? *Ity* no Teny nampanantenaina ho an'ity andro ity. [Mikapokapoka ny Baiboliny Rahalahy Branham—Mpand.] Nahoana no tsy hitan'izy ireo Izany? Satria miaina ao amin'ny famirapiratana Loterana izy ireo, famirapiratana Wesleyana, famirapiratana Batista, famirapiratana Pentekotista. Miaina ao amin'ny famirapiratan'ny hazavana iray hafa izy ireo. Izany no antony tsy ahafahan'izy ireo mandray an'ilay Hazavan'ny Teny manontolo voamarina araka ny nampanantenain'Andriamanitra. Ireo Tombokase Fito, izay nanambarana ny zava-miafina manontolo, dia hiverina ka hiteny hoe nahoana no natao tahaka an'izany ireo zava-miafina ireo; ary, kanefa, rehefa tonga izany, dia manalavitra an'Izany kokoa noho ny hatramin'izay izy ireo. Tsy manana fialan-tsiny izy ireo.

¹⁵⁷ Nataon'Andriamanitra tamin'ny alàlan'ny Fanahy izany, tamin'ny alàlan'ny fanambarana. Izy no—Izy no nanaporofo an'izany tanteraka tokoa, tamin'ny alàlan'ny siantifika sy ny zavatra hafa rehetra, hoe izany no Fahamarinana, hoe izany no Fahamarinana. Nefa mbola te-hiaina ao amin'ny famirapiratana Pentekotista iray foana izy ireo hoe, "Assemblées aho! An'ny Tokana aho! Fianganan'Andriamanitra aho! Izaho *ity!*" Hitanareo, miaina ao amin'ny famirapiratan'ny taona efapolo, dimampolo taona lasa. Miaina ao amin'ny famirapiratana Loterana iray. Miaina ao amin'ny Wesley iray, Batista iray, Presbyterana iray, na Nazareana iray, famirapiratana an'ny taom-pianganana hafa iray izay nanohy sy nandrafitra ary nanao an'ilay zavatra iray ihany, ka nitsipaka sy nandà an'ilay Hazavana rehefa mamiratra tokoa Izany.

¹⁵⁸ Ary miaina ao amin'ny rendrirerendry iray ianareo. Milaza an'izany am-panajana aho, hitanareo, fa ianareo dia...tsy ny

handratra anareo, fa mba hamoha anareo. Miaina ao amin'ny rendrirendry iray ianareo.

Ahoana moa raha Jesosy, no nilaza hoe “Nahoana, jamba ianareo, ary mitarika ny jamba ianareo”? Izy ireo dia tsy afaka... Niezaka niteny azy ireo Izzy; fa tsy nataon’izy ireo izany. Hoy Izzy, “Avelao izy ireo hipetraka tsara. Raha ny jamba no mitarika ny jamba, dia hianjera any an-kady izy ireo.” Izany ilay ora izay nahatongavako! Raha hivembena izy ireo, dia tsy misy azoko atao. Nataoko ny rehetra izay azoko atao. Nanao marina tokoa aho.

Nanao an’izao aho araka ny Didinao, Tompo. Ianao no vavolombelona.

Hatramin’ny 1933, teo amin’ilay renirano, rehefa io Hazavana izay hitanareo eo io, no nidina namiratra, tato amin’ny tabernakla mihitsy Izany ary vavolombelona ho anareo, nandritr’ireo taona rehetra ireo. Ary ny zavatra rehetra izay Nolazainy dia niseho. Nefa manohy mandeha tsy ankitsahatra izy ireo. “Avelao ny jamba hitarika ny jamba.” Hiandry an’io ora io fotsiny aho; ho tonga Izzy, indray andro any.

¹⁵⁹ Mariho, miaina ao amin’ny famirapiratan’i Luther, miaina ao amin’ny famirapiratan’i Wesley, miaina ao amin’ireo famirapiratana tany aoriana tany ireo, izany no antony tsy ahafahan’izy ireo mahita an’ilay Hazavana marina. Raha mba nijanona nandritry ny minitra vitsy izy ireo, ka nandray fotsiny ny Baiboly ary namaky an’Izany, dia ho nahita izy ireo fa ny... ity no Hazavana nampanantena ho an’ilay ora.

¹⁶⁰ Ankehitriny dia haka ny sasany amin’ireo zavatra ireo isika afaka iray minitra. Nampanantena Izzy, araka ny Malakia 4, fa hitranga ireo zavatra ireo. Nampanantena Izzy, nanerana ny Soratra rehetra, fa hitranga izy ireo. Hitanareo?

¹⁶¹ Mariho ihany koa i Israely, tandindontsika, ao amin’ny dia. Jereo, nihinana mana, izay Hazavan’izy ireo, Aina, izay nanome tanjaka azy ireo, Aina. Marina ve izany? [Hoy ny fiangonana hoe, “Amena.”—Mpand.] Tsy afaka nihinana mana izay nilatsaka teo amin’izy ireo omaly i Israely. Simba izany. Lò izany. Tsy tsara ho azy ireo izany. Ho faty izy ireo, eo amin’izany. Ilay mana izay nitahiry azy ireo ho velona omaly dia hamono azy ireo androany. Ny Baiboly no nilaza fa nisy tsimok’aretina tao anatin, simba. Ary ilay mana, tsy maintsy naka mana vaovao izy ireo isan’andro. Amen.

Ary inona izany? Ireo olona izay nivelonan tamin’ny manan’i Luther, Wesley, ary ireo tany aoriana tany ireo, mihinana karazan-javatra simba izay mamono anareo ianareo, ara-panahy. Mamono anareo izany, maty ao amin’ny fombafombanareo.

¹⁶² An’ny omaly, manan’i Luther, dia tsy ho nety ho an’ny Metodista. Ny mana Metodista dia tsy ho nety ho an’ny

Pentekosta. Ny mana Pentekotista dia tsy hety ho an'izao andro izao. Hitanareo ve izay tiako lazaina? Isan'andro ilay izy dia tonga, isan'andro, vaovao, ary toy izany koa ilay izy nandritr'ireo taom-piangonana.

Ny manan'i Luther dia ny hafatry ny fanamarinana. Ny hafatr'i Wesley dia ny fanehoana ny fanamasinana. Pentekotista dia ny famerenana an'ireo fanomezam-pahasoavana. Fa izao no fampidirana an'ilay Vatotendro, ilay andro farany, ilay Hazo Ampakarina, izay mifanohitra amin'ny rehetra amin'izany, kanefa dia ilay Hazavana iray ihany Izany ho an'ilay fahamasahana.

Tahaka an'ilay masoandro iray ihany, mamiratra androany, izay hanamasaka an'ilay voa ho an'ny fijinjana amin'ny Jolay. Hitanareo ve izay tiako lazaina? Fa ny hazavana androany dia tsy hahavita soa mihitsy eo amin'ny Jolay. Mahery kokoa izany. Mandroso bebe kokoa ilay vary; vonona ny handray azy izy. Amena. Izany tokoa izy. Tsy afaka handray an'izany izy ireo ankehitriny; afaka izy amin'izay fotoana izay. Tsy mbola nety ilay vanim-potoana, tamin'izany; mety izany ankehitriny.

¹⁶³ Tsy afaka mandeha manohitra ny natioran'Andriamanitra ianareo. Manana lalàna iray Izy, ary, ny mifanohitra amin'izany lalàna izany, dia mamono ny volinareo. Tsy maintsy mandeha araka ny lalàna'Andriamanitra voambara ianareo, ary ireo Lalàny dia Ny Teniny. Ny lalàna rehetra dia teny voambara iray. Ary ny teny iray dia fisainana iray voaseho. Hitanareo? Ankehitriny isika—fantatsika fa marina izany.

¹⁶⁴ Inona ny fahitana iray? Ny Tenin'Andriamanitra, na zavatra iray voateny mialoha, na filazana mialoha an'ny zava-mitranga iray. Ary ny fahitana iray izay nananan'ireo mpaminany, sy nananan'i Jesosy, nananan'i Paoly, sy izy rehetra ireo, ary niteny ny amin'izao andro izao, dia filazana mialoha an'izay hitranga. Ary indro isika mahita an'ilay filazana mialoha tonga voaseho, nefä tsy mahafantatra an'izany akory aza ny olona. Hitanareo ve izay tiako lazaina? Ankehitriny, ny manan'ny omaly . . .

¹⁶⁵ Jereo eto. Efa mba voamarikareo ve, ny masoandro, m-a-s-o-a-n-d-r-o, dia nanao dia, Atsinanana nankany Andrefana, araka ny andehanany isan'andro. Efa voamarikareo ve izany? Ary, mariho, nanao an'ilay zavatra iray ihany ireo taom-piangonana. Inona? Ny masoandro, z-a-...m-a-s-o-a-n-d-r-o, dia nanomboka tany Atsinanana. Ary ny fandrosoana dia nanao dia niaraka tamin'ny masoandro, ny hazavan'Andriamanitra voambara mba hiainan'izy ireo. Tonga izy ireo, nanaraka ny masoandro, jereo hoe taiza no nandehanany.

¹⁶⁶ Ny fainana izy tenany, rehefa teraka ianareo, dia tahaka ny masoandro iray. Mandeha manohy ianareo, manohy mankany amin'ny filentehan'ny masoandro mihitsy, manomboka amin'ny fahaterahanareo mankany amin'ny filentehan'ny masoandro.

¹⁶⁷ Nanao dia niankandrefana ny olona, isan'andro. Ny fandrosoana trrainy indrindra izay ananantsika dia i Chine, any amin'ireo firenena tatsinanana. Jerosalema... Ary, mariho, manohy manao dia miankandrefana izy arakaraky ny andehanany, ary arakaraky ny anohizany sy anohizany, mankany Andrefana.

¹⁶⁸ Tahaka an'izany koa no nanaovan'ny taom-piangonana dia, tamin'ny alàlan'ny Z-a-n-a-k'Andriamanitra. Jereo, Paoly, ilay fiangonana voalohany, dia nanomboka tany Atsinanana; nandeha avy tany izy, niampita nitety ny—ny—ny—ny ranomasina, nankany Alemaina. Nanao sintona telo izany. Jereo eto. Avy tany Azia, nandeha tany—tany Palestina, dia niampita nitety ny ranomasimbe izy hatrany Alemaina; i Luther izany. Ary niampita avy tamin'i Luther izy, nitety ny English Channel, hatrany Angletera; tamin'ny alàlan'i Wesley. Ary avy tamin'i Wesley, dia niampita nankany amin'ny Morontsiraka Andrefana izy, hatrany Etazonia. Ary izao, raha mandeha lavidavitra kokoa ianareo, dia miverina any Atsinanana indray izany. Izao no efa andro hariva sahadys.

¹⁶⁹ Jereo hoe toy ny ahoana no niadian'ireo taom-piangonana. Luther... Paoly, aloha, tao amin'ilay taona voalohany; avy eo dia nidina hatrany Irlande, nankany amin'i Irenée, sy ny sisa; ary nitohy nidina nankao Frantsa; avy tao, nankany Alemaina; nankany Angletera; nandeha nankany Andrefana tsy ankitsahatra.

Ary ankehitriny dia tsy afaka mandeha lavitra intsony isika. Ity no taona farany. Ary inona no lazain'ny Baiboly mikasika an'ity taona farany ity? Hitanareeo, ara-jeografie, ireo mpahay datin-tantara, sy saiky ny fomba rehetra izay tianareo handraisana azy. Ara-tSoratra, aloha; Soratra, mazava ho azy, aloha. Porofo, ara-tantara, ny fomba rehetra izay tianareo handraisana azy, dia eo amin'ny farany isika, ilay taom-piangonana farany.

¹⁷⁰ Ary, diniho, arakaraky ny nandehanany mandroso no nitomboany mahery kokoa sy mahery kokoa. Ary tahaka an'izany koa, no nitomboan'ilay tena havitsiana kely an'ilay Fiangonana avy tamin'ny fanamarinana, fanamasinana, batisan'ny Fanahy Masina, ary ankehitriny dia eo amin'ny fihavian'ilay Vatosarona, mamolavola ny tenany. Tsy misy rafipandaminana intsony aorian'ity. Tsy hisy intsony. Hitanareeo, tsy mety hisy, hitanareeo, eo amin'ny Andrefana no misy antsika.

¹⁷¹ Mba haneho aminareo fotsiny, amin'ny alàlan'ireo tandindona rehetra ireo sy ny zavatra hafa rehetra. Ary jereo ireo fitetezana telo, sintona telo. Hiditra ao amin'izany isika rahariva, hitanareeo, hitanareeo, ahoana fa eo amin'ny andro farany isika. Izany fotsiny dia...

¹⁷² Ilay m-a-s-o-a-n-d-r-o [Amin'ny teny Anglisy dia s-u-n—Mpand.] dia nanao dia tahaka ny Z-a-n-a-k-a; [S-o-n;] Z-a-n-a-k-a [S-o-n] tahaka ny m-a-s-o-a-n-d-r-o. [s-u-n.] Tonga eo amin'ilay zavatra iray ihany ny fiangonana, avy tao amin'ireo Taom-Piangonana Fito, sy ny sisa. Nitohy nifindra nankany Andrefana avy hatrany ny fandrosoana, ary nitohy nifindra nankany Andrefana mihitsy ilay Fiangonana. Ary ankehitriny raha mandeha lavidavitra noho izay misy antsika ankehitriny isika, dia miverina any Atsinanana indray. Raha miala amin'ny Morontsiraka Andrefana ianareo, dia mandeha miverina avy hatrany any Chine, Japon, miverina avy hatrany indray. Fito arivo maily any am-pita, dia mandeha miverina avy hatrany mankany Atsinanana indray ianareo. Noho izany, dia nihaona ny Atsinanana sy ny Andrefana, izay ihany ny amin'izany. Eo amin'ny farany isika. Tsy misy na inona na inona tavela.

¹⁷³ Ary ilay zavatra iray ihany no nitranga, amin'izao andro izao, izay nitranga tany aoriana tany. Ilay zavatra iray ihany izay nihaona tany Andrefana no nihaona tany Atsinanana. Miala ao amin'ny famirapiratan'ny hazavana iray hafa ny olona izay niezaka tanteraka tokoa ny haneho fa ho tonga ny Hazavana, nefà mandà an'Izany, satria nahazo an'ilay famirapiratana izy ireo raha tokony ho ny Hazavana. Oh! “Ary nisy Hazavana lehibe tao amin'ny tanin'ireo Jentilisa; Zebolona, Naftaly; an'i Galilia, . . . tao Galilia, tanin'ireo Jentilisa.”

¹⁷⁴ Ity no taom-piagonana fahafito. Tsarovy, ary isaky ny manomboka mamiratra io masoandro io any Atsinanana, dia izany ilay masoandro iray ihany izay mamiratra any Andrefana. Ary ilay Fanahy iray ihany izay efa nidina nandrity'reo taona, tahaka an'izany, no ilay Zanaka iray ihany androany. Izao fotsiny, inona izany? Tahaka ny fahamasahana fotsiny, ilay vanim-potoana. Ilay masoandro izay misy ankehitriny, no ho ilay masoandro iray ihany izay manamasaka an'ilay voa amin'ity fararano ity, ity lohataona ity, hitanareo, saingy (inona izany?) izany dia io masoandro io miampy an'izay haha-izy azy. Ary amin'izao andro izao, ao amin'ity taona farany ity, dia izay nahai-izy azy ireo, miampy an'Ity.

Kanefa dia te-hiaina any aoriana any izy ireo, botry kely iray, mandeha midina ao amin'ny bobongolo iray, tranaindy ifangaro- . . . ambany rihana ara-anarana sy fanekem-pinoana, ary misintona midina an'ireo makarakarany, manao hoe, “Mandà ny hahita an'Izany fotsiny aho. Fahadalana izany rehetra izany.” Ary nefà ilay tena Baiboly mihitsy, izay ihamboan'izy ireo fa inoana, dia voatondro amin'ny alalan'ilay Fanahy Masina iray ihany izay mitondra Hazavana amin'ny andro farany!

¹⁷⁵ Efa voamarikareo ve? Ary diniho tsara mihitsy ao amin'ny Malakia, ahoana no nitsinjarany an'izany hoe, “Ny Finoan'ireo ray ho amin'ireo zanaka, ary ireo zanaka ho amin'ireo ray.”

Hitanareo, ilay Fanahy iray ihany izay Nitsanganang tany aoriana tany, izay Itsanganany eto indray, ilay zavatra iray ihany. Hitanareo, mifamadika fotsiny, marina tokoa, miverina mipetraka avy hatrany indray. Satria, nahoana? Nihaona ny Atsinanana sy Andrefana. Eo ambanin'ny tavantsika marina mihitsy tokoa, kanefa tsy hitan'izy ireo izany. Nahoana? Tsy mahagaga raha hoy Jesosy hoe, "Avelao izy ireo hipetraka tsara, arak'izany. Jamba izy ireo, mitarika ny jamba, hilatsaka any ankady izy rehetra."

¹⁷⁶ Nampitaratra an'ity Hazavana ity fotsiny ihany ny hazavan'ireo taona hafa. Hitanareo? Ny masoandro androany dia mampitaratra fotsiny ihany, dia taratry ny masoandro izay hisy amin'ity Jolay na Aogositra ity, raha Andriamanitra... ho an'ny fijinjana. Ary ilay Zanaka, an'i Luther, Martin Luther, sy Wesley, sy Sankey, Finney, Knox, Calvin, Moody, ireo hafa rehetra ireo, ireo lehilahy malaza tany aoriana ireo izay nanana an'ireo hazavana; sy John Smith an'ny fiangonana Batista, sy Alexander Campbell, ilay fiangonana Campbellite, sy ireo mody-antsoina hoe Mpianatr'i Kristy, Fiangonana Kristiana, ary inona koa ireo anarana izay omen'izy ireo ho azy ireny. Ireo lehilahy rehetra tany aoriana ireo, tao amin'ny taonan'izy ireo, dia nampitaratra fotsiny ihany an'izay hisy eto amin'ny farany.

¹⁷⁷ Ary avy eo eto, ireo zanaka, taorian'ireo mpanorina ireo avy hatrany, dia inona no atao'nizy ireo? Tsy nijanona teo amin'ny taho izy ireo. Nisintona lavitra avy tamin'Izany izy ireo ka nanao zavatra akofa kely ho an'ny tenany avy teto. Fa, raha miala lavitra an'ilay tena loharanon'Aina ianareo, dia tsy manana Aina. Raha manala akofa iray avy amin'ilay zavatra ianareo, ka mamboly azy eto amin'ny tany eto, dia handry eo izy ary lò. Ary toy izany koa ianareo, izay miezaka mihinana mana lò avy tany aoriana tany amin'ireo andro ireo.

Masaka ilay vokatra! Manana latabatra iray voavelatra Jesosy, izay ihinan'an'ireo olo-masin'Andriamanitra ny Sakafo masaka an'ilay andro, amin'ny alàlan'ny Hazavan'ny Filazantsara izay manamarina sy manaporofo fa eto Izy androany. Amena. Ireo olo-masina no mihinana ny Mofo.

¹⁷⁸ Eritrereto fotsiny. Ilay akofa tranain'ny omaly, hitanareo, aza mamboly azy eo indray. Lò izy. Izany dia tsy afaka, tsy afaka hijanona miaraka aminy izany. Tsia, tompoko. Tsy hahavita soa izany. Tsy haniry izy. Tsy ao amin'ny Fiainana izy; ary ny Teny no Fiainana. Marina izany. Mihintsana ilay akofa, milatsaka ilay volombava tranainy kely, sy ireo zavatra tahaka an'izany. Manao ny tenany ho anaram-piangonana fotsiny izy ka mihintsana. Mandà ny hanohy handeha miaraka amin'ny Fiainana izy.

Fa ny Hazavana no manamarina an'Izany. Oh, oadray! Eny, tompoko.

¹⁷⁹ An'ny omaly, oh, oadray, toy ny ahoana no tokony hahitantsika an'izany! Hitanareo, izany, ireo zavatra lò an'ny omaly, aza mihinana azy ireny androany. Hitanareo? Misy kankana ao anatiny. Fantatrareo ve ireo olitra kely izay iantsoako azy ireny? Tsy fantatro. Izaho—tsy mahafantatra betsaka mikasika ny fiainan'ny mikraoba aho, saingy fantatro fa izahay dia miantsao azy ireny foana hoe olitra. Miditra ao amin'ny zavatra rehetra izy rehefa lasa lò kely izany. Hitanareo? Tsy mila an'izany aho arak'izany. Raha afa-po amin'izany ianareo, dia mandrosoa, fa tsy izaho. Fa tsarovy . . .

Hoy ianareo hoe, “Noho izany dia nahoana ilay izy no tsara omaly?”

¹⁸⁰ Raha fantatrareo fotsiny mantsy fa ilay tena hodi-javatra kely mihitsy izay teo amin'ilay vary tany amin'ny voalohany, raha mitoetra ao anatin'ilay voa izy, dia izany no manao an'ilay voa hiha-lehibe. Izany ilay tena zavatra izay manao an'ilay vary hamony, dia izany ny omaly; fa raha manasaraka ny tenany amin'ilay voa izy, ka tsy masaka, amin'izay fotoana izay dia miala izy. Hitanareo? Fa raha mandalo amin'ilay dingana izy, an'ny dingana manome aina, raha maty izy dia mitsonika fotsiny ao anatin'ny zavatra hafa ka manao an'ilay voa. Raha tsy izany, dia avy aiza izy? Amena. Azonareo ve ilay izy? [Hoy ny fiangonana hoe, “Amena.”—Mpand.]

¹⁸¹ Tahaka an'ilay Mpanjakavavin'i Angletera, indray mandeha, nandeha nankany amin'ny orinasa mpanao taratasy malaza iray izy, ary nilaza izy fa te-hahita eo amin'ireo fikosohana taratasy. Noho izany dia nasehon'izy ireo azy ireo fikosohana taratasy, taona maro talohan'ny nandehanan'izy ireo nanao an'izany tao anatin'ny rihitra sy ny karazany, noho izany izy ireo dia nahita . . . nanao taratasy avy tamin'izany. Noho izany izy ireo, eny, afaka kelikely, dia niditra tao amin'ny efitra iray izay tsy nisy na inona na inona afa-tsy antontam-borodamba maloto ratsy goavana izy, ka hoy izy hoe, “Avy taiza ity? Inona ity? Oh,” hoy izy.

Ilay—ilay—hoy ilay filohan'ny orinasa hoe, “Ity no—no hanaovanay ny taratasy, ireto vorodamba maloto ireto.”

Hoy izy hoe, “Ity ve, no anaovana taratasy?”

“Eny.” Noho izany dia zara izy raha afaka nino an'izany.

¹⁸² Noho izany rehefa lasa izy, dia nalain'ilay lehilahy ilay antontam-borodamba maloto iray ihany, ary nampandaloviny tao amin'ny dingana anankiray izy ireo, ka namoaka azy ireny ho taratasy madio, mangarangarana iray, fantatrareo, nandalo tamin'ny dingana iray ka nanao tena . . . Ary nametraka ny mombamomba azy tao anatin'izany, ka nandefa an'izany ho azy, nampitaratra ny tenany tao anatin'io izay nantsoiny io hoe “vorodamba maloto.”

¹⁸³ Ankehitriny izany ilay izy. Ireo zavatra maty an'ny omaly, ny hafatr'i Luther, ny hafatr'i Wesley, ny hafatry ny Pentekosta, raha afaka mandalo fotsiny an'ilay dingan'ny Fanahy Masin'Andriamanitra sy ny Tenin'ny fanamarinana mantsy izany, dia hamokatra ny taratr'i Jesosy Kristy, ilay Mpanjaka. Amena. Fa raha avelanareo hipetraka izany, dia vorodamba maloto. Hitanareeo?

¹⁸⁴ Tsy maintsy voalasitra ao anatin'ny zavatra hafa izany. Tsy maintsy voalasitra tao anatin'i Wesley i Luther, ary i Wesley dia tsy maintsy voalasitra tao anatin'ny Pentekosta, ary ny Pentekosta dia tsy maintsy voalasitra tao anatin'i Kristy. Mandalo amin'ny dingana iray izany. Toy izany no nandalovan'ny Filazantsara dingana iray. Eo ampanaovana dingana izany. Ny taonan'i Luther, an'ny fanamarinana, mino an'izany isika; ny an'i Wesley, an'ny fanamasinana, mino an'izany isika; ny an'ny Pentekotista, an'ny famerenana an'ireo fanomezam-pahasooavana, ho an'ny Fanahy Masina, mino an'izany isika, izany tokoa. Saingy, lasiro miaraka izy rehetra, inona no avoakanareo avy amin'izany? Jesosy, marina, ilay tsy miova omaly, anio, ary mandrakizay. Oh! Hivoaka miaraka amin'i Jesosy izany.

¹⁸⁵ Rehefa manao lakolosy iray ny lehilahy anankiray ao amin'ny fandrendreham-by iray, manana feo anankiray izay tsy maintsy apetrany ao anatin'izany izy. Rehefa mametraka ny lasitrany izy ka mandraraka ny viny, dia mametraka varahina betsaka ao izy, vy fotsy betsaka, varahina mena betsaka. Nahoana? Fantany marina tokoa hoe firy no apetraka ao, mba hanaovana, mba hanome azy an'ilay feo marina.

Ary izany no nataon'i Jesosy tamin'ny alàlan'Ny Ampakariny. Tsy maintsy nametraka Luther betsaka Izy, Metodista betsaka, ary Presbyterana betsaka, Pentekosta betsaka, tao anatin'izany. Fa inona no Avoakany amin'izany? Ny tarany Manokana.

Inona izany? Tahaka ny Hafatry ny pyramida fotsiny, hitanareo, mivangongo avy hatrany izany, ity, tonga ao amin'ny havitsiana, miaraka amin'ilay Vatotendro. Ny asampanompoan'i Jesosy Kristy, eto an-tany, dia tsy maintsy mitovy amin'ilay asam-panompoana izay Nananany, raha tsy izany dia tsy afaka ny ho tonga eo amin'izany Izy. Tahaka ny loha fotsiny, amin'ny tongotra. Ny loha... Ny tongotra dia tsy ny loha, saingy ny loha no mitondra ny tongotra, na manao ny tongotra, miteny aminy an'izay handehanana. Azonareo ve ilay izy? [Hoy ny fiangonana hoe, "Amena."—Mpand.] Tena mahafinaritra, izany no Hazavan'ny ora.

¹⁸⁶ Wesley dia Hazavana lehibe iray. Tahaka ny Nolazainy tamin'i Jaona Mpanao-batisa hoe, "Izy no Hazavana lehibe iray ho an'ny orany." Azo antoka, izany izy.

¹⁸⁷ Tsia. Eny, tompoko, ireo vorodamba madio...Na, ireo vorodamba maloton'ny omaly, raha mijanona ho tahaka an'izany ianareo, izany dia...ho lasa vorodamba maloto foana mihitsy izany. Nahatanteraka ny tanjony izy, tamin'ny maha-akanjo, fa ankehitriny dia lasa taratasy izy.

Nahatanteraka ny fotoany ny fanamarinana, tao amin'ny fanamarinana teo ambanin'i Luther, avy eo dia tsy maintsy lasa fanamasinana izany tamin'ny alalan'i Wesley. Ary nahatanteraka ny fotoany ny fanamasinana, mandra-pahatonga azy ho lasa batisan'ny Fanahy Masina. Ary nahatanteraka ny fotoany ny batisan'ny Fanahy Masina; mandra-pahatongan'ny Fanahy Masina (satria, Andriamanitra anankiray ihany no misy) hitsonika ao anatin'ny Fiagonana, ary ny Fiagonana ao anatin'i Kristy, ary izany no manao an'i Jesosy Kristy ho voataratra eto an-tany, izay Nampanantenainy ato amin'ny Baiboly. Mety tsy mino an'izany ianareo; tsy manao anareeo hanao an'izany aho. Tompon'andraikitra amin'ny Teny fotsiny ihany aho. Hitanareo? Marina izany.

¹⁸⁸ Noho izany dia hitanareo ve ilay izy? Hitanareo ve izany? Raha hitanareo, izany dia ho tahaka an'ilay—ilay lehilahy indray mandeha izay nandeha nankany...nandritry, nandeha nankany Galles, nandritry ny fotoan'ny fifohazana Gallois. Nandeha ny andian-dehilahy iray avy any Etazonia. Noho izany dia mandeha izy ireo, ka nilaza izy ireo fa naniry ny hahita hoe tao amin'ny tranobe inona no nanaovan'izy ireo an'io fifohazana Gallois io. Maro aminareo no mahatsiaro an'ilay fifohazana Gallois, fifohazana lehibe nipoaka teo anivon'ireo—ireo vahoaka Gallois tany Galles. Noho izany ireto lehilahy ireto, ireto mpitoriteny goavana be ireto, sy ny sisa, dia nandeha avy tany Etazonia, ireo mpampianatra momba an'Andriamanitra. Te-handeha tany izy ireo ka hahita hoe zavatra malaza toy ny inona no nataon'izy ireo, fantatrareo.

Noho izany dia nandeha teny an-dàlambe izy ireo, ka hoy izy ireo hoe...nihaona tamin'ny polisy antitra kely iray izy ireo nijoro teo amin'ny sisin-dàlana, nanodinkodina ny langilanginy, fantatrareo, ary nisiotsioka hi—hira fiderana iray, tahaka an'izany. Hoy izy ireo hoe, “Eny, misiotsioka hira fiderana iray fotsiny izy. Afaka manatona isika, ka hahita azy, hahita hoe inona no hataony. Nahoana, ametraho fanontaniana iray izy.”

Noho izany dia nanatona azy izy ireo, ka nanao hoe, “Tompoko, aiza no misy an'ilay fifohazana Gallois?”

¹⁸⁹ Nanala ny satrony izy; hoy izy hoe, “Tompokolahy, ny fifohazana Gallois dia atao ato,” ao am-pony. Oh, izay ilay izy, izy no fifohazana Gallois.

O Andriamanitra, raha afaka fotsiny mantsy isika—hahazo fotsiny fa isika no taratr'i Jesosy Kristy, Ny Teniny tonga voaseho. Ianareo no taratry Ny Teniny. Hitanareo?

“Aiza no atao ny fifohazana Gallois? Ao amin’ny tranobe inona no misy azy?”

Hoy izy hoe, “Tompoko, ato am-poko no misy azy.” Izy no fifohazana Gallois. Marina izany.

¹⁹⁰ Ary amin’izao andro izao dia ilay Fiagonana no tokony ho Jesosy Kristy miasa eto ambonin’ny tany. “Satria velona Aho, dia velona koa ianareo; ary Ny Fainako no ho ao anatinareo. Ireo asa izay Ataoko, no hataonareo koa.” Hitanareo? Ilay Fiagonana dia tsy maintsy tonga eo amin’izany toerana izany, ihany koa. Ary Izy no nampanantena fa hataony izany, ary hataony. Tsy maintsy tahaka an’izany no ahatongavany. Noho izany, hitanareo, izany no miseho. Isika, tsy maintsy ho tahaka an’izany isika.

Izy no Hazavana.

¹⁹¹ Toy izany koa i Noa ilay Hazavana tamin’ny androny. Izy no Hazavana. Noa io Hazavana io. Izy no Hazavana ho an’ny inona? Mba hanao ny Tenin’Andriamanitra hoe, “Handrava ny olona eny ambonin’ny tany Aho, izay Noforонiko. Manamboara sambofiara iray, ka ny rehetra izay maniry ny hiditra ao anatin’izany dia ho voavonjy.”

Nandeha teo i Noa, nanao hoe, “Fomba tokana ihany no misy, ary izany dia ny sambofiara.”

¹⁹² Hoy izy ireo hoe, “Ilay fanatika antitra adala.” Izy no Teny tonga voaseho. Noa no Hazavan’ny ora, azo antoka fa izany. Ny androny, ny taonany, izy no namoaka ny Hazavana.

¹⁹³ Mosesy no Hazavan’ny orany. “Azo antoka fa hamangy anao Aho,” hoy Andriamanitra tamin’i Abraham. “Hidina Aho, ary hamoaka ny Oloko Aho, amin’ny tānana mahery, ary Hasehoko ao Egypta ny Heriko.”

Ary rehefa nihaona tamin’io roimemy nirehitra tany io i Mosesy, ka nahita fa ilay IZAHO NO IZY no tao anatin’io kirihitra io, dia nandeha nidina tany i Mosesy, ary izy no Hazavana. Amena. Tsy mahagaga raha afaka naka vovoka vitsivitsy izy, ka nitsoka an’izany ary nanao hoe, “Aoka hisy parasy eto ambonin’ny tany.” Nanana ny Tenin’Andriamanitra izy. Inona no nitranga? Nanomboka nitsoka ny vovoka, ka nanomboka tonga teo amin’ny fisiana ireo parasy. Haleloia! Nahoana? Izy no fanehoana an’ilay Hazavan’ny Tenin’Andriamanitra hoe, “Hamely an’i Egypta amin’ny loza Aho.” Mpaminany iray izy. Izay nolazainy dia niseho. Izy no Hazavan’izany andro izany. Izy no Hazavan’Andriamanitra.

¹⁹⁴ Afaka nahazo ny zavatra rehetra izay tiany ho azo i Farao, sy ny sisa tamin’izy ireo, nahazo an’izay tiany ireo

mpisorona rehetra, saingy i Mosesy no Hazavana. Nahoana? Izy no naneho ny Tenin'Andriamanitra, voaseho. Nampanantena Andriamanitra hoe, "Izaho no hamoaka azy ireo, eo ambanin'ny tānana mahery, ary haka ny voninahitra ho an'ny Tenako Aho." Izany no Nataony.

Izany no antony nanaporofoin'i Mosesy fa afaka namorona izy. Tsy satria hoe izy no te-hamorona; satria Andriamanitra no niteny taminy mba hamorona. "Ary miaraka amin'izany, 'Mandehana mankeo amin'ny fiangonana, manaova hoe, "Rahampitso...'" Vao avy niteny tamiko ny Tompo Andriamanitra hoe, 'Makà vovoka eran'ny tānana ka atsipazo eny amin'ny lanitra izany, tahaka an'izao, dia antsoy izany.' Tsy misy anankiray eo, saingy ho eo izany." Amena!

Oh, manantena aho fa tsy matory ianareo. Oh! [Mitehaka ny tānany indray mandeha Rahalahy Branham—Mpand.] Fanehoana!

¹⁹⁵ Hoy izy hoe, "Nirahina aho. Nilaza tamin'ireo razantsika Andriamanitra, azo antoka fa hamangy antsika eto ambany eto Izy ary hamoaka antsika. Tonga aho hanaporofo aminareo fa antomotra ny ora. Avelao izay anananareo. Ndao isika handeha!" Eny.

¹⁹⁶ Hoy ny sasany tamin'izy ireo hoe, "Eny, mino aho..." Hoy i Datana hoe, "Tsy mino aho fa misy mahamaika mihitsy. Tsy tokony ho taitaitra mikasika an'izany isika rehetra." Ary toy ny hoe tsy nahomby ilay izy, in-efatra na indimy. Fa, mitovy ihany, nandroso izany.

¹⁹⁷ Nieritreritra izy ireo. Nivoaka izy ireo ka nanao hoe, "Hotorahantsika vato i Mosesy! Esory hiala amintsika izy! Tsy mila azy isika ao amin'ny—ny vondrantsika eto."

Nandroso avy hatrany fotsiny i Mosesy, na ahoana na ahoana, satria izy no Fiainana, izy no Hazavan'ny ora. Izay nananany, inona izany? Andriamanitra maneho Ny Teniny nampanantenaina tamin'ny alàlan'i Mosesy, ary Mosesy no Hazavana.

¹⁹⁸ Elia no Hazavana. "Mandehana any ka mipetraha eo ambonin'io havoana io! Efa nandidy an'ireo goaika Aho hamahana anao." Amena! Eny, tompoko.

¹⁹⁹ Niverina nidina izy niaraka tamin'ny HOY NY TOMPO HOE. "Tsy hisy ando akory aza hilatsaka avy any An-danitra raha tsy izaho no miantso azy." Amena! "Afaka mamiratra ny masoandro, afaka miantso an'ireo rahona rehetra ianao, sy manao ny zavatra rehetra izay tianao, saingy tsy hisy ando akory aza ho tonga raha tsy izaho no miantso azy." Inona izy? Ny Hazavana! Haleloia! Izy no Hazavana. Ny Hazavana! Izy no Tenin'Andriamanitra tonga voaseho.

²⁰⁰ Nihevitra izy ireo fa adala izy, nipetraka teo. Nanana mpitonдра izy namahana azy; fa izy ireo matin'ny hanoanana. Te-hiaina tao amin'ireo fombafombany izy ireo; mandrosoa. Tsy i Mosesy, na tsy i Elia, niaina tao amin'ny Hazavana mihitsy izy. Nipetraka teo akaikin'ilay renirano kely, Kerita, ka nanana fotoana tsara iray fotsiny; nanana sakafo, ary olona iray nikarakara azy, sy ny sisa. Nihevitra izy ireo fa adala izy, saingy izy no—izy no Hazavana.

²⁰¹ Hoy izy ireo hoe, “Hey, lasa inona ilay holy-roller antitra nananantsika nanodidina teto? Eny, mba fantatrareo moa? Nisy olona iray nihaza indray andro, ka nilaza fa nahita azy nipetraka teo akaikin’ny lālana, tany ambonin’ny tendrombohitra ambony tany. Mifanamby aho efa saiky maina io mpikapa hazo antitra io, amin’izao fotoana izao.” Oh, tsia. Izy no Hazavana. Izy no Hazavana. Izy no Hazavan’Andriamanitra, tamin’ny androney.

²⁰² Jaona, rehefa tonga teto an-tany izy, dia nandeha nankany an-efitra mba hahazo ny fianarany avy tamin’Andriamanitra, tsy ny seminera. Izy no tsy maintsy nampahafantatra ny Mesia. Noho izany rehefa niseho izy, dia hoy Jesosy hoe, “Izy no Hazavana mazava sy mamiratra iray.” Haleloia! Nahoana? Izy no Teny voaseho.

Isaia no niteny an’izany. Izay ilay izy. Marina izany. “Handefa feo iray any an-efitra Izy, hiantsoantso, hanao hoe, ‘Amboary ny lālana ho an’ny Tompo, ary ataovy mahitsy ny Vavahadiny, ataovy mahitsy ny lālana.’ Hiantsoantso izy, anankiray... feon’ny anankiray miantsoantso any an-efitra.” Indro niseho izy. Inona izy? “Ny feon’ny anankiray miantsoantso any an-efitra.”

Inona izy? Fanehoana ny Teny, Hazavana. Ilay Andriamanitra iray ihany izay niteny tao amin’ny Genesisy; izay niteny an’io, ka indro tonga ny Hazavana. Tahaka ny Nilazany hoe, “Aoka hisy mazava, ho an’ny masoandro,” dia tonga teo amin’ny fisiana ny masoandro; voalaza fa Izy dia nilaza fa hisy “feon’ny anankiray miantsoantso any an-efitra,” dia indro niseho izany. Izany no Hazavan’ny ora.

²⁰³ Nilaza koa Izy, amin’ny andro farany! Amena! Izany no Hazavan’ny ora, miantsoantso any an-efitr'i Babylon'a hoe, “Mivoaha avy ao aminy, ry Oloko, mba tsy ho mpandray anjara amin’ny fahotany ianareo. Aza mikasika ny zava-malotony! Mialà lavitra an’izany! Mandosira ny fahatezerana izay ho avy!”

²⁰⁴ Nilaza an'ilay zavatra iray ihany i Jaona. “Mipetraka eo amin’ny fototry ny hazo ny famaky.” Tsy nanana fianarana iray izy, tsy niresaka tahaka ny mpitoky teny iray akory aza. Niresaka mikasika ny menarana izy, sy tsorakazo, sy hazo, ary famaky, sy ny sisa, izay nahazatra azy, tany an-efitra. Tsy notezaina tao amin’ny iray tamin’io karazan-javatra malaza, goavana, tsara izay ananan’izy ireo amin’izao andro izao io izy,

tahaka ny nananan'izy ireo tamin'izany andro izany. Nivoaka niaraka tamin'ny fiteniny manokana izy. Tsy nitsangana izy ka nanao hoe, "Ah-man," ary manao an'ireo fiondrehana hafa kely rehetra ireo. Nivoaka avy hatrany izy, avy tao an-efitra, henjana sy masiaka. Hoy izy, "Aza manomboka mieritreritra hoe, 'Izaho mikambana amin'ity ary izaho mikambana amin'itsy.' Andriamanitra dia mahay manangana zanaka ho an'i Abrahama avy amin'ireto vato ireto."

²⁰⁵ Aza mihevitra ianareo hoe satria Metodista, Batista, Presbyterana ianareo, dia manana an'Andriamanitra. Andriamanitra dia mahay maka an'ireo mpanao toaka sandoka sy mpijangajanga eny an-dàlambe, manao zanak'Andriamanitra avy amin'izy ireny. Hisy olona iray handre an'Izany, ary hisy olona iray hino an'Izany.

²⁰⁶ Izy dia nilaza, ihany koa hoe, "Mipetraka eo amin'ny fototry ny hazo ny famaky. Ka ny hazo rehetra izay tsy mino, dia kapaina ary atsipy ao anaty afo." Koa izany no hafany. Izy no Hazavan'ilay andro.

²⁰⁷ Hoy Jesosy hoe, "Izy no Hazavana mazava sy mamiratra iray, ary naniry nandeha tao amin'izany vetivety ianareo."

²⁰⁸ Ary inona no nolazain'i Jaona, ilay mpaminany? "Mitsangana eo anivonareo Izy izao ankehitriny izao. Tsy mendrika ny hamaha ny Kirarony aho. Ary vantany vao tonga eo amin'ny sehatra Izzy, dia lasa aho." Oh, oadray! Satria, Izzy no Hazavana.

Tsy misy Hazavana roa na telo, tsy misy rafi-pandaminana efatra na dimy samihafa. Hazavana anankiray no nisy. Tsy misy Metodista, Batista, Loterana, Presbyterana. Kristy no Hazavana, ary ny Hazavana no Fiainana. Ary ny Teny voaseho no Hazavan'ny ora.

²⁰⁹ "Aoka hisy mazava, dia nisy mazava." Eny, tompoko. "Aoka hisy Mazava," dia misy Mazava! Niteny Izzy fa hisy Hazavana amin'ity andro ity, dia misy Hazavana. Ho avy Izzy. Mino an'izany aho. Jereo ireo teny fikasana an'ity taona ity. Oh, oadray!

²¹⁰ Ny Hazavana rehetra izay hany namiratra, ireo taompiangonana, hitantsika hoe ahoana izy ireo... Izany—efa fahitana mampalahelo ny mahita, ny fandàvana. Apokalypsy 3, noraisiko naoty eto, Apokalypsy 3, ary fantatro hoe inona—amin'ny inona no itodihako arak'izany.

²¹¹ Jereo ny teny fikasana an'ity ora ity, izay iainantsika; Hazavana iray nolavina. Inona no nataon'izy ireo? Nolavin'izy ireo Izany tany aoriana tany. Nahoana? Niaina tao amin'ny famirapiratana iray izy ireo. Inona no ataon'izy ireo amin'izao andro izao? Zavatra mitovy.

²¹² Eny, ianao—Kristiana ve ianao? "Loterana aho. Batista aho. Presbyterana aho."

Tsy midika zavatra iray izany. Afaka milaza fotsiny hoe ianareo dia “kisoavavy, kisoalahy,” na zavatra hafa izay tianareo iantsoana ny tenanareo. Hitanareo? Izany, saiky hatreо ihany no dikan’izany. Ankehitriny tsy—tsy hoe tsy miraharaha anareo, fa raha raisinareo amin’ny ampahany ara-pototra izany, dia marina ilay izy.

Nametraka an’ilay fanontaniana aho hoe, “Kristiana iray ve?” Izany dia Kristy ao anatinareo. Ary raha Kristy no ao anatinareo, amin’izay fotoana izay dia ny Teny no ao anatinareo. Ary noho izany raha ny Teny no ao anatinareo, rehefa mamiratra ny Hazavana, dia ahoana no andehananareo any ivelan’Izany? Hitanareo, izany ilay fanontaniana. Izany ilay ao anatiny ankehitriny, ny Hazavana. Mamiratra ny Hazavan’ny hariva. Mamony ilay Hazo Ampakarina.

²¹³ Oh, tsarovy, nokapain’izy ireo io Hazo tranainity io. “Ka izay sisan’ny valalavao, dia nohanin’ny kijeja; ary izay sisan’ny kijeja, dia nohanin’ny sompanga.” Izay sisan’ny Metodista, dia nohanin’ny Batista; izay sisan’ny Batista, dia nohanin’ny Pentekotista. Hoy Izy hoe, “Io Hazo io dia,” Joela eo, “dia nokapaina tanteraka ho lasa vodihazo iray,” saingy te-hahafantatra izy raha ho velona indray izany. Oh, hia! Notehiriziny io Hazo io. Notehiriziny io Hazo io, eny, tompoko, satria Ny Ampakariny izany.

Ary hoy Izy hoe, “Izaho no hamerina,’ hoy ny Tompo.” Inona izany? “Izaho no hamoaka azy, izay rehetra nohanin’ny Loterana, sy nohanin’ny Wesleyana, ary izy rehetra ireo. Ary Izaho no hamerina azy, satria izany rehetra izany dia mbola ao anatin’ny fakan’ilay Hazo foana.” Hitanareo?

Mandry ao anatin’ny tany izany. Tahaka an’ilay tsiron-kazo izay nandeha nidina fotsiny, araka ny nolazaiko mikasika an’ilay anabavy, mandry ao izany. Ary hitsoka ny trompetran’Andriamanitra, indray andro any, ka ireo Loterana voafidy ireo, Metodista, Batista, izay tsy nisy nidiранy tamin’ny rafi-pandaminana iray . . .

²¹⁴ Tsy nandrafitra na inona na inona mihitsy i Luther. Tsy nandrafitra na inona na inona mihitsy i Moody. Io vondron’ny Ricky io, taoriany, no nanao an’ilay rafi-pandaminana, naka an’ilay akofa. Tsy nandrafitra na inona na inona i John Smith. Tsy nisy iray tamin’ny sisa tamin’izy ireo nandrafitra; izany no Hazavan’ilay ora. Luther, Wesley, na ny iray tamin’ny sisa tamin’izy ireo; ilay vondrona taty aoriana, izay tonga, no nanao an’ilay rafi-pandaminana.

²¹⁵ Tsy nandrafitra na inona na inona mihitsy ny Fanahy Masina tamin’ny Pentekosta. Ny Pentekosta dia fahatsapana iray, fa tsy anaram-piangonana iray. Tsy nandrafitra na inona na inona mihitsy Izany. Oh, tsia. Fa ilay olona izay nihambo ho pentekosta, no nandrafitra an’izany. Izany ilay akofa tany,

teo am-pahafatesana. Raha tokony nanao printy an'ilay izy tao amin'ilay taratasy, ka nanao ny sary fenon'i Jesosy Kristy hivoaka; tsia, nisintona ny tenany hivoaka izy ireo, noho izany dia tsy misy idiran'izy ireo amin'Izany. Avelao fotsiny izy ireo hipetraka tsara.

²¹⁶ Fa mahita isika ankehitriny, io Hazavana io, io Hazo io, Kristy, dia nolavin'ny fiangonana indray. Nahoana? Ho an'ilay antony iray ihany izay nanaovan'izy ireo azy tany amin'ny voalohany, ireo famirapiratana sandoka tranaiby an'ireo hazavan'ny andro hafa. Ary "Izy no tsy miova omaly, anio, ary mandrakizay." Hebreo 13:8 no milaza fa izany Izzy. Izzy no tsy miova androany tahaka ny naha-izy Azy tamin'izany, satria manao an'ilay zavatra iray ihany izay Nataony Izzy. Ilay Teny iray ihany, hoe Kristy . . .

²¹⁷ Henoy, te-handray anareo fotsiny aho ankehitriny, ka aoka ho manokana ity. Tsy fantattro, izaho dia somary . . . -nanapakevitra na hamono an'ity ankehitriny na tsia, hitanareo, ho an'ilay horonam-peo. Havelako hipetraka eo fotsiny ilay izy. Hitanareo? [Mifaly ny fiangonana—Mpand.]

²¹⁸ Te-hanontany zavatra aminareo aho. Jereo, diniho ity. Hitanareo, "Izy no tsy miova omaly, ary mandrakizay." Diniho. Ireo Asany, izay Nataony, maneho ny tenany. Henoy tsara ankehitriny. Rehefa nitsangana teo Izzy, ao amin'ny Jaona 14:12, dia hoy Izzy hoe, "Ireo asa izay Ataoko no hataonareo koa. Hanao lehibe kokoa noho izany ianareo, satria Aho mankany amin'Ny Raiko." Ankehitriny, Izzy no nilaza an'izany. "Ny lanitra sy ny tany ho levona, fa ity Teny ity tsy ho diso mihitsy." Ankehitriny raha eo amin'ny fiafarana faran'ilay taona isika, dia aiza ireo "asa lehibe kokoa" ireo no ho tonga? Hitanareo? Eto isika. Isika tsy manana . . .

²¹⁹ Henoy, raha marina ny alimanaka Romana, isika dia manana -enina . . . manana enina amby telopolo taona tavela isika. Isaky ny roa arivo taona, dia tonga eo amin'ny fiafarany izao tontolo izao. Ireo roa arivo taona voalohany, noraván'ny rano; roa arivo taona faharoa, tonga Kristy. Ity no 1964 izay manatona; enina amby telopolo taona. Ankehitriny, ny alimanakan'ny kintana Egyptiana dia milaza fa tara fito ambin'ny folo taona isika, "efa mihoatra fito ambin'ny folo taona amin'izany izao," hamela sivy ambin'ny folo taona izany.

Hoy Jesosy hoe, "Hafohezina ny asa, nohon'ny amin'ny Voafidy, fa raha tsy izany dia tsy hisy nofo ho vonjena." Aiza no misy antsika?

²²⁰ "Ireo asa izay Ataoko no hataonareo koa. Karazana iray ihany, saingy lehibe kokoa, no hataonareo." Diniho ankehitriny. Henoy tsara. Apetraho ny . . . Mivavaka aho mba hanokafan'Andriamanitra ny fonareo sy ny sainareo, mba

hahazo, mba hahazoanareo ka tsy ilazana fa tafahoatra ilay izy eto. Mariho. Nilaza Izy indray andro . . .

Ndao isika hijery ny sasany amin'ilay asa "lehibe" izay Nataony. Ndao isika hijanona fotsiny eo amin'ireo zavatra vitsivitsy. Ndao isika hieritreritra.

Indray mandeha, hoy Izy hoe, "Omeo zavatra hohanina izy ireo."

Hoy izy ireo hoe, "Tsy manana na inona na inona izahay."

Hoy Izy, "Inona no anananareo? Ento aty Amiko izay anananareo."

Dia hoy izy ireo hoe, "Manana mofo hordea dimy sy trondro roa izahay."

Hoy Izy hoe, "Ento aty Amiko izy ireo."

²²¹ Dia naka ireo mofo hordea dimy tany am-boalohany Izy ka nanomboka namaky an'ireo mofo. Ary, avy any amin'ilay tany am-boalohany, no Nanaovany mofo. Izany dia nahavoky dimy arivo. Marina ve izany? [Hoy ny fiangonana hoe, "Amena."—Mpand.] Avy eo dia nilaza Izy, ary naka trondro iray Izy hoe, "Atolory Ahy ilay trondro." Trondro iray izany, teo ampanombohana. Dia nanao Izy, tamin'io trondro io, trondro hafa iray ary trondro hafa iray, ka nahavoky dimy arivo. Marina ve izany? ["Amena."]

Fa amin'ny andro farany dia tsy nanana na inona na inona Izy. Niteny fotsiny Izy, ka nanao hoe, "Lazao dia hisy izany," ary nisy izany, tsy nisy na inona na inona tao amin'izany. Tsy nanana vontsira iray mihitsy Izy; tsy nisy anankiray teo. Nilaza fotsiny Izy hoe, "Aoka hisy," dia nisy teo. Hitanareo? Oh, tsy mety diso Ny Teniny, ary tsy maintsy tanteraka Izany.

²²² Afaka miteny an'ireo zavatra izay hanaitra anareo aho. Hitanareo? Misy izany rehefa Izy no milaza fa misy izany. Avelao Izy no hilaza an'ilay izy. Hitanareo, marina tokoa.

²²³ Hitanareo, ny Atsinanana, niverina any aoriana ny Andrefana eto ka nihaona tamin'ny Atsinanana. I Mosesy, naka fasika mihitsy aza, ka nanao hoe, "Aoka hisy parasy," sy ny sisahaka an'izany, "eto ambonin'ny tany." Fa amin'ity andro farany ity dia tsy maka na inona na inona Izy; hitanareo, ny Teny fotsiny. "Aoka hisy," dia misy izany. Izay voalaza, dia ho tahaka an'izany ilay izy.

Te-hijoro vavolombelona mikasika ny sasany amin'ireo zavatra ireo aho rahariva, hitanareo, hitanareo, ny amin'izay nitranga, mba ahafahanareo mahita fa mbola Andriamanitra foana Izy. Ireo Teniny dia tsy mety . . .

"Ireo asa izay Ataoko no hataonareo koa, ary lehibe kokoa noho izany no hataonareo. Naka trondro iray Aho mba hanao trondro iray; ianareo tsy mila manana trondro iray akory

aza.” Hitanareo? Mbola Andriamanitra foana Izy, mbola ilay Zanaka tsy miova foana. Ilay Zanak’Andriamanitra iray ihany izay nanao trondro iray avy tamin’ny trondro iray, izany ilay Zanak’Andriamanitra iray ihany androany. “Ireo asa izay Ataoko no hataonareo koa. Lehibe kokoa noho izany aza no hataonareo.” Ho malaza izany, “Lehibe kokoa noho izany no hataonareo.” Nefa mandà tsy hahita an’izany ny olona. Hah! “Asa lehibe kokoa!”

²²⁴ Hazavana sandoka iray. Fantatrareo, nieritreritra zavatra iray fotsiny aho. Niresaka betsaka mikasika an’i Angletera aho, fa nieritreritra aho mikasika ny hazavana sandoka iray. Teto vao tsy ela akory izay, ianareo dia mahatsiaro an’ilay fandrobana lehibe indrindra izay—izay hany nananan’i Angletera, izay vita. Fangalarana mitam-piadiana fito tapitrisa dolara ilay izy. Tsy mihevitra aho fa efa mba nisy zavatra iray teto amin’izao tontolo izao ampitahaina amin’izany. Fangalarana mitam-piadiana lehibe iray, vao tsy ela, fito tapitrisa dolara, na dia Scotland Yards aza tsy afaka mahazo an’izany.

Fantatrareo ve hoe ahoana no nanaovan’izy ireo an’izany? Tamin’ny alàlan’ny jiro sandoka iray. Nametraka jiro iray teo amin’ny lâlamby izy ireo, fampitandremana, mandrapahatongan’ilay izy ho lasa jiro mena iray, ka nampijanona azy ireo. Ary teo no niseho ilay fandrobana, teo amin’io toerana io mihitsy. Jiro sandoka iray no nahavita ny fandrobana lehibe indrindra izay hany fantatr’ireo firenena. Nandroba an’ireo firenena izany. Ny fangalarana mitam-piadiana lehibe indrindra, fandrobana lehibe indrindra, dia vita tamin’ny alàlan’ny jiro sandoka iray izany.

²²⁵ Ary ny fandrobana lehibe indrindra izay hany nananan’ny fiangonan’Andriamanitra dia jiro sandoka iray, famirapiratana iray, ny anaram-piangonan’izy ireo. Izany no nandroba ny herin’ny Fanahy Masina tamin’izy ireo. Izany no nanaisotra an’ilay tena lâlan’Aina tamin’ny fiangonana. Izany no nandroba ny Teny tamin’izy ireo, rehefa nanaiky fanekekem-pinoana iray izy ireo raha tokony ho ny Teny. Izany no nandroba azy ireo.

Oh, mihambo ho manana ny Teny izy ireo. Ny Teny Izy tenany dia velona ho an’ilay taona; mampahafantatra ny Tenany Izy. Izy ireo dia mihambo fa nanana ny Teny, ihany koa, tany aoriana tany tamin’ny andron’i Jesosy. Saingy Izao no voalaza hoe, “Nahita Hazavana lehibe izy ireo,” nefä nolavin’izy ireo Izany. Hitan’izy ireo Izany, nefä nolaviny Izany.

²²⁶ Oh, jiro sandoka, eny, ny fandrobana lehibe indrindra izay hany nananany no vidin’izany ho an’ilay fiangonana. Ireo fanekekem-pinoana ara-anaram-piangonana mangatsiaka, rahalahy, dia tsy hanamasaka ny Teny voamarina, voa iray. Nilaza ny Baiboly, hoy Jesosy hoe, “Ny Tenin’Andriamanitra dia—dia Voa iray izay nafafin’ny mpamafy iray.” Hitanareo? Tsy

hanamasaka an'io Teny io ireo fanekekem-pinoana mangatsiaka. Tsia, tsia!

Tsy hanamasaka ny vary ireo andro misy tafio-drivotra mangatsiaka. Tsia, tokoa! Mila ny hafanan'ny hazavan'ny masoandro izany, satria amin'ny Tenin'Andriamanitra voambara no tsy maintsy anaovana zavatra iray tahaka an'izany.

Ary hila ny Tenin'Andriamanitra voambara, amin'izao andro izao, ny haneho amin'ireo olo-masin'Andriamanitra fa velona Jesosy Kristy. Tahaka Azy omaly mihitsy, no maha-izy Azy androany. Tsy hanao an'izany mihitsy ireo fanekekem-pinoana sy anaram-piagonana. Mangatsiaka sy tsy miraika izy ireo, ka ho lò avy hatrany ao anatin'ny tany ilay voa. Tsy afaka hivoaka ao ambanin'izany izy.

²²⁷ Izany no antony, amin'izao andro izao, ananantsika an'izay ataontsika. Tahaka ny Rahalahintsika sarobidy Billy Graham, ilay mpanao fifohazana malaza. Heveriko fa Andriamanitra no mampiasa an'ilay lehilahy. Saingy jereo izay ataony; mandeha any anivon'ireo Batista sy Presbyterana. Inona no ataonareo? Mahazo andiana mpikambana amin'ny fiagonana iray.

²²⁸ Hitanareo ve hoe aiza no ihambohamboan'ireo Batista Tatsimo any satria izy ireo no nanana an'ireo anaram-piagonana betsaka indrindra, na, ny anaram-piagonan'izy ireo no mitombo be lavitra noho ny an'ireo Protestanta hafa? Ireo Katolika no naka azy rehetra ireo, saiky, tamin'ny taondasa. Hitanareo ao anatin'ny gazety ve izany? Azo antoka fa nataony izany. Aza manahy, haka azy rehetra ireo izany, satria maka an'ireo Batista sy ny rehetra izany, miaraka mihitsy. Ary izy rehetra ireo ilay iray, nefä tsy fantavy izany.

Ny fivoriamben'ny fiagonana, Fivoriamben'ireo Fiagonana, no mametraka azy rehetra ireo ho ilay zavatra iray ihany mihitsy. Ny anaram-piagonana no mametraka... Nahoana, nahoana ianareo no te-hijanona *eto* na *eto*? Raha mbola mandà an'*Ity* foana ianareo, dia inona no fahasamihafana ataon'izany? Tsy mampiasa an'ilay etikety ara-anaram-piagonana iray ihany ve ianareo, mitovy mihitsy amin'ny hoe eo amin'ny toerana anankiray no misy anareo? Anankiray, ilay bibidia; ary ilay anankiray hafa, ilay marika. Noho izany, eo ianareo izao, noho izany dia tsy manao fahasamihafana mihitsy.

²²⁹ Eo no nisy azy. Nanisy fitomboka ny tombokasen'ny fanekeny izy, ary eo no andraisanareo an'izany. Ary eo no itarihany azy rehetra, mahitsy mankao amin'ny White House mihitsy, sy mankany Washington, DC, ary—ary ilay Fivoriamben'ny Fiagonana, ary any no andehananareo. Ireo mpitondra fivavahana no nitondra azy ireo avy hatrany, izay nolazain'ny Baiboly marina tokoa fa hataon'izy ireo. [Mandondôna in-enina ny polipitra Rahalahan Branham—Mpand.]

Oadray, maniry aho mba tsy handeha haingana loatra io famantaranandro io! [Hoy ny fiangonana hoe, “Alaivo ny fotoanao.”—Mpand.]

²³⁰ Ankehitriny, eritrereto fotsiny ankehitriny hoe aiza no misy antsika. Jereo ireo teny fikasana ho an’ilay andro, nolavina indray. Toy ny ahoana no nataon’ny fiangonana amin’izao andro farany izao, ilay famirapiratana ara-anaram-piangonana!

²³¹ Miaina ao amin’ny famirapiratana sandoka no antony tsy hahamasaka an’Izany. Izany no antony hoe, ity Teny ity, tsy mahita an’ireo fahagagana ianareo.

²³² Nanadihy ahy ny pretra iray, vao tsy ela akory izay, ka hoy izy hoe, “Andriamatoa Branham,” hoy izy, “ahoana no nanaovanao batisa?” Za—zazavavy anankiray izay nivoaka avy tamin’io fiangonana io; ary niverin-dàlana ka nanambady zazalahy Katolika iray, ary niditra tao amin’ilay fiangonana Katolika. Ary saika hitondra azy nankao amin’ny fiangonana izy.

²³³ Hoy aho hoe, “Nataoko batisa tamin’ny batisa Kristiana izy.”

Hoy izy hoe, “Te-hahafantatra ilay eveka.”

Hoy aho hoe, “Eny àry, izay ilay izy.”

Hoy izy, “Mianiana amin’izany ve ianao?”

²³⁴ Hoy aho hoe, “Tsy mianiana mihitsy aho.” Dia hoy izy... “Hia,” hoy aho, “raha tsy afaka handray ny teniko mikasika an’izany izy, eny, dia mety tsara izany. Satria, tsy mianiana aho. Hoy ny Baiboly hoe, ‘Aza mianiana amin’ny lanitra; sezà fiandrianan’Andriamanitra izany; ny tany no Fitoera-tongony. Aoka ny eninareo ho “eny,” ary ny tsia, “tsia.”” Hoy aho hoe, “Tokony handray ny teniko mikasika an’izany izy.”

Hoy izy, “Eny, ianao—hoy ianao hoe ‘batisa Kristiana,’ inona no tianao lazaina, amin’ny—amin’ny fanitrihana ve?”

²³⁵ Hoy aho hoe, “Izany no fomba tokana anaovana ny batisa Kristiana.” Hoy aho hoe, “Nataoko batisa tao amin’ny renirano Ohio izy; nanitrika azy tao ambanin’ny rano, tamin’ny Anaran’i Jesosy Kristy, ary nampakatra azy. Nanao batisa azy aho tamin’ny ‘Anaran’i Jesosy Kristy Tompo,’ izay batisa Kristiana tokana izay misy.”

Hoy izy, “Eny, tompoko.” Noraisiny naoty tahaka an’izao izany. Dia hoy izy hoe, “Hahahaha!” Hoy izy, “Fantatrao, tahaka an’izany no nanaovan’ny fiangonana Katolika batisa taloha.”

Hoy aho hoe, “Oviana?”

Dia nilaza izy. Nandroso, ary nitohy vetivety ilay resaka. Dia hoy izy hoe, “Eny, izahay no Katolika tany am-boalohany.”

²³⁶ Nahafantatra, nipetraka teo mihitsy ireo—ireo boky, fantatrareo, ary ny tantara mikasika an’izany, hoy aho hoe,

“Marina izany, saingy,” hoy aho, “nahoana no tsy ataoanareo ilay izy amin’izao andro izao?”

Hoy izy hoe, “Manana fahefana hamela fahotana izahay.” Hoy izy, “Jesosy, tsy niteny tamin’ireo Mpianany ve Izy hoe, ‘Na fahotan’iza no avelanareo, dia avela amin’izy ireo izany; ary na fahotan’iza no hazoninareo, dia hazonina amin’izy ireo izany?’”

Hoy aho hoe, “Eny, tomopoko. Niteny Izy.”

Hoy izy hoe, “Koa tsy manome fahefana ny fiangonana ve izany? Petera no lehiben’ny fiangonana.”

²³⁷ Hoy aho hoe, “Raha hamela fahotana tahaka ny namelan’i Petera azy ny fiangonana.” Hoy aho hoe, “Ankehitriny, rehefa nanontany izy ireo hoe, ‘Inona no tokony hataonay mba ho voavonjy?’ Hoy izy hoe, ‘Mibebaha, ny tsirairay avy aminareo, ary aoka hatao batisa amin’ny Anaran’i Jesosy Kristy ho an’ny famelàna ny fahotanareo.’” Hoy aho hoe, “Raha manao an’izany ianareo, dia handeha hiaraka aminareo aho.”

“Oh,” hoy izy, “miezaka miaro ny Baiboly ianao.”

Hoy aho hoe, “Izany no Teny.”

Hoy izy hoe, “Andriamanitra dia ao amin’ny Fiangonany.”

Hoy aho hoe, “Andriamanitra dia ao amin’Ny Teniny. ‘Ny olona rehetra, ny tenin’olon-kafa rehetra, dia lainga iray; ny Azy no Fahamarinana.’” Hitanareo?

²³⁸ Noho izany dia tsy misy fomba ahafahany mahita. Fa eo—mandeha eo izy ireo, ao anatin’ny aizina mihitsy. Ary ireo Protestanta, amin’arivony, dia lavo ao anatin’izany. Indro izy ireo, eo mihitsy mba hanaiky ny fanekem-pinoany sy ny sisa, manohy avy hatrany miaraka amin’izany. Mivoaka avy hatrany ny Teny, manaporofa an’izany, Jesosy Kristy maneho ny Tenany hoe, “tsy miova omaly, anio, ary mandrakizay.” Ao amin’io famirapiratan’ny fanekem-pinoana io, no androsoan’izy ireo avy hatrany mankao amin’ny aizina. Tahaka ny nataon’izy ireo tamin’ny andron’i Noa mihitsy, tahaka ny nataon’izy ireo tamin’ny fotoana rehetra, no anaovan’izy ireo an’izany indray amin’izao andro izao, mankao amin’ny aizina avy hatrany! Nahoana? Mandà ny Hazavana izy ireo satria ny fanekem-pinoana no nanajamba azy ireo.

²³⁹ Oh, ora maizina iray toy ny inona no misy antsika ankehitriny! Ah-hah! Hia, mandà ny Hazavana Mandrakizay marina an’i Kristy izy ireo, ary izany no manao an’ilay izy.

²⁴⁰ Tsy afaka mitondra Aina ho an’ny Tenin’Andriamanitra mihitsy ireo anaram-piangonana mangatsiaka, satria mitondra aina ho an’ny anaram-piangonan’izy ireo izany. Manana maro izay milaza ho Kristiana isika izao ankehitriny izao... Jereo eto, raha ny Kristiana... .

Nanontaniako an'io pretra io ity. “Raha ny . . . Raha handeha hijaraka aminareo aho, hoe izany ilay Fianganana katolika, tany amin’ny voalohany, tany amin’ny Pentekosta,” fa tsy tany Nise, Roma. Tsy nanomboka tany Nise mihitsy ilay Fianganana, Roma. Nanomboka tany amin’ny Pentekosta Izzy. Hitanareo? Tany Jerosalema no nanomboka ilay Fianganana. Fa hoy aho hoe . . .

²⁴¹ Eto, hanaiky aho fa ireo olona ireo, ireo andevo sy ny sisa, izay nanana ny Fanahy Masina, nahita ny herin’izy ireo sy ny sisa ireo tompony, izay nataon’izy ireo; nanangana ny maty, niteny tamin’ny fiteny tsy fantatra, nandroaka devoly, niteny mialoha an’ireo zavatra. Ary ireo mpaminany teo anivon’izy ireo, sy ny sisa, dia nivoaka niaraka tamin’ny hoditr’ondry nanodidina azy ireo; nihinana anana, tonga tao amin’io Fivoriamben’i Nise io, sy ny sisa, ary lehilahy malaza toy ny ahoana izy ireo! Ary nivoaka avy tany izy ireo, ka tonga tao amin’io Fivoriamben’i Nise io, nanohana an’ity Teny ity.

Fa, nandritran’io dimy ambin’ny folo andro nihoson-drà io, dia nanaiky “Ray, Zanaka, ary Fanahy Masina” ho fanekem-pinoana iray izy ireo, raha tokony ho ny foto-pampianaran’ny Baiboly hoe, “amin’ny Anaran’i Jesosy Kristy.” Tamin’ny alàlan’io no tonga ireo fianganana Protestanta rehetra, teraka tao anatin’izany, ilay zavatra iray ihany, ireo zavatra hafa rehetra ireo. Ny fiheverana diso mikasika ny Fanahy Masina; nandray izy ireo, nandray ny fandraisana, nisotro ny divay hoe, “Ity no eokaristia masina, izay midika hoe, ‘Fanahy Masina.’” Ilay pretra no manome anareo an’izany.

²⁴² Ankehitriny, ny Baiboly dia tsy mivaky hoe, “Rehefa tena tonga ny Andron’ny Pentekosta, dia indro tonga teny amin’ny lèlana ny pretra iray, ny vozon’akanjo nivadika, nanao hoe, ‘Atrangao ny lelanao ka raiso ny eokaristia masina.’” Tsia, tsy nilaza Izzy hoe, “Mihazakazaha eto ianareo olona rehetra ka omeo ahy ny tånana ankavanana’ny fiombonana, ianareo Batista, Metodista, ary Batista, hametraka ny anaranareo Aho. Mitondrà taratasy iray avy any ho any.”

²⁴³ Hoy Izzy hoe, “Tao amin’ny toerana anankiray izy rehetra ireo, niray saina. Ary tampoka teo dia tonga ny feo iray avy tany An-danitra tahaka ny rivotra mahery mifofofofo, ka nameno ny efitra rehetra izay nipetrahan’izy ireo izany. Feno ny Fanahy Masina izy rehetra, ka nanomboka niteny tamin’ny fiteny hafa, arak’izay nanomezan’ny Fanahy azy ireo ny fitenenana. Ary teo . . .” Nandeha teny an-dàlambe izy ireo, nivembena tahaka ny olona mamo, Maria sy ny sisa rehetra tamin’izy ireo, teo ambanin’ny fiantraikan’ny Fanahy Masina.

Nahoana, nilaza ny olona, naneso azy ireo, ka nanao hoe, “Feno divay vaovao ireo lehilahy ireo.” Inona izy ireo? Nohajambain’ny fanekem-pinoana iray.

²⁴⁴ Nitsangana teo io mpitory teny ratsy fitafy io, antsoina hoe Petera, ka hoy izy hoe, “Ianareo lehilahin’i Jodia ary ianareo izay monina . . . ianareo lehilahin’i Jerosalema, izay monina ao Jodia, aoka ho fantatrareo izao, ka henoy ny teniko. Tsy mamo ireo. Fa mamele ahy hiteny aminareo fa ny Soratra no nilaza fa hisy izao. Izao no Hazavana. Izao no Teny voaseho.” Amena.

Zavatra mitovy no mitranga amin’izao andro izao, ary manao tahaka ny nataon’izy ireo tamin’izany izy ireo, miala ary manifikifika ny lohany. Hoy izy, “Avelao izy ireo hipetraka tsara; jamba mitarika ny jamba, milatsaka ao anaty lavaka izy rehetra.”

²⁴⁵ Oh, mila an’i Kristy, Fiainana Mandrakizay, ny mitondra ny Tenin’ny Fiainana ho fanamarinana, tonga nofo. Oh, oadray, mamindrà fo! Mila ny Teny . . . mila ny Fanahy Masina hampiasa ny Tenin’Andriamanitra.

²⁴⁶ Rehefa hoy Jesosy hoe, “Mandehana ianareo rehetra mankany amin’izao tontolo rehetra izao, ka mitoria ny Filazantsara amin’ny olombelona rehetra.” Jereo ankehitriny, Marka 16, ny Fanirahany farany. “Izao tontolo rehetra izao, izao tontolo rehetra izao,” tsy mbola tonga any mihitsy ilay izy, hitanareeo. “Izao tontolo rehetra izao, ka mitoria ny Filazantsara amin’ny olombelona rehetra. Izay mino,” any amin’izao tontolo rehetra izao, “sy hatao batisa no hovonjena; izay tsy mino no hohelohina. Ary izao famantarana izao no hanaraka an’ireo izay mino.”

“Handray tànana an’ilay mpito- . . .”? Tsia. “Ho mambram-pianganana tsara ve izy ireo”? Tsia.

“Handroaka devoly amin’Ny Anarako izy ireo; hiteny amin’ny fiteny vaovao izy ireo; handray menarana izy ireo; na, hisotro zava-mahafaty, fa tsy hampaninona azy ireo izany; raha mametraka ny tànany eo amin’ny marary izy ireo, dia ho sitrana ireny.” Oh, oadray!

²⁴⁷ Hatraiza? “Ny olombelona rehetra.” Firy? “Izao tontolo rehetra izao,” mandra-Piveriny indray. “Izao famantarana izao no . . .” “Izay mino Ahy, ireo asa izay Ataoko no hataony koa. Hanao lehibe kokoa noho izany mihitsy aza izy, satria Aho mankany amin’Ny Raiko.”

²⁴⁸ Oh, ahoana fa ny ahafahantsika miala lavitra an’Izany dia mihoatra noho izay azoko lazaina! Ao anatin’ny aizina mihoatra noho izy ireo isika ankehitriny. Ankehitriny dia manana andininy vitsivitsy amboniny fotsiny aho eto, noho izany dia te-ho tonga eo amin’ny famaranana haingana mihitsy aho arak’izay azo at- . . . Ao anatin’ny aizina mihoatra noho izy ireo isika.

Fantattro fa mandreraka anareo aho eto, nandrity ny teo amin’ny adiny iray sy sasany teo. [Hoy ny fiangonana hoe,

“Tsia!”—Mpand.] Fa, hitanareo, mitohy ity horonam-peo ity ao anatiny ao. Hitanareo? Hitanareo?

²⁴⁹ Ao anatin’ny aizina mihoatra noho isika izy ireo. Nanao an’ilay filazana aho, an’izany. Nahoana? Ireo fiangonana, ao anatin’io famirapiratana io, dia tena mamataka, toy ny hoe izany no Fahamarinana. Ankehitriny, tsy nilaza ve Jesosy? Ndao jerentsika ny Matio 24, hitanareo. Matio 24, nilaza Jesosy fa, “Amin’ny andro farany, dia tena hifanakaiky ireo fanahy roa hany ka hamitaka an’ilay tena Voafidy izany raha azo natao.” Hisy vondrona voafidy iray hivoaka mba hanao an’ilay Fiangonana, amin’ny andro farany. Ary ireo rafi-pandaminana ireo, miaraka amin’izay antsoin’izy ireo hoe ny Fahamarinany, dia tena hifanakaiky hitovy amin’ilay tena Zavatra, ka hamitaka an’ilay tena Voafidy izany, na ireo Pentekotista aza.

²⁵⁰ Ankehitriny, fantatrareo fa tsy haka Pentekotista iray ianareo ka hamitaka azy amin’ny foto-pampianarana Metodista na Batista iray. Tsy hiteny aminy an’izany ianareo. Mahafantatra tsaratsara kokoa izy. Ianareo tsy hamitaka Batista iray amin’ny foto-pampianarana Loterana iray, ihany koa. Hitanareo?

Ary ianareo koa tsy handray ny Hafa-... hamitaka Hafatra, ankehitriny ao amin’ity Teny ity, amin’ny alàlan’ny foto-pampianarana Pentekotista iray, sandoka iray hoe “Ray, Zanaka, Fanahy Masina,” sy io karazan-javatra rehetra tahaka an’izany io, ary any ao amin’ireo fanekem-pinoana izay napetrak’izy ireo ao anatin’io rafi-pandaminana io. Tsia, tokoa. Tsy hahafitaka azy ireo mihitsy ianareo, satria tsy ho voafitaka ilay Voafidy.

²⁵¹ Inona izany? Inona izany? Famitahana. Ireo famirapiratana ireo, inona no ataon’izy ireo? Mitarika ny fiangonana mankany amin’ny favoriamben’ny famonoana izy ireo, amin’ny alàlan’ny famirapiratany. Ho izany ilay famonoana farany, rehefa miaramifandray izy sy Roma. Rehefa manao an’io sarin’ny bibidia io izy ireo, dia izany ilay famonoana farany. Ary ireo famirapiratana izay anananareo ankehitriny ireo, jereo izay ataon’izany, mitarika ny olona. Osy iray izany.

²⁵² Osy iray foana no mitarika ny ondry mankany amin’ny famonoana. Efa nahita an’izany ianareo tao amin’ireo fefy famonoana. Hihazakazaka eo avy hatrany io osy io ka hitarika ny ondry, avy eo izy dia hitsambikina hivoaka ka hamela an’ilay ondry hanohy hiditra. Izany no ataony. Izany foana no ataony.

Ireo osy no nitarika an’i Jesosy, ilay Zanak’ondry, nankany amin’ny famonoana. Ireo osy Romana! Marina izany.

Ilay izy dia—ireo osy ara-anaram-piangonana amin’izao andro izao no mitarika an’ilay ondry tsy manan-tsiny mankany amin’ny famonoana. Mametraka ny tenan’izy ireo, ny anaran’izy ireo eo amin’ireo boky ireo any, ka vita ny amin’izy ireo. Izany no mariky ny bibidia. Amin’ny Anaran’ny Tompo, no

itenenako. Efa nihazona an'izany nandrity ny fotoana ela. Marina izany. Marina tokoa izany. Inona ilay bibidia? Inona ilay bibidia? Ilay ambaratongam-pahefana Romana izany, ilay rafipandaminana voalohany. Inona ilay marik'izany? Ilay zavatra iray ihany, marina tokoa, ilay zavatra iray ihany marina tokoa tahaka ny naha-izy azy. Ilay famonoana, mankany amin'ny famirapiratana!

²⁵³ Fa eo anatrehan'ilay aizina misy, dia mbola nahita an'ilay Hazavan'Andriamanitra mamiratra hatrany foana isika. Toy ny ahoana no ankasitrahantsika an'izany!

²⁵⁴ Henoy tsara. Efa nahita ny Hazavana isika, Ny Teniny izay Nampanantenainy ho an'ity andro ity, voaporofo sy nohamarinina. Izany no Fahamarinana, ny Hazavan'ny ora. Oh, oadray! Tena faly aho. Tsy misy na inona na inona diso. Tsy misy na inona na inona.

²⁵⁵ Teto vao tsy ela akory izay dia nilaza ny mpitoriteny iray fa tany Florida izy, ary nanana fi—fiara iray izy, mino aho fa Chevrolet iray ilay izy, ary tsy nety taminy ilay zavatra. Tsy afaka nanamboatra azy izy. Dia nandeha nankany amin'ny garazy izy, ka mekanisiana antitra kely iray no nandeha tao ambany sy ambonin'izany, ka nikapokapoka nanodidina; tsy afaka nanamboatra azy izy. Ary izy—nanandrana an'ity izy, fa tsy nety ilay izy. Ary nanandrana zavatra hafa izy; tsy nety ilay izy. Nametraka famelomana iray izy, nametraka an'ity, ary nametraka bougies, nametraka vis platinées; tsy afaka nanao an'ilay zavatra hety izy. Tsy afaka nanao azy hety fotsiny izy.

Farany, nanatona ny lehilahy iray tsara akanjo. Hoy izy hoe, “Afaka manome toro-hevitra iray anareo ve aho?”

²⁵⁶ Nanan-tsaina betsaka ilay mekanisiana kely nilaza hoe, “Eny, tompoko.”

Hoy izy hoe, “Alaivo *ity*, ary akambano *ity* sy *ity*, ka,” hoy izy, “apetraho miaraka indray mandeha izany ka andramo ilay izy.” Dia nalainy *ity* nakambany tamin’*itsy*, ka napetrany niaraka izany, dia indro nandeha izy.

²⁵⁷ Nitodika ilay mekanisiana kely, ka nanao hoe, “Hono ho’aho, iza moa ianao?” Izy no injeniera, sefon’ny injenieran’ny General Motors. Izy no nanamboatra an'ilay zavatra. Izy ilay anankiray izay namolavola azy.

²⁵⁸ Ary, amin’izao andro izao, rehefa miresaka mikasika ny Metodista isika, Batista, ary Presbyterana. Eto ilay Sefon’ny Mekanisiana; ilay Mpamolavola Ny Teniny, ilay Lehilahy Izay namorona ny lanitra sy ny tany, ary namolavola Ny Fiangonany! Mahafantatra kokoa mikasika an'izay ilaina ho an'ny Fampakarana ve Izzy, na mahafantatra kokoa mikasika an'izay ilain'izany ve ny fiangonana Metodista na Batista? Izy no Mpamolavola. Fantany izay ilain'izany. Miakanjo tsara

ao amin'ny Herin'ny Fitsanganany Izzy. Haleloia! Mandeha eo anivontsika Izzy, androany, ao amin'ny Herin'ny Fitsanganany.

Fantany izay ilaina ametrahana Fianganana iray ao amin'ny lamin'ny Fampakarana. Izzy no namolavola an'Izany, ary manambatra an'ireo piesy ato amin'ny Baiboly. Amena! Avelao fotsiny ilay Herin'aratra hikoriana manerana an'Izany, diniho Izany miasa ankehitriny. Avelao ny finoana, ao amin'Ny Teniny nampanantenana an'izao andro izao, hikoriana manerana, dia ho hitanareo hoe ahoana no iasan'Izany. Nahoana? Izzy no namolavola an'ilay zavatra. Izzy no namolavola Ny Fianganany tamin'ny alàlan'ny Teny. Izany no Apetrary miaraka. Tsy amin'ny alàlan'ny rafsi-pandaminana Metodista, na Batista, na Presbyterana, na Pentekotista; fa amin'ny alàlan'Ny Teniny. "Tsy ny mofo ihany no hiveloman'ny olona, fa ny Teny rehetra izay aloaky ny vavan'Andriamanitra." Eny, tompoko.

²⁵⁹ Mivoaha avy ao amin'ireo famirapiratana ireo, ao afovoan'ny aizina, ity fotoana maizina izay iainantsika ankehitriny ity. (Mbola manana eo amin'ny dimy minitra fotsiny tavela.) Eo afovoan'ny aizina, dia iza no hamoaka an'ilay Ampakarina kely? Iza no mahafantatra mikasika Azy? Ilay Sefo Mpamolavola. Oh, eny. Avy amin'ity fifanjevoan'ny famirapiratana rehetra ity!

Eto, ny Metodista mamirapiratra eo amin'ny lèlana anankiray, ny Batista eo amin'ny iray hafa, sy Presbyterana eo amin'ny iray hafa, ary ireo Pentekotista eo amin'ny iray hafa, ity famirapiratana rehetra manerana ity. Mihazakazaka izy ireo, mametrakà ny anarany eto, ao amin'ity famirapiratana eto ity; tonga mba hahita, zavatra iray eo. Ary tonga eto; ary zavatra iray eo. Tonga eto...

²⁶⁰ Tahaka ny nolazaiko tamin'io pretra io hoe, "Raha ianareo rehetra no fiangonana tany am-boalohany, ka nanaraka ny foto-pampianaran'ireo lehilahy izay nipetraka niaraka tany Nise ireo, dia nahoana àry ianareo no tsy manana an'ilay hery izay nananan'izy ireo tany aorianana tany amin'ny voalohany? Nahoana ianareo no tsy manao an'ireo zavatra izay nataon'izy ireo, izay nolazain'i Jesosy?"

Hoy izy, "Oh, olona betsaka isika ankehitriny. Isika, miaina ao amin'ny taona hafa iray isika."

²⁶¹ Hoy aho hoe, "Saingy tsy miova ny Teny. Hoy Izzy hoe, 'Izao famantarana izao no hanaraka azy ireo amin'ny taona rehetra. Ny lanitra sy ny tany ho levona, fa Ny Teniko tsy ho levona mihitsy.' Izay ilay izy."

Hoy izy hoe, "Eny, miresaka mikasika ny Baiboly iray ianao."

²⁶² Hoy aho hoe, "Eny, ny Teny, izay Kristy." Marina izany. Ary noho izany dia eo ianareo izao. Hitanareo?

²⁶³ Ary ao amin'ity famirapiratana ity, dia mampiseho ny azy ny Metodista, mampiseho ny azy ny Batista, ny azy ny Presbyterana, ny tsirairay avy mitombo goavana kokoa sy goavana kokoa, isan'andro.

Ilay Ampakarina kely mahamantra, aiza no misy Azy? Mandeha ao amin'ny an'ny Tokana Pentekotista eto Izy, vetivety; mametraka ny Anarany eo Izy, ary milaza Izy, eny... Tonga mba hahita, hijery izay atao'izy ireo. Tonga eto izy ireo, ary, "Tsy maintsy mikambana aminay ianareo. Raha tsy mikambana amin'ny fiangonanay ianareo, dia tsy ao anatin'ny Ampakarina akory aza. Tsinontsinona akory aza ianareo." Mandeha ao amin'ny Assemblées eto, ary mijery an'izay ananan'izy ireo; eo indray ianareo izao. Mandeha mankany amin'ireo Batista, mijery an'izay ananan'izy ireo. Mijery an'ireo Presb-...

²⁶⁴ Inona no hitranga amin'ilay Zavatra mahamantra kely? Hitanareo? Fa hiseho Izy. Aza manahy ianareo. Ho eo Izy.

²⁶⁵ Nilaza ny lehilahy iray, teto teo amin'ny taona vitsy lasa teo izay. Tany New Mexico izy. Nanao favoriana iray aho tany akaikin'ny Carlsbad Caverns. Efa nandre ny amin'izy ireo ianareo tany, ilay lehibe... Ary nitondra lehilahy iray sy ny vadiny izy ireo, ary andian'ankizy, nandeha teo ambonin'io tohatra mihodina io, nandeha hatrany amin'ilay tena fanambanin'ilay lavaka. Ary rehefa tonga tao izy ireo, dia novonoin'izy ireo ny jiro rehetra. Ary rehefa novonoin'izy ireo ny jiro rehetra, dia maizina toy ny misasak'alina izany.

Efa nangataka tamin'izy ireo aho hanao an'izany teto tao amin'ireo zaridaina eto ireo, ary indray mandeha tany Colorado tany, izaho sy ny vadiko, ery aorianea ery, no tany. Dia namelona an'ireo jiro ireo izy ireo. Oadray, nametraka ny tananareo tahaka an'izao ianareo, fa tsy afaka nahita na inona na inona.

Ary nisy zazavavy kely iray nitsangana teo, ka nanomboka nihiakiaka izy hoe, "Oh!" Nihiakiaka. Izy, natahotra mafy izy, tena maizina ilay izy. Nandramby hatraiza hatraiza ilay zavatra mahamantra kely, ary niezaka nihiakiaka sy nihorakoraka ny rainy, reniny, hatraiza hatraiza. Tsy afaka nahatanty an'izany fotsiny izy, tena maizina ilay izy. Tsy mbola nahita aizina tahaka an'izany mihitsy izy.

²⁶⁶ Ary saika mitovy amin'izany ilay izy ankehitriny. Marina izany. Tena maizina ilay izy hany ka tsy fantattrareo izay haleha. Mandeha mankany amin'ny Metodista ianareo, mandeha mankany amin'ny Batista, mandeha mankany amin'ny Presbyterana, ilay zavatra iray ihany izy rehetra, hitanareo, mihinana an'ilay mana maty, lò miaraka amin'ny olitra ao anatiny. Hitanareo, zavatra mitovy, fanezem-pinoana iray hoe, "Midira ka mikambàna amin'ity, ary ilay hafa, itsy," fanezem-pinoana trrainainy sy ny zavatra rehetra. Tsy mahita an'i Kristy ianareo ao anatiny. Hitanareo? Oh, olona mpanamarin-tena no

hitanareo, izany no ho lazaiko. Maro ny olona mahafinaritra ao anatin'ao ankehitriny, ao anatin'ireny anaram-piagonana ireny. Ilay rafitra no lazaiko, fa tsy ireo olona ao anatin'ao. Fa, hitanareo, izany no hanin'izy ireo. Mitenena mikasika an'izany amin'izy ireo!

Ary *Ity* no Sakafo vaovao!

²⁶⁷ Ary ity zazavavy kely nitsangana teo ity, nikiakiaka izy, tamin'ny tampon'ny feony, saiky lasa taitaitra; saiky mitovy amin'ilay Ampakarina kely. Saingy mba fantatrareo moa? Niantsoantso ilay anadahy keliny, nanao hoe, "Ranabavy kely, aza matahotra." Satria, nitsangana teo akaikin'ilay injeniera mihtsy izy. Hoy izy, "Misy lehilahy iray eto izay afaka mandrehitra ny jiro."

Aza matahotra, Ranabavy kely, misy Lehilahy iray eto Izay afaka mandrehitra ny Jiro. Afaka manao an'ity Teny ity ho velona Izzy. Tsy fantatsika hoe ahoana no Hahatongavany. Tsy fantatsika hoe ahoana, rahoviana Izzy no ho avy. Tsy mahafantatra na inona na inona mikasika an'izany aho. Fa eto Izzy, ary afaka mandrehitra an'ireo Jiro Izzy. Ahoana no hivoahantsika avy ao amin'izany? Tsy fantatro. Fa eto Izzy, ary Izzy no Anankiray izay afaka handrehitra an'ireo Jiro. Eny, tompoko. Izzy no Anankiray. Izzy no Hazavana. Mampahafantatra ny Tenany fotsiny Izzy, tahaka an'izany no Andrehetany ny Jiro. Marina tokoa.

Mila an'i Kristy izany, hampanjelatra Ny Hazavany, amin'izay fotoana izay dia miparitaka ireo aizina rehetra. Manasaraka Izzy. Misintona Ny Ampakarina keliny hivoaka Izzy. "Haka vahoaka iray avy amin'ny Jentilisa Aho, nohon'Ny Anarako, izay hanana Ny Anarako." Iza No Anarany? Eny àry. Tsy Metodista, Batista, Presbyterana, Loterana. Izany dia Jesosy Kristy. Marina izany.

²⁶⁸ Izzy no Hazavana, ny Fahamarinana; ny Hazavana, ka tsy misy aizina ao Aminy. Ary manaparitaka ny aizina Izzy rehefa tonga Izzy, satria Izzy no Teny. Ny Teny no Hazavana. Marina izany. Satria, niteny Izzy ka nanao hoe, "Aoka hisy mazava," izany no Teny izay lasa hazavana. Rehefa Izzy no miteny an'Ity, dia izany no Hazavan'io taona io, isan'andro.

Ankehitriny dia eto Izzy, ao—tsy ao anatin'ny famirapiratana iray; nefà miaina ao anatin'ny famirapiratana iray ny olona. Fa Izzy no Teny nohamarinina. Izzy tanteraka tokoa no—no Hazavana amin'ny fotoan'ny aizina. Eny, tompoko. Ireo famirapiratana sandoka rehetra sy ny sisa ireo dia hanjavona. Eny, tompoko. Eto Izzy. Aza matahotra. Ampireheto ireo Jiro, Ny Teniny nampanantenaina. Velona Izany. Izany no manao . . .

"Izay mino Ahy, ireo asa izay Ataoko, no ataonareo koa." Noho izany, dia ny Teny izany. "Tahaka ny nanirahan'ny Ray Ahy, no Anirahako anareo koa." Ilay Ray izay naniraka Azy, no

niditra tao Aminy. Ilay Jesosy izay maniraka anareo, no miditra ao aminareo. Ary ireo asa izay Nataony tamin'izany, dia manao an'ilay zavatra iray ihany Izzy, satria (nahoana?) ny Teny dia tonga nofo, ao anatin'ny nofon'olombelona, maneho ny Tenany ho Hazavan'ilay andro. Eo isika izao. Izany ilay izy. Maneho fotsiny an'ilay lâlana mankany amin'ny Hazavana izany, ao amin'ny Hazavana. Ireo olon-kendry, izay tsy nohajambain'ireo fanekem-pinoana sy anaram-pianganana, dia handeha ao amin'io Hazavana io. Oh, oadray!

²⁶⁹ Misy Lehilahy iray eto izay afaka mandrehitra an'ireo Jiro, eny àry. Inona no Ataony? Amin'ny fanamarinana Ny Tenimy ho an'ity andro ity. Jesosy, ilay Zanak'Andriamanitra, Izay nampanantena ny Teny ho an'ity andro ity, dia eto mihitsy miaraka amintsika.

Aza matahotra. Aza miraharaha an'izay ataon'izy ireo; ianareo dia, handeha ao amin'ny aizina ianareo.

Aoka ho hendry. "Ireo izay hendry," hoy i Daniela, "amin'ireo andro farany ireo, dia hanao zava-dehibe ho an'Andriamaniny." Hitanareo? Hitanareo? Handeha ao amin'ny Hazavana izy ireo, tahaka Azy ao amin'ny Hazavana.

²⁷⁰ Aza manahy. Mety ho maizina ny andro, toy ny hoe hanery antsika izy ireo, ny tsirairay avy. Ireo rehetra ireo, mahita ny fanambaran'izy ireo mivoaka ianareo hoe, "Ireo fiangonana kely rehetra sy ny sisa ireo dia tsy maintsy hiditra ankehitriny. Tsy maintsy miditra ianareo," raha tsy izany dia hanakatona anareo izy ireo. Hanao an'izany izy ireo.

²⁷¹ Ankehitriny dia tiantsika hidòna tena mafy izany, rahariva, rehefa tonga eo amin'io fotoana io aho, hitanareo.

²⁷² Ankehitriny, izy ireo, "Hanakatona izahay." Tsy maintsy ho isan'izy ireo ianareo, na tsia. Ianareo dia—na ianareo ao anatin'izany, na tsy afaka hanao na inona na inona ianareo, tsy afaka hividy na hivarotra akory aza. Izay ilay izy. Tsy sahy hivavaka ho an'ny marary ianareo. Raha tratra mikarakara marary iray ianareo na olona iray miaraka amin'ny zavatra arapanahy iray ao anatin'yo, dia eo ambanin'ny lalàna federaly iray ianareo, mba hovonoina. Marina tokoa izany. Hitanareo? Fantatrareo izany. Marina izany. Ao anatin'ny gazetin'izy ireo izany. Eny, tompokeo. Noho izany, tsy afaka hanao an'izany ianareo, tsy maintsy mikambana amin'ilay antokom-pivavahana ianareo.

Rahalahy, mamele ahy hiteny zavatra aminareo. Tsaratsara kokoa aminareo ny mandray an'i Kristy ao am-ponareo izao ankehitriny izao, satria ho avy ny fotoana izay hilànareo marina tokoa an'Izany. Any ivelany ianareo amin'izay fotoana izay. Tsarovy, rehefa apetraka io tombokase io, ho an'ny tsara no maha-eo azy. Hitanareo? Noho izany, aza manao an'izany. Aza

mino an'io karazan-javatra io ianareo. Midira avy hatrany ao amin'i Kristy izao ankehitriny izao, ny Teny. Eny, tompoko.

²⁷³ Manamarina ny Teny, ary maneho fa Izany no Hazavan'ny ora. Tahaka an'izany no ahafantarantsika fa Izy no Hazavana, satria Izy no Hazavana maneho ny Tenany ao anatin'ny nofo.

Ahoana no ahafantarantsika? Izy no Tenin'Andriamanitra tonga nofo. Hitanareo, naneho ny Tenany ny Tenin'Andriamanitra, nanamarina ny Tenany, rehefa tonga ny Mesia, inona no Hataony.

²⁷⁴ Hoy ilay vehivavy, teo amin'ny fantsakana hoe, "Rehefa tonga ny Mesia, dia Izy no hanao an'ireo zavatra ireo. Tsy maintsy ilay Mpaminany Ianao, izany hoe ny Teny, miteny mialoha aminay an'ireo zavatra ireo."

²⁷⁵ Hoy Izy hoe, "Izaho no Izy." Hitanareo? Ampy izay. Namiratra teo amin'ilay Teny nampantanenaina ny Hazavana. Eo ny Hazavana.

²⁷⁶ Nandeha nankany an-tanàna avy hatrany izy, nanao hoe, "Avia, hijery Lehilahy iray Izay niteny tamiko an'ireo zavatra izay nataoko. Tsy izao ve no tena Mesia?" Izay ilay izy. Hitanareo? Tsy mampaninona izay nolazain'ireo hafa, fantany fa io no Mesia.

²⁷⁷ Tsarovy, tao amin'ny taona tsirairay, tamin'ny fotoan'ny aizina, dia efa nanana Ny Teniny foana Andriamanitra mba hampisaraka ny Hazavana amin'ny maizina.

Nanana an'Izany Izy tamin'ny andron'i Luther, nefà nanana ny zavatra rehetra ny fiangonana Katolika; naniraka an'i Luther Izy ho Hazavana mamiratra iray, ary Luther nampisaraka ny Fahamarinana tamin'ny aizina.

Ary rehefa nivadika ireo Loterana, dia nanao John Wesley iray Izy, ary nampisaraka ny Hazavana tamin'ny aizina izy.

Ary tamin'ny andron'ny pentekosta, rehefa ny Wesleyana no lasa tanteraka... sy ny Metodista no lasa nadity tanteraka, sy ny Batista, ary Presbyterana, dia nandefà ny hafatra pentekotista Izy hanasaraka ny Hazavana amin'ny aizina.

Niverina niditra tao amin'ny aizina avy hatrany indray ny Pentekosta, tahaka an'izany, tao amin'ny rafi-pandaminan'izy ireo, nandray an'ireo fanekem-pinoany sy ny sisa.

Ankehitriny dia tonga ny ora hahatonga an'ity Teny ity ho voamarina. Mandefa ny Hazavana Izy, ny Teny tonga voaseho, tahaka ny Nataony tany amin'ny voalohany; mandefa ny Teny, ary manaporofo ny Tenany Izany. Misy ny Hazavana, ary manasaraka foana Izy. Mitovy ankehitriny, tahaka an'ireo Hazavana kely Mandrakizay tany amin'ny voalohany.

²⁷⁸ Mijery an'ireo zanaka, araka ny lazaiko, mihoatra dimy minitra amin'ny fotoako aho ankehitriny. Fa mamele ahy hiteny an'ity zavatra anankiray ity.

Misy Lehilahy iray manatrika eto! Aza matahotra, tsy mampaninona izay lazain'izy ireo. Efa nahita an'izany tonga teo amin'ny toerana iray aho izay tsy nahafantarako hoe aiza no handehanana amin'ny manaraka, saingy manatrika foana Izzy. Ilay Fanatrehana tsy diso mihitsy, eo foana Izzy. Afaka mandrehitra ny Jiro Izzy. Eny, tompoko. Miandry fotsiny Izzy, mijery an'izay hataonareo. Afaka manodina an'ilay fanapihana amin'ny fotoana rehetra izay Tiani Izzy. Eny, tompoko.

²⁷⁹ Misy Lehilahy iray eto izay afaka mandrehitra an'ireo Jiro. “Ireo izay nitoetra tao amin’ny faritry ny aloky ny fahafatesana,” ny sasany tamin’izy ireo teo ambanin’ny homamiadana, ny sasany tamin’izy ireo teo ambanin’ny fahafatesan’ny anaram-piangonana, ny sasany tamin’izy ireo teo ambanin’ny fahafatesan’ny fanekem-pinoana, ny sasany tamin’izy ireo teo ambanin’ny fahafatesan’ny fombafomba, sy ireo karazam-pahafatesana rehetra, “ary nahita Hazavana lehibe izy ireo.” Ilay Lehilahy izay nampanjelatra an'ireo Jiro tamin'izany, no ilay Anankiray ihany Izay nilaza, tany amin'ny voalohany hoe, “Aoka hisy mazava.” Io Andriamanitra tsy miova io, “omaly, anio, ary mandrakizay,” manatrika Izzy androany, eto mihitsy ankehitriny. Aza matahotra. Afaka mandrehitra an'ireo Jiro Izzy.

Rehefa tonga ny fanenjehana, dia aza matahotra. Misy Hazavana iray, izay nilaza fa haka ny Olony Izzy. Tsy handalo fahoriamble Izzy. Tsy hanao an'izany mihitsy Izzy. Izzy no nilaza fa tsy handalo Izzy. Ho alaina Izzy. “Ahoana no hanaovan’izy ireo an’izany, Rahalahy Branham? Toy ny hoe maizina mahatsiravina!” Tsy mampaninona na lasa maizina toy ny ahoana aza ilay izy, tsy afaka mahita ny tanganareo eo anoloanareo ianareo, tsarovy fotsiny, misy Lehilahy iray eto izay afaka mandrehitra ny Jiro. Hampakatra an'io Fiangonana io Izzy.

Hoy ianareo hoe, “Eny, izaho dia tena . . .”

²⁸⁰ Hia, Sadraka, Mesaka, ary Abednego, dia tena nanatona mihitsy nankeo amin'ilay lafaoro afo, saingy nisy Lehilahy iray teo Izay afaka namelona an'ilay rivotra. Eny, tompoko. Io Rivotra mahery nifofofo izay nidina tamin'ny Andron'ny Pentekosta io, Izzy no namelona an'Izany indray ka nikopakopaka an'io tsio-drivotra rehetra io niala tamin'izy ireo, ilay afo rehetra. Nisy Lehilahy iray teo; Izzy no nantsoina hoe “ilay Lehilahy fahefatra.”

²⁸¹ Misy Anankiray eto androany. Izzy no Anankiray tokana! Haleloia! Manana ny fanapihana an'ilay Jiro eny an-Tanany Izzy. “Ireo izay nitoetra tao amin’ny faritry ny aloky ny fahafatesana, no niposahan’ny Hazavana lehibe.” Aza lavina Izany. Raiso Izany, amin'ny Anaran'ny Tompo. Raha manondrika ny lohantsika vetivety fotsiny isika.

Handeha ao amin'ny Hazavana isika, Hazavana
tsara tarehy,
Tonga eo amin'izay amiratan'ireo andon'ny
famindrampo;
Mamiratra manodidina antsika rehetra andro
aman'alina,
Jesosy, ilay Hazavan'izao tontolo izao.

Handeha ao amin'ny Hazavana isika, tena
Hazavana tsara tarehy izany,
Izany dia tonga eo amin'izay amiratan'ireo
andon'ny famindrampo;
Mamiratra manodidina antsika rehetra andro
aman'alina,
Jesosy, ilay Hazavan'izao tontolo izao.

Avia, ianareo olo-masin'ny Hazavana, ambarao,
Jesosy, ilay Hazavan'izao tontolo izao;
Amin'izay fotoana izay dia haneno ireo
lakolosin'ny Lanitra,
Jesosy, ilay Hazavana . . .

Inona izany? Ilay Teny voamarina no Jesosy androany. Izy
no Teny.

Handeha ao amin'ity Hazavana ity isika, tena
Hazavana tsara tarehy izany,
Izany dia tonga eo amin'izay amiratan'ireo
andon'ny famindrampo;
Oh, mamiratra manodidina antsika rehetra andro
aman'alina,
Jesosy, ilay Hazavan'ny . . .

²⁸² Miaraka amin'ny lohanareo miondrika. Manontany aho hoe
firy eto no te-handeha ao amin'ity Hazavana ity, eo ambanin'ny
fitarihan'ny Fanahy Masina, ilay Teny voamarina an'izao andro
izao? Hitanareo? Ilay Teny izay nampanantena in'Andriamanitra
amin'izao andro izao, mahita an'Izany voaseho!

Tsy Izy tany amin'ny voalohany ve izany? Izy no Teny. Teraka
ilay Zanaka; Izy no Teny. Izy no Mesia; Izy no Teny voamarina.
Koa noho izany ny Teny, Andriamanitra no niteny ny fi- . . . ny
fiafarana hatrany amin'ny fiandohana.

²⁸³ Ankehitriny dia misy Teny iray ho an'ity andro ity, ary eto Izy
manamarina an'izany Teny izany.

Eo afovoan'ny fifanjevoana, aizina sy famirapiratana, toy ny
hoe mitovy betsaka amin'ilay izy Izany, saingy tsy izy Izany. Tsy
manaporofa ho Izy izany; ny fanekem-pinoana.

²⁸⁴ Hoy Jesosy hoe, "Raha mamoaka devoly amin'ny alàlan'ny
rantsan-tànan'Andriamanitra Aho, dia amin'ny alàlan'iza no
amoahanareo azy ireny?" Tsy namoaka azy ireny izy ireo.
Hitanareo? "Fa, tsia, raha mamoaka devoly amin'ny alàlan'ny

rantsan-tànan'Andriamanitra Aho, amin'izay fotoana izay dia akaiky anareo ny Fanjakan'Andriamanitra."

Oh, ndao isika hieritreritra an'izany, raha manangana ny tànantsika isika. Moramora ankehitriny, ka eritrereto, mangina tsara.

Handeha ao amin'ity Hazavana ity isika, ity no
Hazavana tena tsara tarehy,
Ary izany dia tonga ao amin'ireo andon'ny . . .

Ataovy ny fifonanareo. Minoa an'Andriamanitra ankehitriny.

Mamiratra manodidina antsika rehetra andro
aman'alina,
Jesosy, ilay Hazavan'izao tontolo izao.

Handeha ao amin'ity Hazavana ity isika, tena
Hazavana tsara tarehy izany,
Izany dia tonga eo amin'izay amiratan'ireo
andon'ny famindrampo;
Mamiratra manodidina antsika rehetra andro
aman'alina,
Jesosy, ilay Hazavan'izao tontolo izao.

²⁸⁵ Raha mbola manohy mitendry izy ireo, dia te-hanontany aho. Efa nitovy ny taona tsirairay. Tamin'ny andron'i Noa, ireo izay nandà ny Hazavana, dia inona no nataon'izy ireo? Nandeha tao amin'ny fitsaran'Andriamanitra. Inona no nitranga tamin'i Farao tamin'ny andron'ny Hazavan'ilay roimemy nirehitra, izay tao amin'i Mosesy? Nandeha tao anatin'ny ranomasin'ny fahafatesana. Inona no nitranga tamin'i Datana izay nanomboka ka nandà ny Hazavana avy eo? Nandeha tao amin'ny fitresahan'ny tany; nitelina azy tanteraka izany. Inona no nitranga tao amin'ireo taona rehetra, ho an'ireo izay diso tamin'ny fandehanana tao amin'ny Hazavana, ny Hazavan'ilay andro?

Jesosy foana izany. Izany no Jesosy tamin'ny andron'ireo lehilahy ireo. Izany no Jesosy androany, satria Izy no Teny, ary ny Teny no manao ny Hazavana. Izany no Hazavan'ilay andro.

Eritrereto izany ankehitriny, tena am-pahanginana mihitsy, raha ao amin'ny fahatsoram-po isika, manontania, mandeha ao amin'ny Hazavana ve ianareo? Raha misamonomonona an'izany indray isika. [Manomboka misamonomonona Rahalahy Branham sy ny fiangonana hoe, *Jesosy, Ilay Hazavan'Izao Tontolo Izao—Mpand.*]

. . . Hazavana tsara tarehy,
Tonga eo amin'izay amiratan'ny andron'ny
famindrampo;

Mamiratra manodidina antsika rehetra andro
aman'alina,
O Jesosy, ilay Hazavan'izao tontolo izao.

Ndoa isika hitsangana ankehitriny, amin'ny tongontsika.

²⁸⁶ Mivavaka amin'ny Ray any An-danitra aho mba hamela an'ity Hafatra ity hilentika lalina ao am-pon'ny olona izay manatrika, ary ireo izay hihaino Azy amin'ny alàlan'ny horonam-peo. Ary enga anie ho tonga eo ambonin'ny Teny ny Hazavana, ilay Voa, ka hamoaka ny Voa voafidy mialoha rehetra izay nambolena tao anatin'ireo famirapiratana sy rafipandaminana samihafa. Enga anie izy ireo hahita tahaka an'i Nikodemosy, na dia tsy maintsy ho "tonga amin'ny alina" aza izy ireo, hanatona ny Hazavana. Ekeo izany, Ray.

²⁸⁷ Enga anie hivoaka io tranga lehibe io, an'io Vatolampy izay niendaka tamin'ny tendrombohitra io, tsy nisy tånanana. Hanorotoro an'ireo fanjakan'ny Jentilisa amin'ny tany Izany, ireo fanjakana rehetra, ireo fanjakana ara-panahy sy fanjakana ara-boajanahary. Ka hanarona ny tany manontolo ilay Vatolampy; ho zavatra nodiovina iray izany. Ireo izay torotoroin'io Vatolampy io dia ho voatoto lasa vovoka; ireo izay mianjera eo ambonin'io Vatolampy io dia hanana fototra mafy iray.

²⁸⁸ O Kristy, avelao aho, amin'ny maha-Mpanomponao, ho faty eo ambonin'ity Vatolampy ity, ity Vatolampin'Ny Teninao ity. Tompo Andriamanitra, avelao aho hitsangana, tahaka an'i Davida, sy ireo mpiady fahiny izay nanohana an'i Davida ireo, avelao aho hanohana an'ity Teny ity androany raha hitako fa lavin'ireo anaram-piangonana Izy. Mipetraka eto ao amin'ny toera-mangina kely iray any ho any Izy. O Andriamanitra, izaho... Ekeo mba hanana tanjaka sy herim-po izahay, ary ny Fanahy Masina, mba hijoro, satria miha-maizina kokoa sy maizina kokoa ireo ora.

Fa avelao izahay hahatsiaro isan'andro fa manatrika Ianao mba handrehitra an'ilay Jiro. Amin'ny ora rehetra izay Irianao handrehetana, dia afaka mandrehitra ny Jiro Ianao, Ray. Noho izany dia mivavaka izahay....

²⁸⁹ Satria hoy Ianao hoe, "Ianareo no Hazavan'izao tontolo izao." Ekeo, Tompo, mba ireo Hazavanay, izay amin'ny Asanao, hamiratra tena mamiratra ho an'ireo hafa, mba hahitan'izy ireo ny Hazavan'ny Filazantsara araka ny iainanay azy, Tompo, isan'andro, mampitaratra amin'izy ireo ny Fiainan'i Jesosy Kristy fony Izy teto an-tany; feno fanetre-tena sy fahamoram-panahy, kanefa niaraka tamin'ny Teny velona mihitsy tao Aminy. Ekeo izany, Tompo.

Satria, miantehitra Aminao izahay, ilay Anankiray lehibe miaraka amin'ny fanapihana eny an-tånanana. Ianao no mihazona an'izao tontolo izao eny an-Tånananao. Ianao no mihazona ny

zavatra rehetra eny an-Tànnanao, ary manohana an'izao tontolo izao amin'ny alàlan'Ny Teninao.

O Ray, avelao izahay handray ny Teny; hamela ve Ianao, azafady, Tompo? Enga anie ho izany no filazana sy fanirian'ny fo tsirairay ato.

²⁹⁰ Ray, raha mihira an'ireo hira fiderana ireo izahay... Raha nihira an'ireo hira fiderana i Davida, dia lasa faminaniana izy ireo. Faminaniana izy ireo, ary nanaiky azy ireny Ianao, faminaniana. Raha mihira an'izany izahay, Tompo, dia enga anie izany ho ao am-ponay, ihany koa, raha mihira izahay hoe, "Handeha ao amin'ity Hazavana ity isika." Ho tanteraka anie izany, Tompo.

Ity no Hazavana tsara tarehy. Izany dia ny Teny. Izany no Kristy velona eo anivonay. Tsy izay naaha-izy Azy; izay maha-izy Azy, ary, fantatray fa nampitaratratra fotsiny an'izay maha-izy Azy Izy. Ary mivavaka izahay, Ray, mba hahazoan'ny olona sy handehanany ao amin'ity Hazavana tsara tarehy ity. Mangataka amin'ny Anaran'i Jesosy izahay.

²⁹¹ Raha mbola mijanona mitsangana vetivety fotsiny isika, dia tiako isika rehetra hihira.

²⁹² Ankehitriny ato dia misy Presbyterana, Metodista, Katolika. Mpanatrrika iray mifangaro ity, raha araka ny ara-anaram-piangonana.

²⁹³ Tsarovy ankehitriny, aoka ho fantatra izao, fa tsy miteny na inona na inona manohitra ny olona ao anatin'ireny famirapiratana ireny aho. Fa efa nopofoiko izany, araka ny Baiboly, fa famirapiratana izy ireo. Raha tsy izany, dia ho nanao tahaka ny Nampanantenainy fa hatao Kristy, miaraka amin'izy ireo. Hitanareo? Fa mandà an'Izany izy ireo. Hitanareo? Ary rehefa tonga any ianareo, dia inona no hitanareo? Ny "mikambàna amin'ny fiangonana, manaova tsianjery fanekek-pinoana iray." Ary inona no avoakan'izany? Tonga eo amin'ny faran'ny lâlana, dia hitanareo fa sandoka iray ilay izy, rendrirerendry.

Kristy no Teny. Izy no Hazavana. Mivelòma ankehitriny, raha mbola afaka ho velona ianareo. Mivelòma ho an'ny zavatra iray.

²⁹⁴ Ho an'ny inona no ivelomanareo? Mba ahafahanareo ho faty. Ny tsirairay avy aminareo, ho an'ny inona no iasanareo? Mba hihinanana. Ho an'ny inona no ihinananareo? Mba ho velona. Ho an'ny inona no ivelomanareo? Mba ho faty.

Koa nahoana no tsy mivelona mba ho velona? Nahoana no tsy mivelona mba ho velona? Noho izany, ny fomba tokana ahafahanareo ho velona dia ny manaiky ny Teny. Satria, "Tsy ny mofo ihany no hiveloman'ny olona," izay ataontsika eto amin'ny hatsebohan'ny handrintsika, "fa ny Teny rehetra izay avy amin'ny vavan'Andriamanitra." Ankehitriny ny Teny

avy amin'ny vavan'Andriamanitra dia efa voamarina teto anatrehantsika mihitsy, tamin'ny alàlan'ny Fanahy Masina. Mivelòma amin'Izany, tsy hanao ve ianareo?

²⁹⁵ Ankehitriny dia tiako, raha mbola mihira an'ity indray isika, ndao isika tsirairay avy hitsangana fotsiny eo amin'ny toerantsika, atsory ny tànana ka raiso ny tànan'ny olona iray, ary manova hoe, "Rahalahy, ndao isika handeha ao amin'ity Hazavana ity," raha mihira isika hoe *Mandehana Ao Amin'Ny Hazavana*. Sitrakareo ve? Mivavaha ho an'ny tsirairay avy raha mametraka ny tànanareo miaraka ianareo, raha mihira an'izany miaraka isika; miaraka amin'ny masontsika mikimpy, arak'izay azo atao.

Handeha ao amin'ny Hazavana isika, tena Hazavana tsara tarehy,
Izany dia tonga eo amin'izay amiratan'ireo andon'ny famindrampo;
Mamiratra manodidina antsika rehetra andro aman'alina, (Iza Izany?)
Jesosy, ilay Hazavan'izao tontolo izao.

Ndao isika hanangana ny tànantsika.

Handeha ao amin'ny Hazavana isika, Hazavana tsara tarehy izany,
Tonga eo amin'izay amiratan'ireo andon'ny famindrampo;
Mamiratra manodidina antsika rehetra andro aman'alina,
O Jesosy, ilay Hazavan'izao tontolo izao.
Avia, ianareo olo-masin'ny Hazavana rehetra, ambarao, (Inona izany?)
Jesosy, ilay Hazavan'izao tontolo izao;
Amin'izay fotoana izay dia haneno ireo lakolosin'ny Lanitra,
Jesosy, ilay Hazavan'izao tontolo izao.

Ny rehetra, ndao isika hihira an'izany ankehitriny.

Handeha ao amin'ny Hazavana isika, ary Hazavana tsara tarehy izany,
Tonga eo amin'izay amiratan'ireo andon'ny famindrampo;
Mamiratra manodidina antsika rehetra andro aman'alina,
Jesosy, ilay Hazavan'izao tontolo izao.

²⁹⁶ Miaraka amin'ny lohantsika miondrika ankehitriny. Tsarovy rehefa tao amin'ny diany i Isiraely, nihinana mana vaovao isan'andro, nandeha tao amin'ny Hazavan'ny Andry Afo iray izy ireo. Io Andry Afo io dia Jesosy Kristy. Ny Baiboly no milaza fa izany Izy. Ary androany dia miaraka amintsika Izy; manana Azy isika. Fantatsika fa miaraka amintsika Izy, ilay Andry Afo

iray ihany, manao an'ireo zavatra iray ihany izay Nataony fony Izy teto an-tany teto, mba hanatanteraka Ny Teniny.

²⁹⁷ Raha mandeha avy eto isika, dia aoka ho tsaroantsika, hazony ao am-pontsika izany hira izany raha mandeha mankany an-tranontsika isika, raha misamonomonona hira iray ireo kodiarana. Alohan'ny ihinananareo ny sakafo harivanareo, dia aondreho ny lohanareo ka misaora an'Andriamanitra nohon'ny nandefasana hazavana hitondra sakafo eto ambonin'ny tany, ho an'ny tenanareo ara-batana. Avy eo dia misaora an'Andriamanitra nohon'ny nandefasana Hazavana ara-panahy, Ny Teniny, mba Ahafahany manome Sakafo ho an'ny fanahy. "Satria tsy ny mofo ihany no hiveloman'ny olona, fa ny Teny rehetra izay aloaky ny vavan'Andriamanitra."

²⁹⁸ Manohiza mihira irery an'ity hira fiderana ity, ao an-tranonareo, eo anivon'ny olonareo, ka hihaona aminay indray eto eo amin'ny enina sy sasany, rahariva, ho an'ireo karatra fangataham-bavaka sy ny sisa. Hahita anareo izahay amin'izay fotoana izay. Mandra-pahatongan'izany, dia aondreho ny lohanareo.

²⁹⁹ Hangataka an-dRahalahy Neville aho raha hiakatra eto izy ankehitriny, ny pasitera, ka hampirava antsika amin'ny tonom-bavaka iray.



*MISY LEHILAHY IRAY ETO IZAY AFAKA
MANDREHITRA NY JIRO MAG63-1229M*

(There Is A Man Here That Can Turn On The Light)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 29 Desambra, 1963, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.

www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org